

# العُضْوِيَّةُ دِيَالِ الْكُنَيْسَةِ

كَيْفَاشُ الْعَالَمِ  
يُقَدَّرُ يُعْرَفُ النَّاسُ  
الَّذِي كَيْمُتُّو الرَّبَّ  
يَسُوعَ

جوناتان ليمان

"القادة ديال الكنائس من كل طائفة غادين يلقاو هاد الكتاب الصغير عامر بأفكار عملية وْحَجَج مفيدة غادي يعاونونا نعالجو المسيحيين فالثقافة ديالنا اليوم من الحساسية الّتي عندهم ضد عضوية الكنيسة، والسلطة ديال الراعي، والمُساءلة فالحياة، وأي قيود على حريتهم الشخصية"

تيم كيلر، الراعي اللؤل في كنيسة ريديمر المشيخية، مدينة نيويورك

"كتاب مُوجَز، جديد، ممتع، وفوق كلشي، كِتَابِي. هادا هو الشرح والدفاع على عضوية الكنيسة الّتي كنّي كتقلب عليه"

مارك ديفر، الراعي اللؤل في كنيسة كابيتول هيل المعمدانية، واشنطن العاصمة

"كتاب عَمَلِي، مُقنع، وأمين للتعليم الكِتَابِي. لي مان كيفكرنا بلي عضوية الكنيسة ماشي إختيار ولكن راها مطلوبة. الكتاب قوي وكِيخَلِينا نفكرو، ولكن فنفس الوقت، عامر بإنجيل النعمة"

توماس شرايئر، أستاذ جيمس بوكانان هاريسون لتفسير العهد الجديد، الكلية اللاهوتية المعمدانية الجنوبية

"كنعيشو في عصر كيتفاعلو فيه الناس مع الكنيسة وكياخدو قرارات على الكنيسة كيما كيديرو مع في شمن مطعم غادين ياكلو. حنا محتاجين باش نفيقو من النعاس الاستهلاكي ديالي. هاد الكتاب هو دعوة باش نفيقو إلا بغينا الناس يتحولو من مُستهلكين لمُشاركين في الإنجيل"

دارين باتريك، راعي، سانت لويس، ميزوري؛ مؤلف كتاب "على ود المدينة" و"زارع الكنائس"

# العُضُويَّةُ دِيَالِ الْكُنَيْسَةِ

كَيْفَاشِ الْعَالَمِ  
يُقَدَّرُ يُعْرَفُ النَّاسُ  
الَّذِي كَيْمُتُّو الرَّبَّ  
يَسُوعَ

جوناتان ليمان

العضوية دبال الكنيسة: كيفاش يقدر العالم يعرف الناس اللي كيمتلو الرب يسوع؟  
حقوق الطبع والنشر © 2012 جوناتان ليومان  
الكتاب نشراتو خدمة  
Crossway  
1300 Crescent Street  
Wheaton, Illinois 60187

كل الحقوق محفوظة. ماخاصش إعادة إنتاج أي جزء من هاد المنشور أولا التخزين دبالو في أي نضام أولا النقل دبال بأي شكل من الأشكال بأي وسيلة، إلكترونية أولا ميكانيكية أولا بالتصوير أولا التسجيل أولا غيرهم، بلا إذن مسبق من الناشر، باستثناء ما ينص عليه قانون حقوق الطبع والنشر في الولايات المتحدة الأمريكية.

تصميم الغلاف: شركة Dual Identity.  
صورة الغلاف: واين بريزينا من .brezinkadesign.com  
الطبعة الأولى 2012  
الكتاب تطبع في الولايات المتحدة الأمريكية

اقتباسات العهد الجديد الكتاب المقدس موخودة من الترجمة المغربية القياسية والعهد القديم من الترجمة دبال مُترجم الكتاب، حقوق الطبع والنشر © 2001 خدمة Crossway Bibles. مستعلمة بادن. كل الحقوق محفوظة.

9Marks ISBN: 979-8-89218-203-4

---

### Library of Congress Cataloging-in-Publication Data

Leeman, Jonathan, 1973-

Church membership : how the world knows who represents Jesus / Jonathan Leeman ; foreword by Michael Horton.  
p. cm. — (9Marks)

Includes bibliographical references and index.

ISBN 978-1-4335-3237-5 (hc)

1. Church membership. I. Title.

BV820.L44 2012

254'.5—dc23 2011045124

---

LB	20	19	18	17	16	15	14	13	12			
13	12	11	10	9	8	7	6	5	4	3	2	1

## إِهْدَاءٌ

لكل أعضاء كنيسة كابيتول هيل المعمدانية  
التي فاتو والحاليين

## الفهرس

- 7.....مُقَدِّمة ديال السلسله
- 9.....تقديم الكتاب
- 13.....مُقَدِّمة الكتاب: هاد الموضوع هو مهم كتر من ماكتتصوّر
- 16..... 1 فهمنا العضوية بشكل غلط
- 34..... 2 فين كنشوفو العضوية ديال الكنيسة في العهد الجديد
- 51..... 3 شنو هي الكنيسة؟ وشكون هو العضو ديال الكنيسة؟
- 72..... 4 لمن كتشبه الكنيسة والأعضاء ديالها؟
- 89..... 5 شنو هما "المعايير" ديال العضوية في الكنيسة؟
- 99..... 6 كيفاش يقدر المؤمن يخضع للكنيسة؟
- 117..... 7 شنو كيوقع ملى أعضاء الكنيسة ماكيملتوش الرب يسوع؟
- 133..... 8 واش العضوية خاصها تكون متشابهة في كل بلاصة؟
- 145..... الخاتمة: كيفاش العضوية ديال الكنيسة هي تعريف للمحبة؟
- 149..... تقديم للسلسله

## مُقدِّمة دِيال السلسلة

واش كنضن بلي من المسؤولية باش تساهم فبناء كنيسة صحية؟ إيلا  
كنتي مسيحي، حنا كَنَامُو بلي هادي مسؤوليتك.

يسوع كيوصّيك باش تكوّن تلامذ (متّى 28: 18-20). الكلمة كتقول  
لينا في رسالة يهودا باش نبنيو نفوسنا في الإيمان (يهودا 20-21). وبطرس  
كيشجّعك باش تستعمل المواهب ديالك باش تخدم الناس لخرين (بطرس  
الّلوي 4: 10). وبولس كيطلب منك باش تقول الحق بكل محبة باش  
الكنيسة ديالك تولي ناضجة (أفسس 4: 13، 15). واش فهمتي مين جينا  
هاد الحق؟

سوا كنتي عضو فكنيسة أولا كنتي قائد، راه سلسلة الكتب "بناء  
كنائس سليمة" الهدف ديالها هو باش تعاونك تطبق هاد الوصايا الكتابية،  
وباش تدير الدور ديالك في بناء كنيسة سليمة. يعني، كنتمّناو باش هاد  
الكتب يعاونوك تزيد تبغي الكنيسة ديالك كيما كيبيغيها الرب يسوع.

مؤسسة تسعود دِيال العلامات (9Marks) كتخطّط باش تنتج كتاب  
قصير وساهل فالقراءة على كل علامة من العلامات الّي سماهن مارك ديفر  
"تسعود دِيال العلامات ديال الكنيسة السليمة"، وكتاب آخر كيهدر على  
العقيدة السليمة. تسّناو كتوب على الوعظ التفسيري، اللاهوت الكتابي،  
الإنجيل، التوبة، الكرازة، عضوية الكنيسة، تأديب الكنيسة، التلمذة والنمو،  
وقيادة الكنيسة.

الكنائس المحلية موجودين باش يبينو مجد الله لكل الشعوب. كنديرو هادشي من خلال أننا كنركزو عينينا على إنجيل يسوع المسيح، كنتيقو فيه من أجل النجا، ومن بعد كنبغيو بعضياتنا بقداسة الله والإتحاد ديالو ومحبتو. كنصليو باش الكتاب لي شاد فيديك يعاونك.

بكل رجاء،

المؤلفين ديال السُّلْسِلَة: مارك ديفر وجوناتان ليمان

## تقديم الكتاب

مارك توين قال وهو كيضحك: "الأمر اللي كبيرزطوني ماشي هما الأمور اللي ماكنفهمش في الكتاب المقدس، بالعكس، الأمور اللي كنفهم هما اللي كبيرزطوني". للأسف راه كلام مارك توين يقدر يكون بحال إتهام لبزاف ديال المؤمنين، المؤمنين اللي كيأمنو بالكتاب المقدس، خصوصًا ملي كنهذرو على الآيات اللي كيعلموننا على المسؤوليات ديال أعضاء الكنيسة.

فكر معايا في شحال أترات الثقافة الغربية علينا كنا، كنسمعو بزاف الجملة اللي قال الممثل المشهور جون واين ملي قال أنه كان مُعجب بالله لدرجة أن الله بالنسبة ليه ولي محبوس تحت شي سقف. وهاد الزمان ديما كنشوفو إشهارات كيحاولو يقنعونا باش نعيشو بالطريقة اللي كترضينا. مع هاد الثقافة اللي أترات علينا، ولي ساهل علينا نبغيو نستافدو غير حنا من الصداقات ديالنا، ومن الزواج، ومن الخدمة ومن الكنيسة حتى هي. بغينا كل هادشي ولكن كنرفضو المسؤوليات اللي كييجيو مع هاد العلاقات أولا الإنتماءات.

من واحد الجهة، دوك الناس اللي كيفكرو بلي هما قويتين وكيديرو كلشي بوحدهم وبالقوة ديالهم الخاصة كيخليونا نشكو في المؤسسات وفي المنفعة ديال الخدمة الجماعية. وحتى الفضايح اللي كنشوفو ديما، والمشاكل الإدارية والتنظيمية اللي كتزيد في الفوضى، والوعود الكاذبة، كل هادشي زعزع الثقة ديال الناس في القادة وفي المؤسسات الرسمية. حتى المؤمنين اللي كبرو في الكنائس خاب منهم، وتجرحو بزاف من القادة اللي كانوا كيداعيو أنهم رعاة كينتاميو للمسيح.

ولكن راه اللومة ماشي غير على المجتمع خارج الكنيسة بوحدو، راه الجزء الكبير من المذهب الإنجيلي تشكّل على واحد النوع ديال التقوى اللي كتحط العلاقة الشخصية بالرب يسوع في صراع وحرب مع الكنيسة المحلية والخدمة ديالها العامة. والسبب في هادشي هو الرغبة ديال الإنجيليين باش يتجنبو داك التكريس الإسمي المزور والتدين السطحي، وبالصح راه خاصنا نتجنبو هاد الأمور بحال هادو. ولكن المشكل هو أنّنا ولبنا كنمبلو باش نتناقدو المناصب الرسمية والوسائل ديال النعمة الطبيعية اللي أسسهم الله، خصوصًا من القرن تسعطاش لفوق في أمريكا، ولبنا كنفصلو القياد اللي عندهم غير الكاريزما والحركات العجيبة اللي كيخليونا نحسو بحال حنا في شي سيرك. ولبنا كنفصلو الأمور اللي "ساهلة وسريعة" وكنرفضو الأمور اللي "تيقة ومجربة". وهاكدا ولّا النمو السريع في الأعداد عندو أهمية كتر من النمو التدريجي في النعمة. ولبنا كنعتابو النتائج المنضورة وّا يكونو صطحين هما الأساس ديال النجاح. وهاكدا بزّاف متّا كبرنا في الإيمان وحنا كنسمعو هاد الرسالة في التبشير: "ماكنطلبش منك تنضم للكنيسة، ولكن كنطلب منك تقبل يسوع رب ومخلص شخصي في حياتك".

هادشي علاش حيت بانو بزّاف ديال الحركات بحال هاكدا، مخصناش نتعجبو من أن الله ما أسسش "الخلاص" ديال الإنسان فوق الإنضمام للكنيسة. كاينين دابا حركات إنجيلية كيلغيو العضوية ديال الكنيسة في مرة، كيقولو للناس: "غير أجي... أولاً ماتجيش، بحال بحال، ماكين مشكيل". وحتّى كاينين بعض القادة الإنجيليين اللي كيعلنو تورة جديدة في الحياة الإيمانية وكيقولو بلي ماشي ضروري ننضمو لشي كنيسة باش نكونو كنيسة. من جبهة خرا، هاد القادة وهاد الناس اللي كيفكرو بحال هاكدا كيستمترو الموارد الروحية ديالهم في الخدمة على الأنترنت وفي التجمعات والأنشطة الغير رسمية.

وهنا كيحي جوناتان ليمان في هاد الكتاب، ماشي غير باش يفكرنا بالأيات الكتار اللي همملناهم وفضّلنا نساوهم، ولكن حتى الله عطاها الشجاعة باش يقول الحقيقة، بحال ملي قال: "المسيح ماشي غير دعانا باش ننضمّم للكنيسة، ولكن كيطلب منّا باش نخضعو ليها". راه الكنيسة ماشي غير شي خدمة تطوعية خيرية، وماشى منضمة أولا جمعية حقوقية أولا جمعية كتحمي البيئية، الكنيسة راها سفارة ديال المسيح. الملوك ماكيعطيوش إقتراحات وغير نصائح للشعب ديالهم، ماشي كيجاولو يقنعو الناس يشريو شي منتج كيبيعوه، وماكياخليوش القرار في يد الشعب إلا بغاو يسمعو أولا مابغاوش. الملوك كيعطيو أوامر وخاص الشعب يطيع.

جوناتان ليمان قدر يلقا أرض في الوسط بين الحياة الفردية اللي عامرة بالفوضى وماكتبعش القوانين وبين مذهب الحكم المطلق اللي كيفرض على الشخص يطيع كل القوانين بالحرف. المؤمنين اليوم خاصهم يسمعو للحق اللي كيعلم جوناتان ليمان، راه كيبين لنا أن المملك ديال المسيح هو الدوا الوحيد لهاد الأفكار المتطرفة. راه المسيح كيملك علينا وكيتسلط علينا باش ينجنينا، وكينجنينا باش يملك علينا. راه الرب يسوع هو عكس الحُكّام ديال الأرض، ماكيتطلبش منّا نسفكو الدم ديالنا باش نسقيو المملكة ديالو، لآ، راه هو براسو اللي عطا نفسو ودمو من أجل مملكتو، مات، وقام من الموت وعطا بداية للخليفة الجديدة. وهو دابا كيجمع في الورثة اللي غيورتو معاه، اللي كينتاميو ليه ولبعضياتهم، حيث هما ديالو. راه الكنيسة المنضورة اللي كتشاف في هاد العالم، يعني كل كنيسة محلية فعلية موجودة في بلاصة حقيقية، هي البلاصة فين نقدرو نشوفو مملكة المسيح هنا على الأرض، إلا تجاهلنا الكنيسة المحلية، راه في الحقيقة حنا كنتجاهلو المملكة ديال المسيح، وإلا تجاهلنا المملكة راه كنكونو كنتجاهلو المملك براسو.

كايينين بعض المؤمنين اللّي مازال خاصهم يقتانعو بالوصية ديال العضوية ديال الكنيسة، خاصهم يقتانعو بلّي هي وصية ديال الكتاب المقدس وهي في الحقيقة بركة معطية لينا. وكايينين ناس خرين مقتانعين بهاد الحق، ولكن ربّما يكونو كيتسائلو كيفاش هاد الحق يقدر يدوز من النظرية للتطبيق في أرض الواقع في هاد الزمان ديالنا في وقت الكنيسة المحلية. شنو هما المعايير أولا الأساسات ديال العضوية في الكنيسة، وكيفاش تقدر القيادة ديال الكنيسة والراعي ديالها ياخذو هاد القرارات المتعلقة بالعضوية بطريقة حكيمة؟ شنو هما العواقب أولا الحالات فين مفروض علينا نتأخذو إجراءات تأديبية من جهة العقيدة أولا السلوك؟ شنو هما الحدود المفروضين على الناس اللّي عندهم مناصب، وشنو هما المسؤوليات اللّي عندهم ملى كيمارسو السلطة المعطية ليهم؟ هادو أسئلة أساسية ومهمين. جوناتان ليمان في هاد الكتاب ماكهيديرش غير في السما وعلى النظرية، ولكن كييعطي التطبيق وكيهدر على أمور واقعية وحقيقية من خلال الكتاب المقدّس.

إلا غتتافق مع ليمان أولاً، راه في الحقيقة هو جمع بزّاف ديال الحكمة الكتابية في هاد الكتاب الصغير، وتقريبًا غيكون مستحيل على أي مؤمن باش يتجاهل هاد الحق. وبما أنّي ماشي معمداني، راني مانقدرش نتأفق مية في المية مع كلشي اللّي مكتوب هنا، ولكن واطّأ هكداك راني فاش كنت كنقرا الكتاب، كل مرة كنلقا راسي كنفرح وكنغوّت وكنقول: "أمين، أمين" على كل الحُجج والبراهين اللّي ذكرها ليمان هنا باش يشرح العضوية ديال الكنيسة. والأهم من كل هادشي، هو أنّي لقيت راسي كنفرح وكنتشجّع باش نشوف العناية الكبيرة والمحبة العميقة ديال هاد الراعي الأمين للشعب اللّي عطاها الله.

مايكل هورتون أستاذ اللاهوت النضامي وعلم الدفاعيات  
كلية اللاهوت وستمنستر، كاليفورنيا

## مقدّمة الكتاب:

هاد الموضوع هو مهم  
كتر من ماكتصوّر

كنفهم مزيان علاش بزّاف ديال الناس يقدرو مايكونوش متحمسين باش يقرأو شي كتاب على العضوية ديال الكنيسة. ممكن حتى ماختاريتيش هاد الكتاب، ممكن غير عطاءه ليك شي واحد. وريّما تكون كتسوّل راسك: "واش بالصّح هاد الكتاب قادر ينفعني في شي حاجة؟". بكل صراحة، راه الموضوع ديال العضوية ديال الكنيسة ماكيباناش بحال شي موضوع مُتير للإهتمام بزّاف. الإنسان كياّمن بالمسيح، ومن بعد كينضم للكنيسة. هادشي اللي كاين، ياك؟

بعض المرّات العضوية ديال الكنيسة يقدر يكونو داخلين فيها بعض الأمور خرا قبل ما المؤمن يقدر ينضم للكنيسة، بحال شي دروس أساسية على الإيمان أولا على العضوية براسها، وحتىّ المقابلات الشخصية مع الراعي أولا واحد من شيوخ الكنيسة. بعض المرّات هاد العملية تقدر تولّي معقدة شوية كتر إلا بدينا كنفكرو في موضوع عشاء الرب والمعمودية وفي علاقتهم مع العضوية ديال الكنيسة. ولكن من غير هادشي، واش كاينة شي حاجة خرا كتر من هادشي نقدرولوها على العضوية؟

أول مرّة شي واحد هدر معايا على هاد الموضوع كنت في الكنيسة اللي كنت كنعضر فيها في اللّول، شي واحد جا لعندي وقال ليا بلي خاصني ننضم للكنيسة ونولّي عضو فيها، ماكنتش مستقر على شي رأي محدّد على هاد الموضوع في داك الوقت. ربّما في اللّول كرهت الفكرة؟ مابقيتش عاقل بالضبط. ولكن بكل صراحة، الفكرة اللي كنت متأكّد منها هي أنّي إلا ولّيت

عضو في الكنيسة راه سيكون مسموح ليا نبقا في الدار ديال الضياف اللي  
كانو كيسكنو فيها بعض الأعضاء ديال الكنيسة، الكرا كان رخيص باش  
الكنيسة تعاونهم، والحومة كانت زويئة ونقية. وهاكدا نضميت للكنيسة،  
ولكن ماقلتش السبب الرئيسي للرعاة اللي دارو ليا المقابلة الشخصية باش  
نقدر نولي عضو، وحتى هما ماسولونيش.

واخا هكداك، الفكرة اللي بقات معايا هي أن العضوية ديال الكنيسة  
هي حاجة ساهل باش تاخدها وساهل باش تخسرها. وإلا ربحتها أولا  
خسرتها راه ماكيغتر والو فيك كمؤمن، بجوجهم بحال بحال. ونتا شنو  
كتفكر: واش العضوية ديال الكنيسة هي حاجة مهمة أولا لا؟

قلال الناس اللي كيقولو أنّ العضوية ديال الكنيسة هي مهمة وضرورية،  
وقلال الناس اللي كيقولو أنّها إختيارية وماشي مفروضة. كنضن بلي الأغلبية  
ديال المؤمنين كيتبعو واحد الموقف آخر في الوسط، الأغلبية عندهم فهم  
غامض وماواضحش على الأهمية والضرورة ديال إنضمام المؤمنين لكنيسة  
محلية، ولكن في نفس الوقت كيقولو بلي هاد الحاجة ماشي هي أهم حاجة  
في هاد العالم، يعني ماكتستحقش كل الاهتمام ديالنا. راه إلا المؤمنين دوزو  
بزاف ديال السنين كينقزو من كنيسة لكنيسة خرا، أولا إلا قزرو غير يحضرو  
للإجتماعات ديال كنيسة وحدة بلا ماينضمو ليها كأعضاء رسميين، فراه  
هادي ماشي شي فكرة خايبة.

إلا كنتي كنتنامي لهاد الأغلبية اللي كتفضل موقف في الوسط، راه هاد  
الكتاب تكتب على ودك. راني ماكتبتش هاد الكتاب بشكل أساسي للناس  
الي كيشكو في العضوية ديال الكنيسة. ولكن واخا تكون كتفكر هاكدا، راه  
هاد الكتاب يقدر يعاونك حتى نتا. ولكن بشكل أساسي، راني في هاد الكتاب  
كنهدر مع المؤمنين العاديين اللي غير كيحضرو مع الكنيسة بلا مايكونو  
أعضاء، وحتى للأعضاء ديال الكنيسة، والفقياد حتى هما. وبغيت نهدر حتى

مع المؤمنين اللَّي كيقولوا: ماكين مشكيل، إلا بغيتي نديرو العضوية، يالاه نديروها. وبغيت نجاب على واحد السؤال ربما ماتكونش سولتبه ولكن ميزان تسولو.

راه الهدف ديالي الرئيسي هو أنني بغيت ناقش معاك موضوع "شنو هي العضوية ديال الكنيسة"، حيث راها ماشي كيما كتضن. ماغاديش ندافع عليها، على الأقل ماغاديش ندافع عليها بشكل مباشر، ولكن غادي نعطيك رأيي عليها. كنضن بلي إلا قدرتي تفهم ميزان النضرة ديال الكتاب المقدس للعضوية ديال الكنيسة، راه هادشي يقدر يغير من الشكل ديال حياتك الروحية المسيحية.

راه العضوية كينة في الكتاب المقدس وهي حقيقة عجيبة. واش ماشدكش الفضول باش تعرف واخا غير شوية؟ واش كتفكر بلي العضوية ماكيناش في الكتاب المقدس؟

# 1

## فهمنا العضوية بشكل غلط

"السلطة العليا" الّلي في اللغة الأصلية اليونانية هي "imperium" هي كلمة يالآه كتشافتها مؤخرً، هي كلمة عميقة وماشي شي كلمة الّلي تقدر تستعملها في شي حوار عادي مع صحابك ونتوما كتشربو أتاي أولاً قهوة. هي ماشي كلمة الّلي غتحتاج تستعملها في حياتك اليومية ولكن راها كلمة نافعة لينا بزّاف.

هاد الكلمة "imperium"، المصدر ديالها هو كلمة "Imperial" الّلي ممكن تكون سمعتها قبل، وكتعني "ملكي، سُلطوي، إمبراطوري". ولكن كلمة "imperium" كتعني "السلطة العُليا" أولاً السَّيطرة المُطلقة. وحتّى كتشير هاد الكلمة للشخص الّلي عندو السلطة العُليا باش ياخذ القرارات في شي دولة. شكون هي السُّلطة الّلي لازم على كل السُّلطات لخرين يوقفو باش يتحاسبو قدامها؟ شكون الّلي عندو الحق باش يقرّر أقصى العقوبات، بلا ما يلومو أولاً يهدّدو حتّى واحد، حيت هاد القرارات بشكل طبيعي كيكون ديالو بوحدو وحتّى واحد ما يقدر يرفضهم أولاً يتحدّاهم؟ هاد الشخص الّلي في يدو كل هادشي هو الّلي عندو "imperium"، يعني عندو "السُّلطة العُليا".

هاد النوع ديال السلطة هي الّلي كانت عند القيصر ديال روما، وحتّى عند الملوك الّلي دازو في العصور الوُسطى، هما الّلي كان عندهم الحق والقوة باش يقولو على أي واحد: "قطع ليه راسو". في هاد العصر ديالنا، نقدر ونقولو بّي الدولة هي الّلي عندها السلطة العُليا. ماكيناش شي سُلطة خرا فوق منها. الدولة من خلال الحكومة الّلي كتمثلها هي الّلي كتكون

مسؤولة على كل القرارات. الدولة بوحدها عندها سلطة على الحياة والموت، هاد السلطة مزة مزة كتسمى حتى بهاد السمية: السلطة ديال السيف.

هادشي علاش إلا واحد الإنسان بغا يبدا شي تجارة أولا بغا يدير أي حاجة تقريبا، في اللول خاصو إذن أولا رخصة من الدولة. نفس الحاجة مع الأندية ديال الكرة، أولا النقابات والجمعيات كيفما كانوا. باش يخرجو للوجود ويديرو خدمتهم خاصهم في اللول رخصة من الدولة، والدولة هي اللي كتتضم الخدمة ديالهم. هاد المؤسسات ماشي هما اللي كيتحكمو في الدولة، هو ما عندهم "السلطة العليا".

واخا، والكنيسة المحلية؟ واش باش تخرج للوجود وتدير خدمتها خاصها في اللول إذن من الدولة؟ الكنيسة كتكون مأسسة غير إلا الدولة بغات وعطاتها الإذن؟ هادا موضوع مشوق. في الحقيقة هو موضوع قادر باش يقلب أفكارنا على الكنيسة المحلية والعضوية ديالها.

## الرب يسوع هو اللي عندو السلطة العليا

الأغلبية ديال المجتمعات الدولية كيعتبرو الكنائس بحالها بحال شي جمعية خيرية أولا شي نادي رياضي. المجتمعات الغربية كيشوفو الكنائس على أنها مؤسسة تطوعية.

أما حنا المؤمنين راه كنشوفو الكنائس على أنها بحال شي مؤسسة كتخدم المجتمع. هي بحال شي غاراج ديال الميكانيك، كتصلحنا، وبحال شي بومبا ديال المازوت، كتعمر أرواحنا بالطاقة اللي كاحتاجو.

ولكن واش الكنائس المحلية موجودين حيث الدولة بغات هادشي؟  
يعني الوجود ديال الكنيسة كيعتامد على الرحمة والرغبة ديال الحاكم ديال  
البلاد؟

صحيح أننا كمؤمنين مسيحيين خاصنا نخضعو للسلطة ديال الدولة  
اللي كنعيشو فيها، ولكن ماخصناش ننساو بلي راه الدولة هي "خادم" و  
"وكيل" ديال الله باش تمارس الحكم ديالو في الأرض (رومية 13: 4). أكيد  
أن الدولة هي اللي كتقرّر وهي اللي في يدها السيف ديال الدينونة والحكم،  
ولكن هادشي بادن من الله. الله هو اللي عطاها هاد المسؤولية.

خاص الكنائس يلتازمو بالقوانين ديال الدولة من ناحية القوانين ديال  
البي (ملي الكنيسة تبغي تبني بناية ديالها)، أولا من ناحية الضرائب من أي  
نوع. من هاد الناحية راه الكنيسة هي بحال شي مؤسسة تجارية أولا بحال  
أي مؤسسة أولا أي منضمة خرا.

في نفس الوقت خاص المؤمن يفهم مزيان وبشكل واضح بلي الكنيسة  
المحلية ماكتجيش للوجود في هاد العالم حيث الدولة بغات، كتجي حيث  
الرب يسوع بغا. وفي الأخير راه الرب يسوع هو اللي عندو السلطة العليا فوق  
الكنيسة وماشي الدولة.

باش تكون مؤمن كيعني بلي خاصك تكون عارف بلي الرب يسوع هو  
مول القرار الأخير، هو مول أعلى سلطة، هو اللي كل السلطات لخرين  
غاديين يتحاسبو قدامو. الرب يسوع المسيح هو اللي غادي يدين ويحاسب  
كل الأمم وكل الدول وكل الحكومات والسلطات. وهو اللي عندو السلطة  
النهائية والسامية على الحياة والموت. كل دولة راها موجودة وكاينة برخصة  
وإذن من الرب يسوع، ماشي العكس. أكيد راه عادة الدول ماكيعتارفوش  
بهاد الحق، ولكن راه الكنائس كيامنو بلي هادشي حق وصحيح (يوحنا 19:  
11، رؤيا 1: 5، 6: 15-17).

راه كل سلطان في السما وفي الأرض تعطا للرب يسوع، وهو عطا سلطان للكنيسة باش تمشي لعند كل الأمم والشعوب باش تشارك معاهم خبار الخير. هادشي علاش الكنيسة غادية كتتقدّم وكتستمر بقوة مايقدر حتى واحد يوقفها. حتى الحدود ديال الدول مايمكش يوقفوها، لا دولة ولا حاكم يقدر يوقفو الكنيسة، حتى البيبان ديال جهنم مايقدرش يوقفو في طريقها.

راه الرب يسوع عندو السلطة العليا.

### خصنا نغيرو طريقة تفكيرنا

في حالة تّغويننا وعطينا للسلطة ديال الدولة كتر من القيمة ديالها، راه خاصنا نرجعو لحقيقة السلطة العليا ديال الرب يسوع ونخليو هاد الحق يصلح الفكر ديالنا. الدولة هي وكيل للمسيح، والمسيح عطاها مهمة ومسؤولية محددة، وماشي سلطة مُطلقة.

وهاد الحق ديال السلطة العليا ديال الرب يسوع خاصو يدير تأثير مُعاكس من جبهة النظره ديالنا للكنيسة المحلية: هاد الحق خاصو يعاوننا نعطينو قيمة كبر للكنيسة المحلية. راه الكنيسة المحلية حتى هي وكيل ديال الرب يسوع، راه عطاها سلطان ماعطاهش ليا أنا بوحدني أولا ليك بوحدك، عطاها لينا بشكل جماعي من خلال الكنيسة المحلية. وهاد الحق كيغطي تطبيقات كبار ومهمّين في التعريف ديالنا للكنيسة المحلية، والعضوية ديالها.

إلا كنتي مؤمن بالمسيح كتعيش في مجتمع غربي ديمقراطي، كنضن بلّي راه حتى نتا خاصك تغيّر النظره دياك للكنيسة المحلية، وخاصك تغيّر

علاقتك بيها. الأغلبية ديال المؤمنين في الغرب كينقصو من القيمة ديال الكنيسة المحلية، وكيستخفّو بيها، وكيشوّهو بالصورة ديالنا بطريقة كتشوّه الإيمان ديالنا حتّى هو.

كلنا كئنا كنضنّو بلّي الكنيسة المحلية والعضوية ديالها هما جوج حاجات مختلفين بزّاف، ولكن في الحقيقة راهم نفس الحاجة. هادشي بحال إلا شفنا في العائلة الصغير (يعني الأب والأم ولولاد) وكنقولو بلّي هي مؤسسة تجارية. ولكن لا، راهم عائلة، وخاصنا نتعاملو معاها على هاد الأساس.

بغيت في هاد الفصل نرسم واحد الصورة كاملة على هاد الحقيقة من خلال خمسة ديال الأفكار كبار، كل هاد الصُور هما مبنّيتين على الحقيقة العضيمة ديال أن الرب يسوع هو مول السلطة العليا. ومن بعد هادشي في هاد الكتاب غادي نزيد نجمع ونرتّب كتر هاد الأفكار ونعطي الحُجج والبراهين، والتفاصيل، والتطبيق.

بغيت نندا الحوار ديالنا بشنو آلي ماشي كنيسة محلية. إلا كنتي مؤمن بالمسيح، فراه بالنسبة ليك الكنيسة المحلية هي ماشي شي نادي، وماشى شي منظمة تطوّعية فين العضوية هي حاجة إختيارية وماشى مهمة. وهي ماشى شي جماعة ديال ناس ضريفين كيجتامعو كل سيمانة باش يهدرو على الله والأمور ديالو.

راه الكنيسة المحلية هي ماشى مركز تجاري، فين كيكون الزبون أولا الكليان ديما عندو الحق والسلطة. ماخصناش نشوفو في الكنيسة على أنّها مركز كيخدمنا باش حنا نستافدو كيما حنا بغينا.

تقدر هاد الفكرة تكون جات بسباب التركيز ديال الفكر البروتستانتى على الأهمية ديال الوعد والفرائض. أولا ممكن تكون الفكرة ديال

الديمقراطية هي التي خدعنا وخلاتنا نشوفو في الكنيسة المحلية بحال شي جمعية تطوعية كتعاون الناس باش يستافدو ويحسنو حياتهم وصافي. هاد الأفكار توارثناهم هادي قرون. ماكنعرفش بالضبط علاش كنفكرو هاكدا على الكنيسة المحلية. ولكن المشكل هو أن هاد الفكرة كتعطي نتائج غلط وخطر، نعطيك بعض الأمثلة على الأضرار ديال هاد النوع ديال التفكير:

- يقدر المؤمن يفكر بلي مزيان يحضر للإجتماعات ديال الكنيسة بلا ماينضم ليها ويكون عضو.
- يقدر المؤمن يدير المعمودية بلا مايولي عضو في شي كنيسة.
- يقدر المؤمن يشارك في الفريضة ديال عشاء الرب بلا مايولي عضو في شي كنيسة.
- يقدر المؤمن يفكر بلي العشاء ديال الرب هو حاجة شخصية وخاصة بالمؤمن بشكل فردي، وماشي أنه فريضة عطاها الرب يسوع لأعضاء الكنيسة التي متآحين مع بعضياتهم في الجسد ديال المسيح المحلي.
- المؤمن يقدر يعيش الحياة ديالو وسط الأسبوع (من لتنين للسبت) بشكل منفاصل وبعيد من المؤمنين المقدسين لخرين.
- يقدر المؤمن يفكر بلي ماشي مشكل يغيب على الإجتماعات ديال الكنيسة ويقدر يخلي هادشي يكون عادة في حياتو.
- يقدر المؤمن ياخذ قرارات مهمة في حياتو (بحال فين يسكن، ولا الخدمة ولا معامن يتزوج... إلخ) بلا مايفكر في كيفاش هاد القرارات ديالو يقدرؤ يأترو على الكنيسة، أولا بلا مايستأشر مع أعضاء الكنيسة والرعاة ديالها.

- يقدر المؤمن يكري أولاً يشري دار جديدة بلا مايفكر في كيفاش أن البعد من الكنيسة يقدر ياتّر على الدّور والمسؤوليات ديالو في الكنيسة المحلية.
- المؤمن يقدر مايفهمش الدور ديالو الجزئي والمسؤولية ديالو من جبهة الصحة الروحية والمعيشة المادية ديال الأعضاء لخرين ديال لكنيسة. ملّي شي واحد من الكنيسة كيبيكي وكيكون حزين، راه كيقا بوحده وكيحزن بوحده. وملّي شي مؤمن من الكنيسة كيفرح، فراه كيفرح بوحده.

راه المرض الرئيسي والكبير اللي كيتسبّب في هاد الأعراض، هو المرض اللي كنعتراف بلّي كيجري حتى في عروقي وفي الدم ديالي، اللي هو الفكرة ديال أنّ السلطة ديال حياتنا الروحية كايئة في يدنا. وحنا كنعنضمو للكنيسة بالطريقة اللي كترضينا، وملّي نبغيو.

في هاد الحالة كنكونو كنعاملو مع الكنيسة بحال أنها شي نادي أولاً شي جمعية، نقدر ننعنّمو ليها أولاً، القرار هو في يدنا. وهاد الأفكار كيخليونا نعيشو حياتنا بلا مانفكرو في الكنيسة المحلية، واخا نكونو أعضاء في الكنيسة نقدرو نقولو: "أه أنا عضو، ولكن خاصني نطلب النصيحة ديال الكنيسة على هاد الخدمة الجديد؟ أولاً فين خاصني نسكن؟ هادو قرارات شخصية ديالي وماشي ديال الكنيسة."

كنتمّي تكون فهمتيني، أنا ماشي كنتاهمك نتا بالضبط أولاً أي شخص آخر، راه حتى أنا كنعاني كنعتراب مع هاد الأفكار الغالطين. كنعتراف بلّي كنعفضل نعيش بالطريقة اللي كترضيني. وماكنفضّلش نهز المسؤولية ديال ناس خرين وقراراتهم.

ولكن هادي ماشي هي الصورة الكتابية اللي بغا الله تكون في حياتنا. خاصنا نبدلّو الطريقة باش كنعشوفو في الكنيسة المحلية. واش نتا واجد؟

## السلطة المَلَكِيَّة العُلَيَا فِي الأَرْض

شنو هي الكنيسة المحلية؟ غادي نذكر مجموعة ديال الأمور باش نجابو على هاد السؤال، ولكن في اللول بغيت نبدا بهاد التعريف: الكنيسة المحلية هي السلطة الّلي أسّسها الرب يسوع على الأرض باش يأكّد ويعطي الطابع (الكاشّي) الرسمي على حياتي وحياتك الروحية، وباش يشكّلنا.

كيما أسّس الرب يسوع الدولة، هاكدا أسّس الكنيسة المحلية. هي سلطة ديال مؤسّسة روحية، حيت الرب يسوع أسّسها وعطاها سلطان حتّى هي. أنا كنجاول باش ماندخلش في موضوع علاقة الكنيسة بالدولة، ولكن إلا بغينا نبّدلو التفكير الغالط على الكنيسة المحلية راه خاصنا نفهمو ميزان هاد النقطة:

"كيما الكتاب المقدّس كيعلن أن الحكومة ديال الدولة ديالك هي سلطة عُلَيَا على الأرض من جبهة أنك مواطن في ديك الدولة، راه الكتاب المقدّس كيعلن أن الكنيسة المحلية هي السلطة العُلَيَا على الأرض من جبهة أنك تلميذ ديال المسيح ومواطن في شعب المسيح الحالي والّلي واعدنا بيه".

هاكدا كنجوفو أن الرب يسوع أسّس الدولة وعطاها السلطة ديال السيف، يعني تنفّد القانون. يعني بواحد الشكل محدود راه الدولة تقدر تعلن النهاية ديال حياتك في الأرض (في خضوع لسلطان كلمة الله). من واحد الجبهة هادشي كييعني في نفس الوقت أن الدولة عندها أدوات باش تطبّق القانون باش تحافض على النضام ديال المجتمع وهي الّلي كتقرّر شكون هما المواطنين ديالها.

بنفس الطريقة تقريبًا، الرب يسوع أسّس الكنيسة المحلية وعطاها "السلطة ديال السوارت". يعني بواحد الشكل محدود وتحت السلطة ديال كلمة الله هي تقدر تعزل شي شخص من العضوية ديالها. وبشكل آخر يعني بلي عندها أدوات باش تحافض على البنية والشكل ديال الحياة في مملكة الله، وعندها السلطان باش تعلن شكون هما الأعضاء ديالها.

### خاصنا نقلبو على الأمور الصحيحة

إذن، عوض نبدأو من الفكرة ديال أن الكنيسة هي جمعية تطوعية، خاصنا نبدأو مع حقيقة أنها شعب أولاً أمة ديال واحد المملكة. هاد النقطة مهمة وكنغير الطريقة اللي بيها كنشوفو الكنيسة وكنتعاملو معاها.

إلا سؤل شي واحد وقال: "فين كاينة العضوية ديال الكنيسة في الكتاب المقدس؟" راه المشكل هنا هو أن الشخص كيقلب على شي حاجة في الكتاب المقدس اللي كتشبه لشي نادي أولاً جمعية خاصنا ننضمو ليها، حيت كلمة "عضوية" هي في الأساس فكرة عندها علاقة بشي نادي أولاً جمعية. راه الأندية أولاً الأحزاب السياسية أولاً الجمعيات عندهم نظام ديال العضوية. ولكن مايمكنش لينا نستعملو كلمة عضوية إلا هدرنا على الدولة والمواطنين ديالها. مايمكنش نقولو متلاً: "الأعضاء ديال مملكة بريطانيا وصلو لستين مليون عضو".

الأندية والجمعيات كيبداو بشي فكرة أولاً موضوع مشترك بين الأعضاء. والمؤسسات الخيرية كيبداو بشي رغبة مشتركة بين الأعضاء. نفس الحاجة كاينة في الكنائس، ولكن ماشي غير هادشي وصافي، كاينين أمور كبر من غير فكرة أولاً رغبة كتجمع الأعضاء: كاين ملك كيطلب الطاعة ديال الشعب ديالو. الكنيسة كتبدا من خلال هاد الحقيقة: يسوع هو

مُخْلِصٌ ورب، هو مات على الصليب على ود الدنوب ديال الناس اللّي غيأمنو بيه وغيتبعوه.

هادشي كييعني أن الكتاب المقدّس ماكيهدرش على العضوية ديال الكنيسة بالطريقة ديال العالم، الكتاب المقدّس كيهدر على كيفاش الشعب ديال الله كيجماتمو تحت السلطة ديالو العُليا. راه الله كييركز على المواطنين ديال مملكته وماشي أعضاء ديال شي نادي. وكتر من هادشي راه الكتاب المقدّس كيهدر على الوحدة ديال الكنيسة من خلال مجموعة ديال التشبيّهات والصور خرين باش يعاونًا نفهمو هاد الحق (بحال العائلة، الكرمة... إلخ). وهنا وصلنا للفكرة الكبيرة الثانية:

"ملّي تحل الكتاب المقدّس ديالك، ماتقلّبش على إشارات أولا علامات على شي جماعة كتشبه لشي نادي فيه أعضاء متطوعين. خاصك تقلّب على الرب، وعلى الشعب ديالو اللّي مرتابطين بيه. خاصك تقلّب على أشكال خرين مختلفين كيوضحو الوحدة ديال شعب الله (بحال خوت وخواتات في عائلة متّاحدة، العروش اللّي مزروعين في الكرمة، إلخ)"

واش غاديين نلقاو العضوية ديال الكنيسة في الكتاب المقدّس؟ إلّا كنا كنقلبو على الحاجة الصحيحة، راه غاديين نلقاوها في كل بلاصة. غادي نحاول نبينّ ليك هادشي في الفصل الثاني والثالث والرابع.

## الكنيسة ماشي نادي إجتماعي، هي سفارة

الكنيسة مافيهاش غير شي سلطة تنظيمية فوق حياتك وحياتي. خاصنا نهذرو على الكنيسة بصيفتها عائلة، قطيع ديال الخرفان، بيت الله، وزيد

وزيد. ولكن راه كل هاد الصُّور والحقائق داخلين في السلطة ديال الكنيسة المحلية. هادشي علاش بدينا بموضوع السلطة. راه السلطة ديال الكنيسة هي اللي كتعطي الشكل للحياة ديال الكنيسة كعائلة، وكجسد وكل الصفات والصُّور لخرين اللي مازال غنهدرو عليهم.

هادشي علاش بغيت نهدر على بعض التشبيهات اللي ستعمل الكتاب المقدس باش يوضّح لنا كيفاش خاص الحياة تكون في الكنيسة المحلية. ولكن في اللؤلؤ بغيت نبدا بواحد التشبيه أساسي اللي فوقو نقدر ونبنو كل الحقائق لخرين، هاد التشبيه هو عكس صورة الكنيسة بصيفتها "نادي إجتماعي" أولا "جمعية خيرية"، هاد التشبيه هو الكنيسة بصيفتها سفارة.

منين جات هاد الفكرة ديال السفارة؟ هي فكرة جاية من الكتاب المقدس ملي كيهدر على مملكة المسيح. راه الكنيسة هي ماشي المملكة في حد ذاتها، ولكن هي سفارة ديال مملكة الله.

شنو هي السفارة؟ السفارة هي مؤسّسة كتمثّل الدولة ديالها في دولة خرا أجنبية، وهي كتبلّغ القرارات والإهتمامات ديال الدولة الأم لديك الدولة الأجنبية اللي كاينة فيها السفارة، وهي كتحمي المواطنين ديال دولتها في الدولة الأجنبية. متلاً، أنا سكنت في العاصمة ديال بلجيكا بروكسيل شي خمس شهور ملي كنت كنقرا في الجامعة تما. ملي كنت تما، مات ليا الباسبور ديالي. كنت غنكون في مشكل كبير إلا حاولت نخرج من البلاد بباسبور ميّ، حيث ماغيكونش عندي شي دليل أولا ورقة صالحة كتبت الهوية ديالي بصيفتي مواطن أمريكي. واحد النهار قرّرت نمشي للسفارة ديال أمريكا في بروكسيل باش نجدد الباسبور ديالي. ماشي السفارة هي اللي عطاتي الصلاحية باش نكون مواطن أمريكي، هي غير كتصادق على هويتي وكتأكد عليها بصفة رسمية. واحّا أنا كنت مواطن أمريكي راه ماكانتش عندي السلطة باش تنبت الهوية ديالي قدام الدولة الأجنبية اللي كنت فيها، وهنا

السفارة عاوناتني وصادقات على الهوية ديالي باش نقدر نزيد نعيش في ديك البلاد الأجنبية، وهاكدا السفارة زادت أكدا بلّي أنا مواطن أمريكي وتحت الحماية ديال الدولة ديالي الأصلية.

هاكدا كنشوفو بلّي السفارة في البلاصة اللي كتكون فيها هي كتمتل شي بلاصة خرا من العالم. ولكن شنو غتفكر لإقلت ليك بلّي كاين واحد النوع ديال السفارات كيمتل بلاصة خرا كاينة في المستقبل؟ هادي هي الكنيسة المحلية، راه الكنيسة المحلية كتمتل جماعة خاضعة للسلطة ديال المسيح، الجماعة اللي غتجمع في آخر الزمان.

الرسول بولس كيخترنا بلّي الجنسية ديال المؤمن هي جنسية سماوية. وحتى كيسي الجماعة ديال المؤمنين "رعية" (يعني مواطنين تابعين لواحد الملك). وهادي حقيقة عجيبة وقوية للشعب ديال الله في داك الوقت ولينا حنا اليوم.

ولكن عكس شعب بني إسرائيل، راه الوطن ديال المؤمن في العهد الجديد ماكاينش هنا في الأرض، في هاد الأرض حنا أجانب وغراب، حنا غير دايزين في طريقنا للوطن ديالنا. خاص المؤمنين ينتاضرو الوطن ديالهم بشوق وحماس، خاصنا نتستاو داك النهار اللي كيهدر عليه الرسول يوحنا في سفر رؤيا وكيقول: "المملكة ديال الدنيا ولات ديال ربنا والمسيح دياله، وعيملك ديما وعلى الدوام" (رؤيا 11: 15)، وقال الرسول بولس بلّي في داك النهار: "تسجد لإسم يسوع كل زبنة، فالسما وعلى الأرض وتحت الأرض، وبعترف كل لسان بلّي يسوع المسيح هو الرب" (فيلبي 2: 10-11).

ولكن قبل ما نوصلو لداك النهار، هنا على الأرض، كاينة بلاصة فين المواطنين ديال السما دابا في الوقت الحاضر يقدر وياخدو إعراف رسمي بالهوية ديالهم، ويقدر ويلقاو ملجأ أمن ليهم باش يحميهم، كل هادشي كاين

في الكنيسة المحلية. الكنيسة المحلية كتمثل الحُكم ديال المسيح في الوقت الحاضر، وكتصادق وكتأكد على الهوية ديال المواطنين ديال مملكة المسيح وكتحميهم. والكنيسة المحلية هي اللي كتعلم الشريعة ديال هاد المملكة دابا، والأعضاء ديالها يقدرو يخضعو للملك ديالهم دابا ويطيعوه، ويقدرو يعرضو على كل الشعوب وكل الناس باش يديرو نفس الحاجة، كل هادشي من خلال الكنيسة المحلية. وهنا وصلنا للفكرة الكبيرة الثالثة:

"راه الكنيسة كتعتبر أنها سفارة حقيقية. أو واخا هي كايئة في الوقت الحاضر، رها كتمثل مملكة المسيح المُستقبلية، وكتتمثل الكنيسة العالمية اللي غتبان في المستقبل"

راه الفكرة ديال العضوية ديال الكنيسة كتجي مباشرة من هاد الصورة ديال الكنيسة المحلية. شكون هو العضو ديال الكنيسة؟ هو الشخص اللي كيدخل من الباب ديال السفارة وكيعلن الإنتماء ديالو للمملكة ديال المسيح، بحال أنه كيقول: "صباح الخير، أنا مسيحي". وهنا الموضف ديال السفارة كيقلب في الملقّات أولا في الكمبيوتر ديال السفارة وكيقول: "أه، صحيح، أنا لقيت المعلومات ديالك مسجلين هنا. هاك الباسبور ديالك". هاد الشخص يمكن له يتمتع ببزاف ديال الحقوق والبركات من هاد الإعراف الرسمي بالهوية ديالو، وحتى كايين واجبات ومسؤوليات كتفرضهم عليه هاد الجنسية، واخا يكون كيعيش في بلاد أجنبية. وماشي غير هادشي وصافي، كايئة حاجة خرا عجيبة، راه هاد الشخص المواطن اللي دخل للسفارة، حتى هو كيولي جزء من ديك السفارة اللي صادقات على الهوية ديالو بشكل رسمي، هاد الشخص كيولي حتى هو مسؤول في السفارة كيصادق وكياكد على الناس لخرين اللي كيجيو. باش تكون عضو في الكنيسة يعني أنك نتا كنيسة، يعني جزء منها.

وهاكدا راه العضو ديال الكنيسة هو شخص مُعترف به رسمياً على أنه مؤمن مسيحي، وجزء من جسد المسيح العالمي. هادشي ماكيعنيش أن الكنائس هما ديما كيديرو كلشي بشكل صحيح ومزيان. ولكن الخدمة ديالها هي تتعرف على الناس اللي كينتاميو للمملكة ديال الله والناس اللي ماكينتاميوش ليها. هادي هي الفكرة الرابعة:

"راه العضو ديال الكنيسة هو شخص مؤمن مُعترف بيه رسمياً وبشكل علني على أنه مؤمن مسيحي، وهو شخص كيشارك في السلطة ديال الاعتراف بالمؤمنين لخرين في الكنيسة ديالو وكيهتم بيهم".

راه العضوية ديال الكنيسة كتتجاوز هاد الحدود. عوتاني راه خاصنا نهדרو على حياة العائلة، وحياة الجسد، وحياة القطيع ديال الخرفان اللي تابعين الراعي، وكاينين بزاف ديال الصفات خرين كيما غاديين نشوفو في الفصل الرابع. ولكن بدينا بهاد الصورة ديال أنّ الكنيسة كتمثل السلطة ديال المملكة اللي عطاها المسيح لينا ماشي كمؤمنين فرديين ولكن بصيفتنا أعضاء ديال كنيسة محلية. الرب ماخلائناش نحكمو ريوسنا بريوسنا، وماخلائ كل واحد فينا يعلن بلي هو مؤمن ويشهد على راسو، ولكن اللي دار الرب هو أنه عطا هاد المسؤولية لمؤسسة محلية باش تشهد على الإيمان ديالنا وتعتارف بيه، وباش يعاوننا من بعد هاد الاعتراف ويشكل ويوجه حياتنا الروحية المسيحية من خلالها.

السلطة ديال الكنيسة المحلية اللي كتشبه للسلطة ديال السفارة كتعطي فرصة للمؤمن اللي كيقول: "أنا كينتامي للمسيح" باش يرهن على كلامو بالحق قدام الكنيسة. الكنيسة المحلية كتحمي السمعة ديال المسيح من خلال التمييز ديالها بين المؤمنين الحقيقيين والمؤمنين المزورين. وهاكدا راه الكنيسة المحلية كتعطي فرصة للعالم باش يشوف

صورة أصلية وماشي صورة مزورة للمحبة ديال المسيح والقداسة ديالو ملي يشوف في شعب الله. والكنيسة المحلية كتر دشنا لطريق الأمان وكتعطينا بلايص ديال الراحة في الطريق الطويل ديال الرحلة ديالنا الروحية.

إلا كانو الملوكة والحكام ديال هاد العالم مهتمين بشكون غادي يعتبروهم مواطنين في بلادهم، ماكتضنش بلي راه الملك ديال الكون حتى هو غادي ياخذ هادشي بشكل جدي كتر منهم؟

### الخضوع، ماشي الإنضمام

إلا كان الرب يسوع أسس الكنيسة المحلية وعطاها سلطة علينا، فراه حنا ماشي غير خاصنا ننضمو للكنيسة وصافي بحال إلا كتنضمو لشي نادي أولا جمعية، ولكن راه حنا خاصنا نخضعو للكنيسة كيما كتنخضعو للحكومة. وهادي هي الفكرة الخامسة لكبيرة:

"المؤمنين ماكينضموش للكنائس، ولكن راهم كيخضعو ليهم"

في الحقيقة راه الكنيسة والحكومة بجوج كيمتلو السلطان ديال الرب يسوع، كل وحدة من ناحية مختلفة. وحتى الرعاة ديال الكنائس والقادة بربوسهم خاصهم يخضعو للكنيسة بنفس الطريقة. وحتى هما خاص الكنيسة تعترف بيهم وتشهد على أنهم مواطنين ديال مملكة الله من خلال العشا الرباني.

كنتمى ماتكونش فهمتيني غلط، من وجهة النظر ديال الإنسان اللي ماشي مؤمن، راه الكنيسة المحلية هي بحال جمعية خيرية تطوعية، حتى واحد ماخصو ينضم ليها. أما من وجهة النظر ديال المسيحي، الكنيسة

ماشى هاكدا. إلا ختاريتي الأب والإبن، فراه ملزوم عليك تختار العائلة كلها، وهادشي اللي كيوقع مع الكنيسة المحلية.

وراه الكنيسة كتمارس السلطة ديالها اللي عطاها ليها المسيح بطريقة مختلفة من الطريقة ديال الدولة. قال الرب يسوع: "كَنْعَرُفُو بَلِّي الرُّؤَسَا كَيْتَحَكِّمُو فَالْشُّعُوبَ دِيَالَهُمْ، وَالْمَسْؤُولِينَ الْكِبَارَ كَيْفَرُضُو السُّلْطَةَ دِيَالَهُمْ عَلَى كُلِّ وَاحِدٍ تَحْتِ مِنْهُمْ" (متى 20: 25). ومن بعد في الآيات من 26 حتى لـ 28 كيقول بلي السلطان المسيحي بالحق كيتمارس من خلال أننا نعطيو حياتنا من أجل الناس لخرين كيما هو دار. ومع الوقت كايتمارس هاد السلطان المسيحي وكيتطبّق من خلال القوة ديال كلمة الله والروح القدس، ديك القوة اللي كترافق الإنسان المؤمن، ديك القوة الفعالة اللي كتغيّر القلوب، وماشى من خلال القدرة على الإقناع.

واخا هاكداك راه الرب يسوع بغا المؤمن يعطي نفسو بخاطرو، يعني بغاه يخضع للكنيسة المحلية بالرغبة ديالو وماشى بالقوة. في الفصل السادس غاديين نهדרو على كيفاش خاص يكون الخضوع، وشنو اللي ماشى خضوع.

## واش الكنيسة كتعتبر تهديد قومي للدولة؟

الجواب أكيد هو لا، كمنن بلي بزاف ديال المؤمنين ما كيفهموش شنو يعني العضوية ديال الكنيسة، وعلاش هي مهمة بزاف. وهادشي حيت ديما فهمناها بطريقة غلط.

ولكن واخا هاكداك راه نقدر نقول بلي كايين جوج ديال المجموعات ديال الناس اللي كيفهمو الأهمية ديال هاد الفكرة مزيان. أولاً، فكّر في كل

الحكومات الّتي ضطّاهدو الكنائس والأعضاء ديا لهم. هاد الحكومات غلطو ملي فكَرو بلي الكنائس هما تهديد للسلطة ديال الدولة، راه الرب يسوع معاطاش القوة ديال السيف أولا السلاح للكنائس. ولكن هاد الحكومات كان عندهم الحق ملي فكَرو بليّ الولاء ديال المؤمنين المسيحيين هو بالدرجة اللّولى معطي ليسوع المسيح وعاد في الدرجة الثانية كيحيو لحوايج لخرين والمؤسّسات لخرين.

المؤرّخ الروماني يوسابيوس من القرن الرابع وصف واحد الراجل مسيحي قديم سميتو سانكتوس ملي وقف قدام الّلي كانو كيعدبوه في الحبس في عام 177م وقال: "بكل تبات تبت قدام التعديب، وحتىّ مابغاش يقول ليهم سميتو أولا فين التولد، أولا واش هو إنسان عبد أولا حر. وغير جاوبهم على أي سؤال كيسولوه باللغة اللاتينية: أنا مسيحي. وبقا كيكرّر الجواب ديالو بلا مايدرر سميتو أولا جنسيتو أولا أي حاجة خرا. وهاد الناس الّلي كانو كيسمعوه ماسمعو حتىّ كلمة خرا متو".

المجموعة الثانية الّلي كتفهم هاد الموضوع مزيان هما كل المؤمنين الّلي كيفكرو بحال سانكتوس، المؤمنين الّلي عاناو من الإضطهاد، خصوصًا إلا كان إضطهاد من الدولة. راه هاد الخوت كيديرو حياتهم في خطر ملي كيتعمدو وكينضمّو للكنيسة. ماتقدرش تهدر مع هاد الخوت على "العضوية التطوعية" بحال أن الكنيسة هي شي نادي رياضي. هما عارفين مزيان التمن ديال الولاء ديا لهم الجديد للمسيح ولكنيستو. وهادشي علاش كنتسائل على واش هما كيفهمو هاد الكتاب بشكل أعمق كتر من المؤمنين في العالم الغربي بحالي أنا. كيقول المسيح: "سُعَدَاتْ هَادُوْكَ الّلي كَيْتُعَدَّأُوْ عَلَيْهِمْ عَلاَحَقَّاشْ تَابِعِينْ ظَرْبِقْ الحَقُّ، حَيْثْ لِيَهُمْ مَمْلَكَةُ السَّمَاوَاتْ" (متى 10: 5).



## فين كنشوفو العضوية ديال الكنيسة في العهد الجديد

إلا كان الهدف ديالنا هو نفهمو شنو هي العضوية ديال الكنيسة، كنضن غيكون مزيان نقلبو شوية في العهد الجديد باش نتأكدو وباش كلنا نشوفو هاد الحق الكتابي في الكلمة ديال الله. إلا شي واحد بغا يشري طرف ديال الأرض، راه ماكافيش غير يسمع الكلام ديال السمسار، ولكن ضروري باش الشاري يمشي يشوفها بعينو ويقلبها.

وباش نديرو هادشي، شنو رأيك نسافرو شوية في الزمن ونرجعو للماضي، للعقود اللولين ديال الكنيسة اللولى. خلىنا نبادا بالسنين اللولين في الثلاثينات بعد ميلاد المسيح.

نفتارضو أن الألة ديال الزمن اللي غنسافرو فيها حطّاتنا في الجزء الشمالي ديال الأطلسي، تما كانت بريطانيا. إلا وقفنا تما كنا غنشوفو "ستونهنج" (Stonehenge) اللي كانت موجودة تما قبل ألفين وخمسمية عام. من غير هاد البلاصة راه حنا ماغاديش نتعرفو على حتى شي حاجة خرا. حتى مدينة لندن المعروفة اليوم مازال ماكانتش في داك الوقت، لندن كانت غادي تبان من بعد بزّاف ديال السنين ملي غيبنيوها الرومان.

من بريطانيا، نقدرو نقطعو البحر في إتجاه الشرق، وندوزو وسط الحقول والغابات ديال بلاد الغال، هاد الأرض حتّ لها يوليوس قيصر عام 51 قبل الميلاد. وهي فرنسا حاليًا. ومن تما غنوصلو لجبال الألب اللي عامرين بالجليد والتلج، ومن بعد غنوصلو لإيطاليا اللي لونها حمر ومغبرة،

وتَمَّا في الأخير دِيَال الرحلة دِيَالنَا غَادِي نُوصلُو لمدينة روما العجيبَة، الّتي فيها كان طيباريوس قيصر گَالس على العرش.

وإلا زدنَا تاجهنَا للشرق، غَاديين ندوزو على بحر أدريا، ومن تَمَّا غندوزو من حدَا البحر الأبيض المتوسط، غندوزو على مقاطعة مكدونية، من بعد تراقيا، أسيًا، ليكية، كيليكية، وغندورو ونتأجهو للجنوب مَلّي نوصولو لسورية، راه كل هاد البلايص حتلّوهم الرومانيين الّلي نهبو كلشي تَمَّا. ولكن، من بعد ندوزو على واد الفرات، الّلي من بعدو كانت مملكة بارثيا القديمة، ومن بعدها الإمبراطورية دِيَال كوشان الّلي يالاه كانت بانت. وإلا زدنا في إتجاه الجنوب غَاديين ندخلو في منطقة فلسطين، في مقاطعة اليهودية الرومانية. القايد بومبيوس الكبير غزا بلاد اليهودية عام 63 قبل ميلاد المسيح. وفي داك الوقت دِيَال الكنيسة اللّولى كان حاكمها بيلاطس البنطيّ الّلي كان كيمتلّ روما، كانت السمعة دِيَالو خايبة في الكتاب المقدّس، وحتّى كان حاكم ديك المنطقة الملك اليهودي هيروُدس أنتيباس الّلي كان بحال خاتم في يد قيصر.

ومن بعد بغينا نوقفو في مدينة أورشليم، نخرجو من آلة الزمن ونتمشّاو فوق التراب دِيَال فلسطين الّلي يبس بسباب قوة الشمس. وفي ما دورنا عينينا غَاديين نشوفو ديور من الطوب والطين في كل بلاصة والتّبن حتّى هو، وغير شي ديور قلال الّلي كبار ومبنيين مزيان. غير نهزّو عينينا غنقدرو نشوفو الجبل دِيَال الهيكل (جبل صهيون).

راه الهدف دِيَال هاد الرحلة دِيَالنَا للماضي هو بسيط: باش نشوفو بعينينا الكنائس اللّولين والأعضاء دِيَالهم. واش كانوا الكنائس المحلية موجودين في داك الوقت؟ واش في داك الوقت كانت "العضوية دِيَال الكنيسة" كيما كنسمّيوها حنا اليوم؟

## الكنيسة في أورشليم

إلا دَوْرنا عينا في المدينة راه غادين نشوفو اليهود في كل بلاصة "وَكُنُو شِي يُهُودُ مُتَأْفِيئُ اللَّهِ مِنْ كَأَعِ الشُّعُوبِ ذِيَالُ الدُّنْيَا سَاكُنِيئُ فَأُورُشَلِيمُ... رَاهُ فِينَا اللَّيِّ مِنْ بِلَادُ فَرْتِيَّةِ وَمَادِي وَعِيْلَامُ، وَاللِّي كَيْسَكُنُو فُبِلَادُ مَا بَيْنُ النَّهْرِيئُ وَفَالْيَهُودِيَّةِ وَكَبْدُوكِيَّةِ وَبُنُوسُ وَأَسْيَا، وَفَرِيحِيَّةِ وَبَمْفِيلِيَّةِ وَمِصْرُ، وَجَهَّةِ لِيبيَا اللَّيِّ قُرَيْبِيَّةِ مِنْ الْقَيْرَوَانَ، وَالرُّومَانِيئُ اللَّيِّ كَيْرُورُو الْمَدِينَةِ، لِيهُودُ وَالْبَرَانِيئُ اللَّيِّ وَلَاؤُ يَهُودُ، الْكُرَيْتِيئُ وَالْعَرَبُ" (أعمال الرسل 2: 5، 9-11). كانوا كلهم مجتاعين في مدينة أورشليم باش يحتافلو بعيد يوم الخمسين اللَّيِّ كيحتافلو بيه اليهود كل عام. الجو تما كيكون بحال سوق كبير ديال الدوَار فين الناس كيبيعو السلعة ديالهم.

ولكن واخا هاكداك، الحاجة اللَّيِّ فاجئانا ماكانتش شي حاجة شفناها، ولكن حاجة سمعناها، "عَلَى عَفْلَةَ تُسْمَعُ صُوتُ مِنْ السَّمَاءِ بِحَالِ شِي رِيحٍ قُويِّ" (أعمال الرسل 2: 2). وتما دخلنا بين النَّاسِ اللَّيِّ بداو كيتدافعو حتَّى لقينا ريوسنا واقفين قدام واحد المجموعة ديال الرجال، بشي طريقة عجيبة كانوا كيبيشرو وكل الناس اللَّيِّ كانوا تما كل واحد كيستمعهم كيهدرو باللغة الأصلية ديال بلادو. وكل الناس تفاجئو وتعجبو.

ومن بعد، واحد من دوک الرجال، سميتو بطرس، ناض وواجه الشعب وفكرهم بالملك العظيم داود، اللَّيِّ قال على المسيح اللَّيِّ يآلاه تصلب بلي هو "الرَّبُّ" ديالو. وكمل بطرس الكلام ديالو بهاد الجملة اللَّيِّ كانت بحال ضرية للقلوب ديالهم: "إِيوَا خَاصُّ كَأَعِ شَعْبِ إِسْرَائِيلِ يُعْرِفُو وَيُتَبَقُّو بَلِّي اللَّهُ ذَا رِيسُوعُ هَذَا اللَّيِّ نَتَمَّ صَلَبْتُوهُ، رَبُّ وَمَسِيحُ" (أعمال الرسل 2: 36).

وإلا دابا فكرنا شوية في الناس اللَّيِّ كانوا كيستمعو هاد الكلام، راه نقدرنا نتوقعو بلي ممكن غيغضبو على بطرس وغادين يهجمو عليه ويتأهموه بالخيانة ويديوه للحبس.

ولكن ماشي هادشي اللي وقع. بشي طريقة، كلام بولس قاس قلبهم. "وَمَلِّي سَمْعُو النَّاسْ هَاذُ الْكَلَامْ، تَنَادَمْ مَعَاهُمْ الْحَالْ، وَكَالُو لِبُطْرُسْ وَوَلَّرُسْلْ لْخَيْرِينْ: «أَشْ خَاصَّنَا نَدِيرُو آ الْخُوتْ؟»" (أعمال الرسل 2: 37). وبطرس قال بلا ما يتردد: "تُوبُو، وَخَاصْ كُلِّ وَاحِدْ مِنْكُمْ يَتَعَمَّدْ بِاسْمِ يَسُوعَ الْمَسِيحِ بَاشْ تَغْفَرْ لِيكُمْ ذُنُوبَكُمْ، وَغَادِي يَنْعَمْ عَلَيْكُمْ اللَّهُ بِالرُّوحِ الْقُدُسْ" (أعمال الرسل 2: 38).

هادي خدمة عضيمة. راه كان ناض بزاف ديال الصداق والتمرد على الحُكم بالموت على المسيح. ولكن بطرس ماحولش يخبع الحقيقة ديال أن يسوع هو الرب المَلِك، وحتى علن هاد الحق على لسان داود ومن كلام الله بنفسو. وكتر من هادشي، هو طلب من الجماعة ديال الناس باش يجيو لعند المسيح، ويتاحدو معاه بالمعمودية. كيبان لينا أن بطرس كان بغا يؤسس جماعة مختارة ومقدسة، بحال حركة علنية روحية.

واللي كيتير الإنتباه هو التجاوب ديال الشعب بشكل جماعي: "وَاللِّي قُبِلُو كَلَامُهُ بِالْفَرْحَةِ تَعَمَّدُو، وَتُرَادُو عَلَى الْجُمَاعَةِ ذُ الْمُؤْمِنِينَ فَذَاكَ التَّهَارُ بِشِي تَلْتَالَفْ وَوَاحِدْ" (أعمال الرسل 2: 41).

كيبان أننا هبطنا في الألة ديال زمن في البلاصة المناسبة وفي الزمان المناسب. هادي هي البدية ديال كلشي. وغير شوية ديال الوقت قبل ماوصلنا تما راه ماكانوش بزاف ديال المؤمنين، كيقول الكتاب: "وَفِدِيكَ لِيَّامْ، وَقَفَّ بَطْرُسْ وَسَطَ الْخُوتِ الْمُؤْمِنِينَ، وَكَانُوا الْحَاضِرِينَ تَقْرِيْبًا مِئَةَ وَعُشْرِينَ وَوَاحِدْ" (أعمال الرسل 1: 15). وغير في داك النهار، في عيد يوم الخمسين، تزدات تلتالاف نفس للجماعة ديال الخوت الصغيرة اللي كانت متكونة غير من: يعقوب، وأندراوس، وليدية، وحلفي، وبزوخورس، وجيمي، وسكوتر، وأليس... وكانت الكنيسة كتحسب النفوس وكتسجل الأرقام ديال الخوت اللي كيتزادو. كانوا كل هاد الخوت كيغرفو الهوية دياهم.

## النمو والإضطهاد

ومع الأيام، كرينا بلاصة في واحد الخيمة باش يكون بحال مقرّ لبنا، وبدينا كنكتبو التقارير ديالنا، وزدنا كنراقبو الاستقرار ديال هاد الجماعة في الحياة الجديدة اللي كيعيشوها، كانوا كيواضبو على التعليم ديال الرسل، وكانت كتجمعهم شركة روحية، وكيشركو الخبز وكيديرو العشا ديال الرب وكيصليو. وحتىّ كانوا كيسميو ريوسههم "مؤمنين"، وكيشركو كلشي مع بعضياتهم، حتىّ الممتلكات ديالهم كانوا كيشركوها حسب الإحتياج ديال كل واحد (أعمال الرسل 2: 44-45).

وكان عند الجماعة فكر مختلف على التفكير ديال الناس لخرين في المدينة. كانوا بحال إلا جاو من بلاصة خرا بعيدة وغريبة. وكانت الجماعة كلها كتجتمع في الهيكل، ومن بعد كيتقسمو على مجموعات صغار في الديور (أعمال الرسل 2: 46). وحتىّ كانت هاد الجماعة ديما كتزيد تكبر "وَكَاَنَّ الرَّبُّ كُلَّ نَهَارٍ كَيَزِيدُ النَّاسَ الَّيْ نُجَاهَهُمْ لُجْمَاعَةً الْمُؤْمِنِينَ" (أعمال الرسل 2: 47).

ومن بعد شي وقت، دازو شي شهور، ومازال ناس جداد كيعلنو إيمانهم بالرسالة. وفي واحد الوقت كيقول لبنا الكتاب بلي العدد ديال المؤمنين تزداد، غير الرجال ولّاو خمسلاف راجل مؤمن (أعمال الرسل 4: 4). والسؤال اللي كيخصنا نسّولوه هنا هو: واش كان الهدف ديال هاد الجماعة اللّولى هو يتزادو في الأعداد؟ ماشي كانوا مركزين على الأرقام كتر من اللازم؟

وراه الجواب واضح في الكتاب، الجواب هو: أكيد لّا. راه كانوا القادة عارفين بالمشاكل الأخلاقية والدنوب ديال النَّاس، وكانو كيخدمو باش يصلحو هاد المشاكل (أعمال الرسل 5: 1-11). وبشي طريقة كانت

الجماعة التي بداو وكيستميوها "الكنيسة" مازال كيتجمعو في "القاعة ديال سليمان" في الهيكل (أعمال الرسل 5: 11-12). وكانو الأعضاء ديال الكنيسة في هاد الوقت بغاو يتجمعو باش يهدرو على كيفاش يقدررو يخدمو وبياركو للعيالات الهجالات (أعمال الرسل 6: 1-2).

أكيد بلي كانوا المؤمنين كيدوزو وقت كثير مع بعضياتهم، وكيهتتمو ببعضياتهم. كانت الحياة الجماعية ديال المؤمنين باينة وعجيبة لدرجة أننا لإسولنا السكّان ديال المدينة في داك الوقت غنلقاوهم متعجبين حتى هما. كيقول الكتاب في أعمال الرسل 5: 13: "الشعب كان كيخترهمم بزاف".

أكيد ماشي كلشي في المدينة كان كيحبهم، حيث جوج ديال المرات بعض الناس ذاو الرسل للحبس باش يحققو معاهم. وجوج مرات الرسول بطرس قال هاد الكلام: "خاصنا نطيعو الله ماشي الناس" (أعمال الرسل 4: 20، 5: 29). هاد الجماعة ديال المؤمنين كانوا عارفين مزيان بلي الرب يسوع بوحدو هو مول الجاه والسلطان، وهو اللي كلمتو لفقو. كيقول الكتاب: "وَبَقَاوْ كُلُّ نَهَازْ كَيَعْلَمُو وَكَيَخْبُرُو بِالْبَشَارَةِ دِيَالِ يَسُوعِ الْمَسِيحِ فَبِيَتْ اللَّهُ وَمَنْ دَاوْ لَدَاوْ" (أعمال الرسل 5: 42).

ولكن من بعد جاو المشاكل والإضطهاد ضد الكنيسة، الأمور تغيرت ملي ناضو السلطات ديال المدينة ضد المؤمنين. وتما رجمو وقتلو واحد من القادة ديال الكنيسة سميتو ستيفانوس. والأسماء ديال الخوت والقادة ديال الكنيسة وصلو لرؤساء رجال الدين، وهاكدا بدا واحد من الأتباع ديالهم المتشدّد كيضطهد الكنيسة، كان هاد الراجل فزيبي سميتي شاول، كيقول الكتاب: "وَكَانَ شَاوْلُ كَيُدِيرُ مَا فَجْهْدُهُ بَاشْ يُشْتَتِ الْمُؤْمِنِينَ دِيَالِ الْكَنِيسَةِ، وَكَيَمِشِي مِنْ دَاوْ لَدَاوْ وَكَيَخْرُجُ الرِّجَالَ وَالْغِيَالَاتْ وَكَيَزِمِيهِمْ فَالْحَبْسْ" (أعمال الرسل 8: 3).

النتيجة ديال هاد الإضطهاد كانت عجيبة، بزّاف ديال المؤمنين بسباب الإضطهاد بدوا كيبشرو بالمسيح. كيقول الكتاب: "وَبَدَأُوا الْمُؤْمِنِينَ اللَّيْلِ تُشْتَتُوا كَيْمُشِيُوْ مِنْ بِلَاصَةِ لُبْلَاصَةِ وَكَيْخَبْرُو بِالْإِنْجِيلِ" (أعمال الرسل 4: 8). الإضطهاد خلا المؤمنين يتشتتو ويخرجو من مدينة أورشليم، ومن تما مشاو لمدون خرين.

ودغية بدينا كنسمعو بلي التلامد ديال المسيح وصلو للسامرة، ودمشق، ولّدة، ويافا، وقيصرية (أعمال الرسل 8: 14، 9: 10 و 32 و 42، 10: 24). وتما كل الناس شافو وعرفو بلي الرب يسوع ماكانش ملك غير لليهود بوحدهم (أعمال الرسل 11: 18).

وفي ديك الفترة وصلو شي شائعات للكنيسة في أورشليم كيقولو بلي ممكن راه شاول براسو أمن بالمسيح، وبدا كيبشّر بين الناس بلي يسوع هو ولد الله وهو المسيح المنتظر (أعمال الرسل 9: 20، 22). بزّاف ديال الخوت ماتيقوش هاد الكلام حتى تلاقاو مع شاول وجه لوجه و شافوه كيبشّر بالمسيح. "وَهُوَ يَتَكَلَّمُ بَزُنَابَا وَجَابِهِ لَعِنْدَ الرَّسُلِ، وَعَاوُذُ لِيَهُمْ كَيْفَاشْ بَانَ الرَّبُّ لَشَاوُلَ فَالطَّرِيقِ وَتَكَلَّمْ مَعَاهُ، وَكَيْفَاشْ خَبُرَ شَاوُلَ النَّاسَ بِاسْمِ يَسُوعَ فِدِمَشْقَ بَلَا مَا يَخَافُ" (أعمال الرسل 9: 27-28).

ومن تما الحالة بدات كتتحسن شوية بشوية مؤقّتا. الكنيسة ديال أورشليم اللي كانت تشتتت بدات كتعيش شوية بالسلام، كيقول الكتاب: "فَدَاكَ الْوَقْتُ كَانُوا الْكِنَائِسَ كُلَّهُمْ فَالْيَهُودِيَّةِ وَالْجَلِيلِ وَالسَّامِرَةِ كَيْعِيشُو فَالْهَنَّا" (أعمال الرسل 9: 31).

## الكنائس في سورية، آسيا الصُغرى، وبلايص خرا بعد كتر

أجيو دابا نتجمعو عوتاني باش نصقيو ونحللو المعلومات اللي جمعنا في هاد الرحلة. شي واحد يقدر يفكر ويقول: الله تعمد يجمع كل هاد الناس من كل الأمم في أورشليم في عيد يوم الخمسين، وهو اللي سمح باش يوقع الإضطهاد باش المؤمنين يتشتتو ويمشيو للأمم وشعوب خرين.

تخيلو معايا شي مؤمن جا من أورشليم، وقاطعنا في وسط الاجتماع. جا كيلهت وطاح على ركابه من العيا. وشاف فينا وقال: " وَصَلَاتْ هَادُ الْخُبَارُ لِكْنَيْسَةُ أُورُشَلِيمَ"، "أَمْنُو نَاسْ كَتَارُ وَرُجْعُو لَطَرِيقِ الرَّبِّ" في سورية وفي مدينة أنطاكية (أعمال الرسل 11: 19-22).

ومن بعد داز عام على هادشي اللي وقع، وصلاتنا نسخة مكتوبة من لخبار اللي صيفطات كنيسة أورشليم – "رسالة مكتوب بيد الرُّسُل" - كتقول بلي "أَمْنَاتْ بِالرَّبِّ جَمَاعَةٌ كَبِيرَةٌ ذُ النَّاسْ" في أنطاكية، وبلي برنابا وشاول "بَقَاوْ فِيهَا عَامٌ كَامِلٌ وَهُمْ كَيْتَجَمْعُو مَعَ الْخُوْتِ فَأَلْكْنَيْسَةَ، وَكَيْعَلْمُو بَرَّافْ ذُ النَّاسْ" (أعمال الرسل 11: 24، 26).

واضح بلي هادي ماكانتش حركة دينية يهودية غير دايزة وصافي.

المؤمنين ديال سورية كانو مؤمنين حقيقيين. ملي ضربات المجاعة مدينة أورشليم، المؤمنين في سورية صيفطو الماكلة والمساعدات للجنوب. في الحقيقة، راه بفضل السخاوة ديال المؤمنين في أنطاكية، الخوت في أورشليم قدرو يتجمعو مع بعضياتهم في دار ديال واحد الأخ، وقدرو ياكلو اللحم اللي جا من سورية، وشي ديسير وشلاضة، وقدرو ياكلو شي كيك، وشوية ديال الجبن ديال المعيز، وشي روز حتى هو. المحبة المسيحية بنينة. وبراف ديال المرآت من بعد هادشي بان بلي هاد المؤمنين بلحق كيفكرو في بعضياتهم وكيتبوا بعضياتهم، وهاد المحبة مايمكناش يوقفوها

الحدود ديال الدول، هاد المحبة كتجمع الكنيسة ديال المسيح فين ما كانت.

دازو عقود على هادشي اللي وقع، وحنا مازال كنعشوفو الكنايس مازال كيترعو وكيكبرو. شاول اللي ولات سميتو بولس خرج ودار رحلة تبشيرية ورزع كنايس في قبرص وأسيا الصغرى، في بزاف ديال المدن بحال درية، ولسترة، وإيقونية، وأنطاكية بيسيدية (أعمال الرسل 13: 4، 14: 20-23). وفي الرحلة التبشيرية ديالو الثانية، زرع كنايس في بلايص بعاد كتر، في مدينة فيليبي، تسالونيكى، بيرية، كورنتوس، وأفسس، ومازال كاينين خرين (أعمال الرسل من 15: 36 حتى ل 18: 22). ومن بعد سافر في رحلة تبشيرية تالته باش يقوي ويشجع هاد الكنايس اللي زرعهم في الرحلات اللولين (أعمال الرسل 18: 23 حتى 21: 26).

دابا ماشي غير سمعنا كلام وصافي، ولكن وصلونا نسخ من الرسائل اللي كتب الرسول بولس للكنايس: كتب لكنيسة غلاطية، وتسالونيكى، وكورنتوس، وروما، وكنايس خرين. الرسول بولس كان كيكتب حتى فاش كان محبوس، قال: "أَنَا سَفِيرٌ وَأَخًا مُشْدُودٌ بِالسَّنَاسِلِ" (أفسس 6: 20). وستاغل المشاكل اللي وقعو ليه مع السلطات الدينية باش يبشّر بالملك يسوع الرب.

بشكل عام، راه الردود ديال السلطات كانت مختلفة في بزاف ديال البلايص. هيروُدس أنتيباس شد الأعضاء ديال الكنيسة في الحبس وقتل بزاف منهم (أعمال الرسل 12: 1-2). الوالي الروماني في قبرص وصلاتو الرسالة، وأمن بالمسيح (أعمال الرسل 13: 12)، وحتى الرئيس ديال المجمع اليهودي أمن بالمسيح (أعمال الرسل 18: 8). الوالي فيلكس شاف هاد الرسالة على أنها فرصة باش ياخذ رشوة (أعمال الرسل 24: 26). الوالي فيستوس تآهم المسيحيين وقال بلي "خرج ليهم عقلمهم وحماقو" (أعمال

الرسل 26: 24). والملك أَكْرِيَّاسُ ما عجبوش الحال حيت بولس حاول يقنعو (أعمال الرسل 26: 28). واحد الوالي آخر روماني سميتو كَالْيُونُ، كيقول الكتاب عليه: "مَا كَانَ عِنْدَهُ سُوقٌ فِدَاكُثِّي" (أعمال الرسل 18: 17).

كيبان بحال الكنايس والأعضاء ديالها كانو في موقف صعيب قدام المجتمع والسلطات، كانو في الهامش ديال المجتمع، كانو من المجتمع وفي نفس الوقت ماشي متو ومماقبولينش. هما غراب على كل الناس. الرسول بطرس في واحد الرسالة ديالو قال على المؤمنين بلي هما الناس اللي "عَائِشِينَ فَالْغُرْبَةَ" (1 بطرس 1: 1).

## صورة واضحة وتابطة

وحنا كنفروا كل هاد التقارير والمعلومات وكنعاولو ونقراوهم، كنا كنكتبو الملاحظات ديالنا في نفس الوقت، وحاولنا نشوفو واش نقدر و نجمعو ونصاوبو واحد التعريف واضح على الكنيسة المحلية والعضوية ديالها. وحنا كنديرو هاد الخدمة، بانو لينا هاد العشرة ديال الأفكار اللي مايمكنش نكروهم:

1) راه حقيقة المُخْلِص والرب هي الحق اللي كيوحد الوجود ديال الكنيسة. كيما سمعنا من النهار اللول في اورشليم، سمعنا بزاف ديال المرات سمعنا وعض وكلام وإعلانات كيهدرو على "الغفران ديال الذنوب" وعلى أن "يسوع هو الرب". الرسل كانو كيبشرو بهاد الحق بنفس الكلام (كورنتوس الثانية 4: 5، وقارنها مع أعمال الرسل 17: 3، ويوحنا 20: 31)، وسماو هاد الحق "طريق النجا (الخلاص)" و "البشارة" (رومية 10: 9، كورنتوس اللولى 15: 1-5، أفسس 1: 7، بطرس اللولى 1: 3-12). وراه

الروح القدس هو الّلي كيغطي للمؤمنين الكلام الّلي خاصهم يبشرو بيه (كورنتوس اللّولى 12: 3). هاد المؤمنين كيحترامو السلطة الأرضية، وكيطيغوها في الحدود الّلي سمح بيهم الله، ولكن في نفس الوقت راه الولاء والطاعة ديالهم كيبقاو بشكل كامل للمسيح. هما كيسمّيو نفوسهم "سُفراء مُشدّودين بالسّئاسل"، وكيخاطرو بكلشي، ومستعدّين يموتو على ود إيمانهم.

2) المؤمنين كينضمّو لكنائس فردية، ولكن في نفس الوقت هاد الكنائس هما مرتابطين مع بعضياتهم. في البداية، كل مؤمن جديد كان كينضم للكنيسة ديال أورشليم. ومن بعد تغيّر الحال مّلي التلامد تشتّتو، وبدوا كيبيشرو وكنائس جداد بانو، كيما وقع مع فيلّس مّلي شارك الإنجيل مع الراجل الإتيوبي. والرب دار كل هادشي باش الإنجيل يوصل لبلايص جداد فين الناس مازال ماسمعوش خبار لخير. وماكنشوفوش في الكتاب أي متال على انفصال شي مؤمن من كنيستو. دغيا بداو كنائس في بزّاف ديال المدن بحال أنطاكية، وإيقونية، وكورنتوس، وبزّاف ديال المدن لخرين، وهاد الكنائس ديما كانو كيتواصلو مع بعضياتهم، وكان كيعاونو بعضياتهم وأحّا كانوا في مناطق ودول مختلفين.

3) المؤمنين بشكل جماعي كانو كيقولو بّلي هما كنيسة. نقدرّو نشوفو هادشي واضح في كلامهم مّلي كيهدرّو على ريبوسهم: "كَانَ سَاوُلُ كَيْدِيذُ مَا فَجْهْدُهُ بَاشْ يُبَشِّرُ الْمُؤْمِنِينَ دِيَالَ الْكَنِيسَةِ" (أعمال الرسل 8: 3). "وَصَلَاتٌ هَآذُ الْخُبَارُ لِكَنِيسَةِ أُورُشَلِيمَ" (أعمال الرسل 11: 22). "وُنُقَاوُ فِيهَا عَامٌ كَامِلٌ وَهُمَا -بِرَنَابَا وَشَاوُل- كَيْتَجْمَعُو مَعَ الْخُوْتِ فَالْكَنِيسَةِ" (أعمال الرسل 11: 26). "شُدُّ الْمَلِكِ هَيْرُودُسُ شِي مُؤْمِنِينَ مِنْ الْكَنِيسَةِ بَاشْ يَعْذِبُهُمْ" (أعمال الرسل 12: 1). "وَلَكِنْ الْكَنِيسَةُ كَانَتْ مَدَاوِمَةً عَلَي الصَّلَاةِ لِلَّهِ" (أعمال الرسل 12: 5). "وَمَنْ بَعْدَمَا صَيِّفَطَانَهُمُ الْكَنِيسَةُ" (أعمال الرسل 14: 27).

(أعمال الرسل 15: 3). "رَحَّبُوا بِبِهِمُ الْمُؤْمِنِينَ ذُ الْكَنِيسَةِ" (أعمال الرسل 15: 4). المؤمنون ستعملوا كلمة كنيسة باش يشيرو لجماعة اللّي كيشاركو معاها كلشي. راه الناس المؤمنون الفرديين كينتميو لحاجة كبر، لجماعة متآحدة.

4) المؤمنون عندهم قوّة خاصّة وهوية جماعية ملّي كيتجمعو بشكل رسمي. الرسول بولس قال للكنيسة ديال كورنتوس: "مَلِي كُنْجَمْعُو فِإِسْمِ رَبِّنَا يَسُوعَ، كُنْكُونُ مَعَاكُمْ بُرُوجِي وَبِقُوَّةِ رَبِّنَا يَسُوعَ" (كورنتوس الولى 5: 4). ومن بعد في نفس الرسالة، قال: "... كُنْجَمْعُو فَالْكَنِيسَةَ" (كورنتوس الولى 11: 18). بحال أن هاد المؤمنون كيكونو كنيسة ملّي كيتجمعو مع بعضياتهم، كتر من ملّي كيكونو بوحدهم. كيبان لينا بلّي هاد الإجماعات تكتون فيهم قوّة باش المؤمنون يتحركو، ويتآخديو قرارات مزيانة، وباش يقدرو ينوبو على الرب يسوع في هاد الأرض.

5) الخطوة اللولى في الحياة المسيحية ديما هي المعمودية. هادشي كان واضح للمؤمنين في داك الوقت. "تُوبُوا، وَحَاصُّ كُلِّ وَاحِدٍ مِّنْكُمْ يَتَّعَمِدُ بِاسْمِ يَسُوعَ الْمَسِيحِ" (أعمال الرسل 2: 38). "وَاللّي قَبِلُوا كَلَامَهُ بِالْفَرْحَةِ تَعَمَدُوا" (أعمال الرسل 2: 41). "وَلَكِنْ مَلِي حَبَرْتَهُمْ فَيَلْبَسُ بِمَمْلَكَةِ اللَّهِ وَبِاسْمِ يَسُوعَ الْمَسِيحِ، آمَنُوا وَتَعَمَدُوا رِجَالٌ وَغَيَالَاتٌ" (أعمال الرسل 8: 12). "وَوَيْدِيكَ السَّاعَةَ طَاحَتْ مِنْ عَيْنَيْنِ سَاوِلِ شَيْ حَاجَةَ بِحَالِ الْفُشُورِ، وَرَجَعَ لِيهِ الشُّوفُ، وَنَاضَ وَتَعَمَدَ" (أعمال الرسل 9: 18). "وَدَاهُمْ فَيْدِيكَ السَّاعَةَ فَالْليلِ وَغَسَلَ الْجُرْحَ دِيَالَهُمْ، وَتَعَمَدَ هُوَ وَمَالَيْنِ دَارَهُ كُلَّهُمْ" (أعمال الرسل 16: 33). "وَبَرَّافَ ذُ النَّاسِ مِنْ كُورِنْثُوسِ اللّي سَمِعُوا كَلَامَ بُولُسِ، آمَنُوا وَتَعَمَدُوا" (أعمال الرسل 18: 8). "وَدَابَا أَشْ كُنْسَتِي؟ نُوضْ تَعَمَدُ، وَتَنْقَى مِنْ ذُنُوبِكِ، وَنَتَّ كَتَعَيِّظَ بِالْإِسْمِ دِيَالَهُ (الرب)" (أعمال الرسل 22: 16). ماشي مفاجئة أن الرسول بولس ملّي كتب للكنيسة ديال روما، وخا مازارهمش هو كان عارف بلّي كل المؤمنون في الكنيسة سبق ليهم تعمّدو

(رومية 6: 3). المعمودية كانت هي العلامة العلنية التي كتميز الهوية ديال الناس التي آمنو بالمسيح.

6) المؤمنون كيتعلمو كيفاش يبعديو ريوستهم من العالم ومايعيشوش من أجلو. الرسول بولس ماكيوَصِّيش المؤمنين باش ماتكون عندهم حتى شي علاقة مع الناس التي ماشي مؤمنين (قرا كورنتوس اللولى 5: 9-10)، ولكن هو كيوَصِّي المؤمنين باش مايدروش الأمور التي كتشكل خطر على إيمانهم وكتخلهم يتخلأو على هويتهم كمسيحيين. الرسول كيقول: "حتى حاجة ما خاص تزيظكم بالناس التي ماشي مؤمنين، حيث أش من علاقة بين التَّقوى والإثم؟ وأش من شركة بين النور والضلام؟" (كورنتوس الثانية 6: 14). كما كان بغا الله يكون واحد الخط كيفصل بين الشعب ديال بني إسرائيل وبين الأمم الوثنيين، هاكدا بغا يكون خط واضح كيفصل بين الكنيسة والعالم: "على داكشي خرجو من وسطهم وبعدو عليهم، كيكون الرب، وما تمسوا حتى حاجة منجوسة، وأنا غادي نقبلكم" (كورنتوس الثانية 6: 18). هاد الخط الذي دارو الله هو واضح ومفهوم.

7) الحياة ديال الكنيسة المحلية والسلطان ديالها كيشكو الحياة ديال أعضائها وكيوجهوهم. هادشي كان واضح خصوصاً في الأسابيع والشهور اللولين ديال الكنيسة في أورشليم، كنشوفو بلي الحياة المسيحية بدات بهاد الأسلوب: الناس آمنو، تعمدو، ونضمو للكنيسة، ومن بعد زادو كيجتمعو مع بعضياتهم وكيسمعو للتعليم ديال الرُّسل. فوق هاد الأساس، المؤمنون بناو ورتبو حياتهم على حسب الأعضاء لخرين التي معاهم في الكنيسة: بحال الماكلة، الصلوات، الوقت الشخصي ديالهم، القرارات المالية ديالهم، والممتلكات ديالهم، ومساعدة المحتاجين والأرامل. واش كان هاد الأسلوب ديال الحياة غير دوك الشهور اللولين ديال الكنيسة؟ السخاوة ديال كنيسة أنطاكية لكنيسة أورشليم ملي دازت في مشاكل كيورتينا بلي الجواب هو لا. وحتى كاينين أحداث خرين مادكرناهمش، بحال السخاوة ديال ليدية مع

الرُّسُل اللَّيِّ كانوا غاديين في الرحلات التبشيرية. غير أن الكتاب شرح لنا ميزان شنو كان كيوقع بالتفصيل في الشهور اللولى لدرجة ماكانش ضروري يزيد يشرح هادشي كل مرة كيهدر على الكنايس. وحتى الرسائل الرسولية اللّي تكتبو من بعد كانوا كيويونا شوية على هاد الأسلوب ديال الحياة في الشركة اللّي كانت بين المؤمنين (متلاً: رومية 12: 4-16؛ كورنتوس اللولى 5: 9-10؛ عبرانيين 10: 34؛ بطرس اللولى 5: 8-11)

(8) القِيَادُ الْمُؤْمِنِينَ تعطات ليهم مسؤولية أنهم يراعو واحد الرّعية (مجموعة) محددة كييقول بولس للشيوخ: "رُدُّو الْبَالُ لَلْقَطْعَةِ دِيَالِ اللَّهِ اللَّيِّ كَلَّفَكُم بِبِهَا، مَاشِي بَرُّزُ وَلَكِنْ بَحَاطَرَكُم كَيْفَ بَعَا اللَّهُ، وَمَاشِي بِالطَّمَعِ وَلَكِنْ بِالْمَحَبَّةِ" (بطرس اللولى 5: 2). وكيقول بولس نفس الحاجة للشيوخ في كنيسة أفسس: "إِيوَا دَابَا رُدُّو الْبَالُ لِرَاسِكُمْ وَكَبَّاعِ النَّاسِ اللَّيِّ دَارَكُم الرُّوحِ الْقُدُسُ مُسْوُولِينَ عَلَيْهِمْ، بَاشْ تَقَابَلُو كُنَيْسَةَ اللَّهِ اللَّيِّ شَرَاهَا بِالذَّمِّ دِيَالَهُ" (أعمال الرسل 20: 28). الشيوخ والقادة كانوا عارفين المجموعة بالضبط اللّي الله حطهم مسؤولين عليها.

(9) الله عطا للمؤمنين مسؤولية باش يطيعو القادة اللّي هو عينهم في الكنيسة. الكاتب ديال رسالة العبرانيين كييقول: "طِيعُوا الْمُسْوُولِينَ دِيَالَكُم وَدِيرُوا بْكَلامَهُمْ" (عبرانيين 13: 17). أكيد خاص المؤمنين يعرفو شكون هما القادة ديالهم في الكنيسة. قال بولس: "رَاةِ الْمُسْوُولِينَ ذُ الْكُنَيْسَةِ اللَّيِّ كِيدِيرُوا خُدْمَتَهُمْ مُزْيَانًا، كَيْسْتَاهَلُّو يُتْعَظَاهُمْ كَثْرًا" (تيموتاوس اللولى 5: 17). المؤمنين خاصهم يعرفو بالضبط شكون هما القِيَادُ اللَّيِّ كيستحقو التكريم.

(10) المؤمنين الحقيقيين كي عزلو المؤمنين اللّي ماشي حقيقيين من الكنيسة. كييقول بولس للكنيسة في كورنتوس: "عَلَاخَقَّاشِ اللَّيِّ مَاشِي

مُؤْمِنِينَ، اللَّهُ اللَّيِّ غَيِّحَاسِبُهُمْ. وَالْكِتَابُ كَيْكُولُ: «خَرْجُو بُنَادُمُ الْمُشْرَارُ مِنْ بَيْنَاتِكُمْ» (كورنثوس اللّولى 5: 13). أكيد راه الكنيسة ماتقدرش تخرج وتعزل واحد الشخص ماعمر و كان عضو فيها و كينتامى ليها. وفي بلاصة خرا في الكتاب المقدّس، الرسول بولس كيقول بلّي إلا كان شي شخص في الكنيسة كيزرع الخصومة و التفرقة خاصنا نحدروه جوج ديال المرّات و من بعد إلا ماسمعش نديرو هادشي: "وَهَذَاكَ اللَّيِّ كَيْفَرْقُ بَيْنَ النَّاسِ، نَبُّهُهُ الْمَرَّةُ اللّوْلَى وَالتَّانِيَّةُ، وَمَنْ بَعْدُ تُفَرْقُ عَلَيْهِ" (تيطس 3: 10). و الرسول يوحنا هدر على المعلمين الكدّابة وقال هاد الكلام: "مَنْ عِنْدَنَا خَرْجُو، وَلَكِنْ مَا كُنُوشْ مَنَا" (يوحنا اللّولى 2: 19).

### الكنيسة هي الأعضاء ديالها

إلا حنا، اللجنة اللّي دارت البحث في أورشليم، جمعنا كل هاد المعلومات، غنلقاوا فكرة وحدة واضحة: باش تكون مؤمن يعني أنك تنتمي لكنيسة محلية. حتّى واحد ما أمن وبدا غير كيدور من بلاصة لبلاصة عاد كيفكر واش بغا ينضم لشي كنيسة أولا حسن بلاش. اللّي كيوقع هو أنه في اللحضة اللّي فيها كيتوب وكيأمن الشخص، كيتعمّد و كينضم للجماعة ديال المؤمنين في الكنيسة. راه الإيمان بالمسيح بصيفتورب كييعني الإتحاد دياننا بشعب المسيح. هادي حاجة كتوقع تلقائياً وبشكل طبيعي، كيما أن الإنسان كيكون عضو في العائلة وهاكدا طبيعياً كيكلس مع خوتو على الطابلة باش ياكلو.

الفكرة ديال العضوية ديال الكنيسة كاينة في كل حاجة قريناها وسمعناها. ماعمر سمعنا شي مُعلّم في الكنيسة طلب من المؤمنين الحاضرين باش يوقفو ويقروا الفصل اللّي كيهدر على تعريف العضوية ديال الكنيسة في كتاب التلمدة. ولكن راه كل المؤمنين كيعرفو كيفاش كتبان

الكنيسة وهويتها في المسيح، وكنعرفو شنو المقصود ملى الكتاب كيقول بلى الكنيسة دارت شي حاجة، كيقول الكتاب: "وُثِقَاؤُ (يعني بطرس وبرنابا) فِيهَا عَامٌ كَامِلٌ وَهُمْ كَثِيرٌ جَمْعُو مَعَ الْخُوتِ فَالْكُنَيْسَةَ" (أعمال الرسل 11: 26). "وَفِدِيكَ لِيَّامٍ، شُدَّ الْمَلِكُ هِيرُودُسُ شَيْ مُؤْمِنِينَ مِنْ الْكُنَيْسَةِ بَاشْ يُعَذِّبُهُمْ" (أعمال الرسل 12: 1). "وَمَلِّي وَصَلُّو لِيهَا جَمْعُو الْمُؤْمِنِينَ ذِيَّالِ الْكُنَيْسَةَ" (أعمال الرسل 14: 27). أنك تكون عضو في كنيسة كييعني أنك فرد واحد متآحد مع أفراد خرين على شكل جماعة اللي هي الكنيسة. راه هاد الخوت في هاد الآيات كانوا عارفين أن ديك الجماعة هي الكنيسة.

في الحقيقة، راه مانقدروش نهدرو على الكنيسة المحلية بلا مانهدرو على الأعضاء ديالها. كيما بنفس الطريقة مانقدروش نهدرو على العائلة أولا شي فريق أولا شي نادي حتى هو بلا مانهدرو على الأعضاء اللي كينتاميو ليه.

## نرجعو للمستقبل

كنضن بلى نجحنا في المهمة ديالنا و وصلنا للهدف ديالنا. دازو بزاف ديال السنين ولكن الحاجة اللي بقات أكيدة هي أن الكنيسة المسيحية كانت موجودة من البداية، ودوك الكنايس ديما كانوا كيتكونو من أعضاء كينتاميو ليها، بلا زيادة وبلا نقصان. إدن راه المؤمنين اللولين بالصّح مارسو "العضوية ديال الكنيسة". واخا المؤمنين ماهدروش بزاف بشكل تعليمي على العضوية.

واخا هكداك راه مازال كاينين شي أسئلة مالفيناش ليهم أجوبة كافيين. السؤال ديالنا اللول كان: شنو هي الكنيسة؟ وشفنا بلى الرسول بولس كان كيبشّر بـ "مملكة الله" (أعمال الرسل 28: 31). وشفنا أكيد بلى الكنيسة

هي ماشي شي نادي. مانقدروش نخلطو بين النادي والمملكة. وحتى واحد مايقول على راسو أنه سفير مشدود بسناسل على ود شي نادي أولا شي جمعية. وحتى واحد ماغادي يخاطر بحياتو على ود جمعية خيرية.

إذن شنو هي الكنيسة المحلية بالضبط؟ وحتى بغينا نعرفو شكون هو العضو ديال الكنيسة؟

نقدرو دابا نركبو في آلة الزمن ديالنا، ونرجو للحاضر باش نجابو على هاد الجوج أسئلة. ماتخافش، ماغاديش نعاودو نساغرو في الزمن.

وحنا راجعين في الطريق، واحد فينا حل الكتاب المقدس ديالو وقرا من السفر ديال الرؤيا. هاد السفر فيه سبعة ديال الرسائل كتبهم يوحنا لسبعة ديال الكنائس في أسيا الصغرى، كانو هاد الكنائس كيدوزو من تجارب وإضطهادات. وفي النهاية ديال رؤيا يوحنا كئلقاو واحد الوصف ديال واحد الوحش، اللي من كلامو ومن الإدعاءات ديالو كيبان بحال هو إله عندو سيادة وسلطة عليا بحال اللي كانت في يد قيصر روما. كيفاش الرسول يوحنا شجع هاد الكنائس؟ شجعهم باش يركزو عنينهم على الصورة ديال المسيح اللي غالس على العرش ديالو، والمخلوقات السماوية كتخط كل التيجان ديال الملك ديالها قدامو. هادا هو الحق اللي كانو الكنائس محتاجين يسمعوه باش يتبتو ككنائس ويبقاو متآحين ومتشجعين.

راه يسوع المسيح هو الرب.

### 3

## شنو هي الكنيسة؟ وشكون هو العضو ديال الكنيسة؟

ودابا، عوض نمشيو لأورشليم في القرن اللّول، يآلاه نمشيو لواحد المطعم إيطالي في العاصمة واشنطن. منطقة مختلفة بزّاف. أنا وصاحبي كويل كتّا يآلاه تغدّينا مجموعين، وبيدنا كنهדרو على العضوية ديال الكنيسة. وصاحبي كويل طرح عليّا واحد السّؤال صعيب، قال: "شنو الفرق بين جوج مؤمنين كينتاميو لنفس الكنيسة، وجوج مؤمنين خرين كل واحد فيهم كينتامي لكنيسة مختلفة؟".

تقدر تتخيّلني تمّا في هاد الحالة وحوايجي موسخين بسباب الماكلة الّلي يآلاه كليت، وبقيت غير حال عيني كنشوفو في صاحبي. ماعرفتش كيفاش نجابو على السّؤال ديالو.

ولكن راه هاد السّؤال العضميم كياخدنا للقلب ديال المعنى ديال الكنيسة المحلية والهوية ديال الأعضاء ديالها. فكّر معايا في هادشي بهاد الطريقة: صاحبي كويل كينتامي لنفس الكنيسة بحالي، أما صاحبي العزيز مايك، هو مؤمن ولكن كينتامي لكنيسة خرا في الخرجة ديال المدينة. إذن السّؤال هو: شنو الفرق بين علاقتي الروحية مع كويل وبين علاقتي الروحية بمايك؟ واش عندي مع كل واحد فيهم إلتزامات مختلفين أولا بحال بحال؟

نقدرو نقولو بّلي حنا بالثلاثة كينتاميو لجسد المسيح، ولشعب الله، لكنيسة العامة العالمية. وزيد على هادشي، راه الله وصابانا نحبو بعضياتنا،

ونصلّيو من أجل بعضياتنا، ونشجعو بعضياتنا، ونوبّخو بعضياتنا على الدنوب، ونعاونو بعضياتنا مليّ يكون عند شي واحد فينا إحتياجات.

إذن شنو هو الفرق؟ كيفاش نقدر نجابو صاحبي كويل؟

إلا قلنا بلّي ماكينش فرق، فراه في هاد الحالة مانقدروش نقولو بلّي الكنيسة المحلية عندها أهمية وهي بالحق موجودة، غيكون بحال إلا قلنا بلّي ماكينش فرق بين علاقتي بمراتي اللّي مزّوج بيها وعلاقتي بالعيالات لخرين. غيكون هادشي صحيح في حالة ماكناش مزوجين وماكينش شي عهد كيجمعنا قدام الله. ولكن الزواج كايين والله هو اللّي أسسو، وهادشي علاش راه كايين فرق كبير بين علاقتي بمراتي وكيفاش كنتعامل مع العيالات لخرين. كنعرفو بلّي الكنيسة المحلية كايينة بالحق، وهادشي علاش راه ضروري يكون فرق بين العلاقات. ولكن السؤال هو شنو هو هاد الفرق؟

خلّيني نعاونك شوية كتر: أنا وكنيستي عندنا القدرة باش نمارسو التأديب الكنّسي الرّسمي على كويل، ومانقدروش نديرو هادشي مع مايك. يعني بصيفتي عضو في الكنيسة، راه الرب يسوع عطاني سلطة رسمية في الحياة الروحية ديال كويل، وماعنديش هاد الحق أولا الدور في الحياة ديال مايك. وباش نفهمو شنو هي هاد السلطة الرسمية أولا الدور اللّي عطاه لينا الله في الكنيسة المحلية خاصنا في اللّول نفهمو شنو هي الكنيسة وشكون هما الأعضاء ديالها. هادا هو الهدف ديال هاد الفصل، وحتّى الفصل اللّي جاي موراه. كنضن بلّي هاد الجوج فصول هما أهم فصول في هاد الكتاب.

## الكنيسة هي مؤسّساتية وعضوية

كايينين على الأقل جوج ديال الطُّرُق باش نجاوبو على السؤال ديالنا ديال شنو هي الكنيسة المحلية: نقدرو نجاوبو على هاد السؤال على أساس أن الكنيسة بحال شي جسم حي فيه أعضاء حيين، أولا من جبهة أن الكنيسة هي مؤسسة. نقدرو نشوفو في العظام ديالها أولا في اللحم اللي كيشكلها.

في هاد الزمان الناس كييعجبهم يهدرو كتر على الجانب العضوي. اللحم كيكون طري ورطب، والمنضر ديالو زوين كتر من مؤسّسة. ولكن راه اللحم كيكون قوي بالعضم ديالو. وهادشي علاش خاصنا نهدرو عليهم بجوج.

باش تفهم الفرق بين هاد الجوج حوايج، فُكّر معايا في الزواج مرّة خرا. إلا كنا غادي نهدرو على الزواج من المنضور العضوي، راه غادي نهدرو على كل الأمور الزونية اللي لمرأ وراجلها يقدر يديروهم: كيعيشو مع بعضياتهم، كيبنيو عائلة، كيحبّو بعضياتهم، وكيديرو لولاد، وكيشاركو كل أسرارهم وزيد وزيد. هادي هي الأنشطة الزونية اللي كتجي مع الزواج.

أما إلا هدرنا على الزواج على أساس أنه مؤسسة، فراه هادشي كييعني أننا غاديين نهدرو على الأمور اللي المُجتمع ديالنا اليوم بدا كينساها وماكيعطيهاش أهمية كبيرة:

- "اليوم كنتجمعو قدام الله وقدام الناس الحاضرين باش نجتمعو بين هاد الراجل وهاد المرأ".
- "إلا كان عند شي واحد حاضر اليوم أي سبب يقدر يمنعهم يتزوجو..."
- "بهاد الخاتم، كنتزوجك"
- "ودابا كنعلمهم زوج وزوجة"

كل هاد الكلام اللي كيتقال عادةً في الزواج في الغرب جاي من الفكرة اللي كيسمّيها الكتاب المقدّس إتحاد في جسد واحد، وحتىّ كنسّميوه "العهد ديال الزواج". هاد العهد هو الهيكل العظمي اللي كيهز اللحم. وراه هو الهيكل الأساسي اللي كيشكّل القاعدة ديال هاد العلاقة، وكيميّر بين العلاقة ديال الرجل بمراتو وبين علاقته بالعيالات لخرين. هو داك الكاس القوي والصحيح اللي كيحمي الحلاوة ديال الحياة الزوجية. إلا هرستي الكاس، راه كل ديك الحلاوة حتىّ هي غادي تمشي وتضيع (أمثال 5: 15-16).

الناس اليوم كيحبوهم الأنشطة العملية وماكيحبوهمش المؤسسات المُملّة، وهادشي علاش بدينا كنشوفو بزّاف ديال الرجال والعيالات كيعيشو مع بعضياتهم بلا مايتزوجو. ماشافوش الأباء دياهم كيعاملو مزيان مع أمّهاتهم وماكانوش حنان معاهم، أولاً ممكن ماشافوش أمّهاتهم كيحتارمو الأباء دياهم وكيتهلّو فيهم. شافو علاقات زواج مهترسة وباردة وبلا أي محبة. شافو الطاقة والنشاط غير ملي والديهم كانوا كيتدّابزو وكيغوّتو على بعضياتهم. حزينه هاد الحالة بزّاف. وكل هادشي ولا كيخلي الناس يرفضو المؤسسة والعضام، العهد ديال الزواج.

راه الله عيّن القواعد والممارسات: يعني العضام واللحم.

وراه نفس الحاجة واقعة مع الكنيسة المحلية.

## الرب يسوع والمملكة

نبدأ بالوصف ديال الكنيسة بصيقتها مؤسّسة، بحال الكاس اللي كيحمي المشروب والحلاوة. هادا هو الجانب اللي بزّاف ديال الناس

ما كيعرفوهش، أولاً كيتجنبوه حيث ما كيعجبهمش. راه الإتحاد ديال العلاقات اللي كيخلي مجموعة عادية من المؤمنين توي كنيسة، هو ماشي إتحاد من النوع اللي كيقولو عليه "حتى تفرق بيناتنا الموت"، ولكن هو إتحاد "مهم" في الحياة ديال المؤمنين وعندو إمتدادات شوية مختلفة.

في الفصل اللول، قلنا بلي الكنيسة هي سفارة ديال مملكة المسيح. وباش نفهمو كتر هاد الوصف، خلينا نهدرو على التعريف ديال الكنيسة كمؤسسة، هو تعريف ما طويلش بزاف: الكنيسة المحلية هي جماعة ديال المؤمنين كيجتمعو مع بعضياتهم بنتضام باسم المسيح، باش يباركو وينضمو العضوية ديال بعضياتهم في يسوع المسيح والمملكة ديالو، من خلال الوعض بالإنجيل، والفرائض ديال الإنجيل.

كنعرف أن هاد التعريف ثقيل شوية ومعقد، ولكن راه كل كلمة فيه هي مقصودة وتحطت تما لغرض مهم.

قبل مانفصلو هاد التعريف، بغيتك تفهم الهدف اللي بغينا نوصلو ليه. ربما تكون لاحضتي بلي البحث اللي درنا في الفصل الثاني على فين كتبان العضوية ديال الكنيسة في العهد الجديد، ماهدرناش وماقلبناش في كلام الرب يسوع وفي الأناجيل. علاش؟ من واحد الجبهة، حيث الرب يسوع هدر على المملكة ديال الله كتر ماهدر على الكنيسة. ومن جبهة خرا، الرسائل ديال العهد الجديد ركزو بشكل كبير على الكنيسة. لاحض معايا في هاد النقط:

- الرب يسوع ذكر كلمة "كنيسة" غير جوج مرّات، أما كلمة "مملكة" فراه ذكرها تسعود وربعين مرّة غير في إنجيل متى بوحدو.
- الرسول بولس ذكر في الرسائل ديالو كلمة "كنيسة" ثلاثة وربعين مرّة، وكلمة "مملكة" ربعطاش مرّة.

الرب يسوع هدر على المملكة، والرسول بولس هدر على الكنيسة.

علاش وقع هادشي؟ راه الرب يسوع ركّز على المملكة وهادشي هو اللي تبّت الكنيسة بصيفتها مؤسّسة. ومن جيهة خرا، راه الكلام ديال الرسول بولس ركّز على الكنيسة من جيهة المعنى العُضوي، وهادا هو موضوعنا في الفصل اللي جاي.

إذن، شنو علاقة المملكة ديال الله بالكنيسة؟

### واحد النهار، كانت واحد المملكة ...

باش نجاوبو على هاد السؤال، خّلينا نسمعو واحد القصة في اللول. واحد النهار في الماضي، كانت واحد المملكة سميتها إسرائيل. وبحال أي مملكة خرا، إسرائيل كان عندها ملك، وأرض، ومجموعة ديال القوانين اللي كيحكموها. ولكن، عكس المملكات لخرين، المواطنين ديال إسرائيل كانت عندهم واحد الخدمة و واحد المسؤولية مختلفة: كان خاص إسرائيل تمثّل الله على الأرض.

بحال أن الله علن لكل الناس ولكل الأمم والشعوب لخرين بأن مملكة إسرائيل هي ديالو، وبلي كل الأمم خاصهم يعرفو ويشوفو في إسرائيل باش يقدرو يعرفوه هو ويشوفو الصفات ديالو. باش يقدرو يفهمو واش هو إله ديال الرحمة أولا لا؟ واش هو إله عادل أولا ضالم؟ الله طلب من الأمم يشوفو في هاد الأمة ديالو باش يكتاشفوه. والله عطا لمملكة إسرائيل مجموعة ديال الوصايا والشريعة باش يعرفو مزيان شنو كان خاصهم يديرو.

ولكن للأسف، مملكة إسرائيل فشلات في الدور ديالها والمسؤولية اللي تعطات ليها بشكل كبير، الشعب عاشو بحال شي مراهقين أولا دراري صغار كيتبعو أي ريح جات، وبغاو يعيشو بحال الأمم لخرين وماشي كيما طلب منهم الله. فكرو بلي هما مامحتاجينش للشريعة ديال الله. وهادشي خلا الأمم يفكرو بلي الله ماشي شي إله عجيب ومُحترم. فكرو أن الله هو بحال الأصنام ديالهم.

واحد النهار، جا واحد الراحل سميتو يسوع، وقال على الأقل ربعة ديال الحوايج اللي طيحو هاد المملكة:

(1) الله قرّر يحدّد ديك المسؤولية من إسرائيل. وهكذا تحيّدات منهم الفرصة باش يمتلّو الله في الأرض (متّى 3: 9-12، 8: 12-11).

(2) من داك الوقت الرب يسوع هو اللي كيمتّل الأب اللي في السما (متّى 3: 17، 11: 27، يوحنا 14: 9). في الحقيقة المسيح كان هو الله بنفسو، هو صورة الله المتألمة (كولوسي 1: 15).

(3) الله غادي يأسس مملكة سماوية، ماشي في شي أرض محددة بحال إسرائيل، ولكن من خلال المُلْك ديالو على جماعة ديال الناس. وهاد المملكة هي غير ديال الناس التاييين، الناس المساكين في الروح، واللي متواضعين بحال الدراري الصغار (متّى 4: 17، 5: 3، 18: 3).

(4) المواطنين ديال مملكة الله السماوية، اللي المسيح شراهم بالموت ديالو على الصليب، غادين ينضمّو للمسيح ويشاركو معاه في المسؤولية ديال أنهم يمتلّو الله على الأرض (متّى 5: 48، رومية 8: 29، كورنتوس اللّولى 15: 49، كورنتوس الثانية 3: 18، كولوسي 3: 10-9).

ولكن راه مملكة بحال هادي، بلا أرض، وبلا حدود جغرافية حقيقية، لقات راسها قدام مشكلة سياسية خطيرة: أي شخص يقدر يدّعي أنه مواطن في ديك المملكة. وراه الرب يسوع تنبأ بلي غيجيو بزاف ديال الناس مزورين وكذابين غيديرو هادشي (متى 7: 21-23، وحتى في متى 24: 5، متى 25: 44-45).

وهادشي يقدر يخلق مشاكل في العلاقات العامة: حيت الناس الكذابة والمزورين يقدرو يسيئو للسمعة ديال الملك. ماتنساش بلي راه هاد المملكة هي مملكة ديال الناس التايبين، والمساكين في الروح، والمتواضعين بحال الدراري الصغار. كان خاص المملكة تكون نوع جديد ديال المجتمعات. ولكن إلا جاشي واحد ومن راسو كذب ودّعا بأنه مواطن في هاد المملكة، فراه هادشي غير غيزرع الفوضى.

راه الحاجة اللي ميّزات المواطنين ديال المملكة اللّولى هي أنهم سكنو في أرض كان عندها حدود. وإلا خرجو من الأرض ديال مملكتهم، مازال كتكون فيهم بعض الأمور اللي كانت كتتميّزهم على المواطنين ديال المملكات لخرين، بحال الختانة، والراحة ديال نهار السبت، والقوانين ديال الماكلة. ولكن إلا دابا هاد المملكة ديال الله هي بلا أرض وبلا حدود كيفاش نقدر نميّزو المواطنين ديالها؟ شكون غادي يحمي الحدود ديال هاد المملكة والحدود أصلاً ماكينينش؟

### إستراحة قصيرة: المكتب الصحافي في البيت الأبيض في واشنطن

قبل مانكملو القصة ديالنا على مملكة الرب يسوع، خلينا ناخذو واحد الإستراحة قصيرة. فكّر معايا في شنو هي الحاجة اللي عندها أهمية كبيرة في الهضرة ديالنا على العضوية ديال الكنيسة. العضوية عندها علاقة بتمثيل

الله بنفسو على كوكب الأرض. واش ماكانتش هادي هي الخدمة ديال مملكة إسرائيل؟ دخل ليوم لأي بلاصة وراك غادي تسمع كل الناس كيقولو بصوت واحد: "حتّى واحد مايقدر يدّاعي أنّه كيمتّل الله". يمكن، وهادا هو موضوعنا.

واش بديتي تشوف الأهمية ديال الموضوع؟ مازال؟ سمح ليّا نعطيك مثال آخر. نفتارضو أننا كنا في العاصمة ديال أمريكا واشنطن، ومشيينا للبيت الأبيض، ومباشرة دخلنا للمكتب ديال الصحافة. هادي مدة كنت كنعرف واحد السيّد اللي كان كييعرف واحد السيّد اللي خلاني ندخل للمكتب ديال الصحافة في البيت الأبيض. دخلت وتصوّرت وأنا واقف مورا المنبر فوق المنصة، كان باين بلي هاديك ماشي بلاصتي.

ربّما نتا فايث ليك شفتي هاد المنصة اللي كنهدر عليها، كتبان في الأخبار بزّاف. فيها مرسوم واحد الشعار كبير ديال الرئاسة الأمريكية، وموراها واحد ليزار زرق، والراية ديال أمريكا. وحتّى كاين واحد اللوحة مدوّرة مكتوب فيها "البيت الأبيض" بالإنجليزية. كنضن بلي هادا أقوى منبر في العالم في هاد الوقت.

من هاد المنبر، تعلنو بزّاف ديال الحروب، والتغييرات في الأسواق ديال الاقتصاد، متو تهمشو أولا تضربو أسواق إقتصادية كبيرة ديال بزّاف ديال الدول. وتما تعلنو إتفاقيات ومُعاهدات دولية. وهاد المنبر كان عندو تأثير على الملايين والمليارات ديال النفوس.

ودابا هاهو السؤال اللي بغيت نطرح عليك: واش نتا براسك هدرتي شي نهار من فوق داك المنبر بصيفتك كتنوب على الرئيس ديال أمريكا؟ واش سبق ليك وقفتي قدام الضواو ديال الكاميرات ومثّلتى الرئيس بشكل رسمي؟

كنضن غيكون الجواب هو لآ. ضروري خاص الرئيس هو اللي يعطيك التوكيل والإذن بشكل رسمي باش تقدر تملو قدام الناس. راه حتى أعز الأصدقاء ديال الرئيس والعائلة ديالو مايقدروش ومايتجرؤوش يملوه من فوق داك المنبر. إلا شي واحد تجرأ يدير هادشي بلا إذن، راه غيكون في مشكل كبير.

واخآ، سمح ليآ نسولك سؤال آخر: واش سبق ليك هدرتي بصيفتك كتنوب على الرب يسوع والمملكة ديالو؟ واش شي واحد عطاك الإذن والتوكيل باش تمثّل الفكر ديال هاد المَلِك؟

راه تمثيل الرب يسوع في هاد الأرض هي خدمة مهمة بزّاف، في الحقيقة، كيما شفنا فالفصل اللؤلؤ، راه الرب يسوع عندو قوة وسلطان كبير بزّاف من القوة والسلطان ديال أقوى رئيس في هاد العالم. كلام الرب ماعمرّو كيطيح، والتأثير ديال قرارات الرب كتبقى للأبد. كيما قلنا قبل، الرب يسوع عندو السلطة العليا والمُطلقة.

ربّما المؤمنين ماكيوقفوش باش يفكرو في واش الإدّعاء ديالهم بلي هما كيملو الرب يسوع هو إدّعاء شرعي أولاً. من نهار طاح الإنسان في الدنوب في الجنة ديال عدن، الإنسان بدأ كيحس بلي يقدر يدير أي حاجة بغاها، وحتى في الإيمان الشخصي ديالنا كنفكرو بلي عندنا الحق الشرعي في هاد الإيمان وفي هاد الطريق.

بكل صراحة، راه البشر ماعندهمش الحق باش يديرو اللي بغاو بلا إذن من الله. ونفس الحاجة مع المملكة ديال الرب يسوع: مانقدروش نديرو اللي بغينا إلا ماعطاناها هو الإذن. حتى إنسان مايقدر على غفلة يقرّر بلي هو كيينتمي للمملكة ديال الرب يسوع، وهاكدا يقول بلي عندو الحق يمثّل الرب يسوع بشكل رسمي في هاد الأرض. إلا ماتقدرش تدير هادشي مع

الرئيس أولاً الملك ديال الدولة اللي كتعيش فيها، فكيفاش تقدر تدير هادشي مع الملك اللي فوق كل الملوك؟

ودابا، من بعد ما ساليينا من هاد الإستراحة القصيرة، شنو الفكرة اللي وصلنا ليها؟ ماشي عادي باش غير تضمن بلي عندك السلطة باش تتمثل الملك الرب يسوع ولد الله، بحال ماشي عادي تضمن بلي عندك السلطة باش تتمثل الرئيس ديال أمريكا بلا إدن متو. شي واحد خاصو يعطينا التفويض والسلطة في اللول.

### الكاملة ديال القصة: السوار ديال المملكة

دابا نرجعو للقصة ديانا ديال مملكة الرب يسوع اللي ماعندها أرض وبلا حدود. شكون اللي عندو السلطة والحق باش يعلن شكون هما المواطنين ديال مملكة الله وشكون اللي لا؟ في اللول، بطرس والرسل كانت عندهم هاد السلطة.

واحد النهار، الرب يسوع حذر التلامد ديالو باش مايتيقوش في التعليم والكلام ديال القادة الروحانيين ديال إسرائيل (متى 16: 1-12). المدة ديال الصلاحية ديال الخدمة ديالهم كانت سالات، وقريب غادي يخرجو من الكرسي ديال السلطة. ومن بعد هادشي، الرب يسوع سؤل التلامد ديالو على شكون هو في نضرهم، وجابو بطرس بالنيابة على التلامد لخرين وقال: "نت المسيح ولد الله الحي" (متى 16: 16). والرب يسوع أكد على جواب بطرس وقال ليه الجواب ديالو جا من "بأ اللي فالسما"، وزاد قال:

وَأَنَا رَأَيْتُ نُكُورَ لَيْكُ: نَتَّ بَطْرُسْ، وَغَلَى هَذَا الصَّخْرَةَ غَادِي نُبْنِي كَنِيسَتِي، وَفَوْقَ الْمَوْثِ مَا عَتَّقْدَرْشْ عَلَيْهَا. وَغَنُغْطِيكَ سَوَارْتْ

مَمْلَكَةَ السَّمَاوَاتِ، كُلُّ حَاجَةٍ غَتْرَبُطْهَا فَأَلْأَرْضُ غَادِي تُكُونُ  
مُزْبُوطَةٌ فَالسَّمَاوَاتِ، وَكُلُّ حَاجَةٍ غَتْحَلْهَا فَأَلْأَرْضُ غَادِي تُكُونُ  
مُحْلُولَةٌ فَالسَّمَاوَاتِ" (متى 16: 18-19).

هادي هي المرّة اللّولى من بين جوج فين الرب يسوع ستعمل كلمة "كنيسة". وهنا كان كيهدر على الكنيسة العامّة: يعني الاجتماع ديال كل المؤمنين في التاريخ كامل، اللّي غاديين نتجمعو فيه مع بعضياتنا في النهاية ديال الزمان. والرب يسوع هو اللّي غادي يبني ويغود هاد الجماعة.

كيفاش غادي يبني هاد الجماعة؟ غادي يبنيها "غلى هاد الصخرة". شمن صخرة؟ تناقشو علماء اللاهوت سنين طويلة على واش الصخرة هي بطرس أولا هي الإعراف ديالو. في الحقيقة، كنضن بلّي خاصنا نقولو "بجوج". اللاهوتي إدموند كلوني قال: "مانقدروش نفضلو الإعراف ديال بطرس من بطرس براسو". الرب ماغاديش يبني كنيسته على كلام وهدره، وماشي على ناس، ولكن غيبني كنيسته على ناس كيأمنو بالإنجيل ديالو. الرب يسوع غادي يبني كنيسته على ناس كياعتارفو بإيمانهم.

ومن بعد هادشي الرب يسوع عطا لبطرس والرُّسل السوارت ديال الملكوت، وهادشي عطى لبطرس السلطة باش يدير داكشي اللّي كان الرب يسوع كيديرو: كان كيمتّل الله على الأرض بشكل رسمي، باش يأكّد على الإيمان الحقيقي ديال الناس بالإنجيل.

إلا تأملنا في التفاعلات اللّي كاينين بين السما والأرض في هاد الآيات راه غاديين نتفاجئو. راه الرسول بطرس عتارف وعلن الهوية ديال يسوع الصحيحة، والرب يسوع جاوب بطرس وقال ليه بلّي الجواب ديالو صحيح وفي محلّو وراه الله الأب هو اللّي في السما هو علقن ليه هاد الجواب في قلبو. واخا الرب يسوع كان بالجسد في الأرض، راه كان كيهدر بالنيابة على السما، يعني كان كيمتّل السما. ومن بعد الإعراف ديال بطرس، الرب يسوع عطا

الوصية باش يدبر نفس الحاجة، يعني كان خاصو يمتل الأمور ديالو اللي مربوطة ومحولة، وعندو السلطان باش يربط ويحل هنا في الأرض.

بعض المرات، الناس اللي كيدرسو الكتاب المقدس كيهدرو على العملية ديال "الربط والحل" على أنه عمل قضائي أولاً عمل خاص غير برجال الدين اليهوديين، وهادشي كيعاوننا باش نفهمو مزيان هاد الكلام. مثلاً، شي راجل دين يهودي عندو السلطان يقدر إلا كان شي قانون بالضبط في الشريعة كينطبق على شي شخص في شي ظروف محدّدة، و واش هاد الشخص في هاد الحالة ملزوم عليه يطيع هاد القانون أولاً لآ. وراه الرب يسوع في الأساس عطا هاد السلطة للرسل: السلطة ديال الوقوف قدام الإنسان اللي كيعلن الإيمان ديالو، ويأكدو على الإيمان ديالو، ويشوفو في حياتو والسلوك ديالو، وتما يعطيو قرار رسمي بالنيابة على الله اللي في السما. الرسل هما اللي كيعلنو واش القرار ديال هاد الشخص هو مزيان وصحيح؟ و واش هاد الشخص صادق في كلامو وفي الإيمان ديالو؟ يعني راه الرسل عطاهم الله سلطان من السما باش يعلنو في الأرض شكون اللي بالحق هو مواطن ديال مملكة السما، وشكون كيمتل السما.

ماكنقولش أن الرب يسوع في إنجيل متى 16 أسس "برنامج للعضوية ديال الكنيسة"، ولكن راه أكيد تما أسس الكنيسة (اللي بنفسها هي الأعضاء ديالها)، وعطاها السلطة ديال السوارت باش تزيد تبني راسها، يعني راه عطاها بالحق السلطة باش تقبل الأعضاء وتشرف على حياتهم. السلطة ديال السوارت تقدر تفحص وتتمعن في كلام الشخص وفي الأفعال ديالو من جبهة الإيمان ديالو بالإنجيل، وتعطي الحكم ديالها أولاً القرار ديالها على الإيمان ديال هاد الشخص.

من بعد جوج فصول من هاد الكلام اللي قالو المسيح، في هاد الفصل تمنطاعش في إنجيل متى فين المسيح لتاني مرّة وأخر مرّة ستعمل كلمة

كنيسة، هنا كنشوفو التطبيق ديال هاد السوارت اللي عطاهم المسيح  
للكنيسة:

"إِلَّا ذَنْبٌ حُوكٌ فَحَقُّكَ، سِيرَ عِنْدَهُ وَخَاصَمَ عَلَيْهِ غَيْرَ بَيْنِكَ وَبَيْنَهُ،  
إِلَّا سَمِعَ لِيكَ عَتَكُونُ رَبِّحَتِي حُوكٌ، وَإِلَّا مَا بُعَاشَ يُسْمَعُ، دَيِّ مُعَاكَ  
وَاحِدٌ وَلَا جُوجُ بَاشَ كُلُّ كَلِمَةٍ تَبَّتْ بِالشَّهَادَةِ دِيَالِ جُوجُ وَلَا ثَلَاثَةٌ دُ  
الشَّهُودِ. وَإِلَّا مَا بُعَاشَ يُسْمَعُ لِيهِمْ، كُولَهَا لِلنَّاسِ دُ الكَنِيْسَةِ، وَإِلَّا  
مَا بُعَاشَ يُسْمَعُ، عَتَبْرَهْ بِحَالِ شَيِّ وَاحِدِ اللِّي كَيَعْبُدُ الأَصْنَامَ وَلَا شَيِّ  
مُولِ الصَّرِيَّةِ. نُكُولُ لِيكُمْ الحَقُّ: كَاغُ اللِّي عَتْرَبُطُوهُ فَالأَرْضُ غَادِي  
يَكُونُ مُزْبُوطٌ فَالسَّمَا، وَكَأغُ اللِّي عَتَحَلَّوهُ فَالأَرْضُ غَادِي يَكُونُ  
مُحَلَّلُونَ فَالسَّمَا. وَنُكُولُ لِيكُمْ تَانِي: إِلَّا تَأْفُقُو جُوجُ دُ النَّاسِ مِنْكُمْ  
فَالأَرْضُ بَاشَ يُطْلَبُو شَيِّ حَاجَةَ، رَاهُ غَادِي نُحَقِّقُ لِيهِمْ مِنْ بَا اللِّي  
فَالسَّمَاوَاتِ. حَيْثُ فِيْنِ مَا تَجْمَعُو جُوجُ وَلَا ثَلَاثَةٌ بِالإِسْمِ دِيَالِي، ثُمَّ  
أَنَا كَائِنْ فَوْسَطُ مِنْهُمْ" (متى 18: 15-20)

هاد الفقرة كتبدا بالصورة ديال شي أخ اللي دار شي دنب، وداك الدنب  
ماكيتماشاش مع القرار ديال الإيمان ديالو. وهنا الرب يسوع كيوصينا باش  
نتواجهو مع هاد الحالة بربعة ديال الأنواع ديال المُواجهات. في الجولة  
اللولة، المُواجهة كتكون شخصية وسرية. إلا تاب داك الأخ اللي دار الدنب،  
فراه القرار ديال الإيمان ديالو كياخد التأكيد والقبول ديال الكنيسة عوتاني،  
وتما المُواجهة كتحبس. وهاكدا الأفعال ديالو كيوليو متماشيين مع الإيمان  
ديالو. ومرة خرا كيعاود يكون قادر باش يمثل الرب يسوع بشكل صحيح.

في الجولة الثانية، في حالة الأخ ماتابش، خاص يدخلو جوج ديال  
الشهود خرين أولا ثلاثة في المُواجهة، كيما كانت كتعلم الشريعة في العهد  
القديم. وفي الجولة الثالثة، الكنيسة كلها كتدخل في الخط. وإلا ماتابش هاد  
الأخ من بعد كل هادشي، كتجي الجولة الرابعة، اللي فيها الرب يسوع

كيوَصِينا باش الكنيسة تعزل هاد الشخص من الجماعة الّلي كيجمعهم العهد مع الرب، وتمّا الكنيسة كتتعامل مع هاد الشخص بحال هو غريب عليها وماشي منها. كاينين كنائس الّلي كيسمّيو هاد العملية بـ "التأديب ديال الكنيسة".

وهنا الرب يسوع هضر على السوارت ديال مملكة السما للمرة الثانية: أي حاجة كتربطها الكنيسة في الأرض كتكون مربوطة في السما، وكل حاجة الكنيسة كتحلها في الأرض كتكون محلولة حتّى في السما. الرب يسوع ماكانش هنا كيهدر غير مع الرُّسل دياولو أولاً مع الكنيسة العالمية، ولكن كيهدر مع الكنيسة المحلية. كيبان لينا من هاد الكلام بلّي الرب عطا للكنيسة المحلية السوارت ديال المملكة ديال الله. ولهاد السبب الكنيسة المحلية عندها سلطة جاتها من السما باش هنا على الأرض تقدر تعلن شكون هو المواطن أولاً المُواطن ديال مملكة الله، وشكون كيمتّل الرب يسوع هنا على الأرض.

الرب يسوع عطا للكنيسة المحلية السلطة والقدرة باش توقف قدام الشخص الّلي كيعلن الإيمان ديالو، وتبحت وتشوف في هاد الإيمان وفي الحياة ديالو والسلوك ديالو، وتصدر قرار رسمي بالنيابة على الله. واش القرار ديال هاد الشخص هو حقيقي وصحيح؟ وواش هاد الشخص صادق في كلامو وفي الإيمان ديالو؟ هادشي بالضبط الّلي دارو الرب يسوع مع بطرس. وهادشي الّلي كتديرو الكنيسة من خلال الجوج فرائض الّلي أسّسهم الرب في متى 26 ومتّى 28، الّلي هما عشاء الرب والمعمودية.

الفصل تمنطاش من إنجيل متى الّلي كيهدر على السما والأرض كتر من الفصل 16، كيعطينا صورة واضحة على هاد السلطان الّلي تُعطا للكنيسة من خلال سلطة التأديب. ولكن راه القدرة على عزل شي شخص من العضوية ديال الكنيسة كتحتاج لسلطة كاملة وشاملة باش الكنيسة تقدر

تفحص الكلام ديال الشخص والأفعال ديالو من جبهة الإيمان ديالو بالإنجيل، والحق باش تعطي الحكم ديالها على الإيمان ديال الشخص. هاد السلطة كتبدا في اللحظة اللي فيها الشخص كيبي للكنيسة وكيعلن الإيمان ديالو بلي يسوع هو المسيح، كيما دار بطرس.

السلطة ديال الدولة التمثيلية أولا النيابة، كيما ذكرنا في الفصل اللول، كتبان بشكل واضح من خلال القدرة ديالها باش تقرّر النهاية ديال الحياة ديال شي شخص، يعني عندها الحق تعلن الإعدام ديال واحد الإنسان دار شي جريمة، الدولة كتعلن بشكل علني أن هاد الشخص ماكيستحقش يعيش. حتّى السلطة ديال الكنيسة المحلية اللي كتمتّل مملكة المسيح كتبان بوضوح من خلال القدرة ديالها باش تعزل شي شخص من الكنيسة ومن المواطنة ديالو في مملكة المسيح. وفي هاد الجوج حالات، راه كيبان بلي السلطة هي كاملة ومشمولة من خلال القدرة ديالها باش تنهي العضوية ديال شي شخص بصفة كاملة، سواء من خلال الموت في الحالة ديال الدولة، ومن خلال العزل في الحالة ديال الكنيسة.

ولكن راه هادا السلطة كتّمارس في هاد الحالات اللي علّما عليهم المسيح: "فِينْ مَا تُجْمَعُو جُوجْ وَلَا ثَلَاثَة بِلْإِسْمِ دِيَالِي، ثُمَّ أَنَا كَايْنُ فَوْسَطْ مِنْهُمْ" (متى 18: 20)، وفي حالة الشخص كيكون تعمد "بِاسْمِ الْأَبِّ وَالْإِبْنِ وَالرُّوحِ الْقُدُسِّ" (متى 28: 19)، هنا الشخص كيّعتابر تلميذ رسمي وعندو البطاقة ديال العضوية في الكنيسة. وهاكدا ملي المؤمن كيولي تلميذ رسمي ديال المسيح، راه الكنيسة المحلية كتولي هي السلطة العليا ديالو هنا في الأرض.

أكيد راه السلطة ديال الكنيسة هي ماشي سلطة مُطلقة، كيما السلطة ديال الدولة اللي حتّى هي ماشي سلطة مُطلقة. ولكن راه المسيح بغا من

المؤمنين يخضعو للإشراف والرعاية ديال الكنيسة المحلية، وهادشي على أساس أنهم مواطنين في مملكتو.

واش الكنيسة المحلية كتمارس السلطة بشكل كامل ومِتالي؟ لآ، أكيد الكنيسة غادي ترتكب أخطاء، حيث راه الكنيسة المحلية كتعتبر بلّي هي تمثيل ماشي مِتالي للإجتماع الأخير مع المسيح في السما. وراه واخا الكنيسة كترتاكب أخطاء، كيما كيديرو الرؤساء والأباء والرعاة، راه هادشي ماكيغنيش أنها ما عندهاش سلطة رسمية أولا مسؤولية رسمية من المسيح.

واش هادشي كي يعني أن الكنيسة تقدر تغير من البلاصة أولا الحالة الروحية ديال الناس هنا على الأرض وفي السما؟ لآ، الخدمة ديال الكنيسة هي بحال الخدمة ديال السفير أولا السفارة. عقلي شنو قلت على الزيارة ديالي للسفارة ديال أمريكا في بروكسيل ملّي مات ليا الباسبور ديالي؟ السفارة ماشي هي اللّي كتخليني نكون مواطن، هي غير كتأكد وكتصادق على الهوية ديالي كمواطن بشكل رسمي، وهادي شي حاجة مانقدرش نديرها أنا من ذاتي. نفس الحاجة مع الكنيسة المحلية.

### شنو هي الكنيسة المحلية؟

دابا خلينا نرجعو للتعريف ديال الكنيسة المحلية كمؤسسة، هاد التعريف مكوّن من جملة وحدة.

قلنا بلّي التعريف ديال الكنيسة المحلية هي جماعة ديال المؤمنين كيجتامعو بشكل متناضم باسم المسيح، باش يصادقو بشكل رسمي على العضوية ديال بعضياتهم في يسوع المسيح وفي المملكة ديالو، وباش يدعمو

ويراقبو هاد الإيمان، من خلال الوعض بالإنجيل، والفرائض ديالو. لاحظ  
معاي بلي كينين خمسة ديال الأجزاء في هاد التعريف:

- جماعة ديال المؤمنين.
- إجتماعات منتاضمة.
- الممارسة ديال التأكيد والإشراف ديال الجماعة على الإيمان والعضوية ديال بعضياتهم.
- كيجتامعو بالإسم ديال المسيح لغرض يمتلوه ويمتلو الحكم ديالو على الأرض بشكل رسمي.
- كيستعملو الوعض والفرائض باش يحققو هاد الأغراض.

كيما الدولة أولا الراعي ديال الكنيسة بإعلان واحد أولا جملة وحدة يقدرو يوقفو قدام راجل ومراة ويعلنو بلي هما مزوجين، هاكدا راه هاد الخمسة ديال النقط اللي هدرنا عليهم يقدرو ياخذو جماعة عادية ديال المؤمنين كيجتامعو في شي دار أولا في جردة ويرجعوهم كنيسة محلية في رمشة عين.

الأهمية ديال الاجتماع أولا هاد الجماعة كين في مجموعة ديال الأسباب. واحد من هاد الأسباب هو أنّ هاد الاجتماع هو البلاصة اللي فيها كنجاهرو بالإيمان ديالنا وكنعلنو الولاء ديالنا الكامل للمسيح. هاد الاجتماع هو السفارة، السفارة اللي كتمثل الشعب ديالنا المستقبلي، وكتهدر بالنيابة على هاد الشعب المستقبلي. هاد الجماعة هي البلاصة اللي فيها كنسجدو قدام الملك ديالنا. يقدر العالم يقاومنا ويكون ضدنا، ولكن راه الله مع الشعب ديالو وكيجترجنا من وسط العالم باش نعبوده هو بوحده. وهو اللي غادي يبني كنيستو القوية.

هاد الاجتماع هو البلاصة اللي فيها الملك ديالنا كيحط القوانين ديال الحكم ديالو من خلال الوعض، والفرائض، والتأديب ديال الكنيسة.

الوَعَض هو الّلي كيقَدِّم لينا "الدستور" دِيال الأمة دِيالنا، وكيعلن على الإسم دِيال الملك دِيالنا، وكيوَضِّح التضحية الّلي دارها باش يوَلِّي هو الملك دِيالنا. والوَعَض كيعلِّمنا الطَّرُق دِيال ملكنا، وكيوَاجِهننا إَلا عَصِينا الوَصايا دِيالو. والوَعَض كيطمَأنا وكيعزِّينا بالمجي الثاني القريب دِيال ملكنا...

راه الكنيسة كتهز الراية دِيالها وكتعلن المملكة دِيال المسيح من خلال المعمودية وعشاء الرب، وحتَّى هنا بحالها هي كتلبس اللبسة العسكرية دِيال هاد المملكة. هادشي كِيخَلِّينا نكونو باينين ومتميزين على العالم. راه المعمودية هي إعلان على الإرتباط دِيالنا باسم الأب والإبن والروح القدس، وإعلان للإنتماء دِيالنا لهاد الإسم، وهي إعلان على الإتحاد دِيالنا بموت المسيح والقيامة دِيالو (متَّى 28: 19، رومية 6: 3-4). والمشاركة في عشاء الرب هو إعلان دِيالنا بالموت دِيال المسيح، وإعتراف دِيالنا بأننا أعضاء في الجسد دِيالو (كورنثوس اللّولى 11: 26-29، وقرا حتَّى مَتَّى 26: 26-29).

الله بغا باش الشعب دِيالو يكون باين، وساهل الناس يميّزوه. الله بغا يكون واحد الخط واضح كيفصل بين الكنيسة والعالم.

شنو هي الكنيسة المحلية؟ هي المؤسّسة الّلي أسّسها الرب بنفسو، وعطاها المسؤولية باش تبشّر بإنجيل المملكة، وتصادق على الناس اللي قبلو هاد الإنجيل وأمنو بيه، وتلمد الناس، وتكشف الناس الّلي في الحقيقة ماشي مؤمنين. وكيفا قلت قبل في الفصل اللّول، راه ماكننضمّوش للكنيسة بحالنا كنعنضمّو لشي نادي أولا شي جمعية، ولكن كنعنضمّو ليها كيفا كنعنضمّو للحكومات دِيالنا.

وهنا وصلنا للموضوع دِيال العضوية دِيال الكنيسة.

## شنو هي العضوية ديال الكنيسة؟

شنو هي العضوية ديال الكنيسة؟ هي التصريح أولا الإعلان اللي كياكد بأنك مواطن في مملكة المسيح، هي الباسبور ديالك. هي إعلان كيخرج من المكتب الصحفي ديال مملكة المسيح. هي التصريح الرسمي بلي راك كتمثل يسوع بشكل رسمي وحقوقي، وعندك تصريح رسمي، وعندك بطاقة العضوية ديالك.

وبغيت نشارك معاك تعريف آخر عميق وتقبل كتر من هادا على العضوية ديال الكنيسة. نقدرو نقولو بلي العضوية ديال الكنيسة هي علاقة رسمية بين الكنيسة والمؤمنين، علاقة متميزة بالإعتراف ديال الكنيسة والإشراف ديالها على التلمذة ديال المؤمن، ومن خلالها خاص المؤمن يعيش حياتو تحت الرعاية والإشراف ديال الكنيسة.

لاحظ معايا عوتاني كل المكوّنات اللي كاينين في هاد التعريف:

- الكنيسة كتصادق بشكل رسمي على قرار الإيمان ديال الشخص، وعلى المعمودية ديالو، وكتعلن أنهم بجوج حقيقيين وصادقين.
- الكنيسة كتتعهد بلي غادي تتلمذ هاد المؤمن الجديد اللي علن إيمانو.
- هاد المؤمن كيحط التلمذة ديالو بشكل رسمي تحت الخدمة والسلطة ديال هاد الكنيسة والقّياد ديالها.

الكنيسة اللي هي جسد المسيح المحلي كتقول لهاد الشخص الجديد: "حنا كنعترفو وكنعلنو بلي قرار إيمانك والمعمودية دياك وكونك تلميذ ديال المسيح هما شرعيتين وحققيتين، وهاكدا كنعترفو وكنعلنو أنك كتنتمي للمسيح، وللمسؤولية ديال كنيستنا". وهاد الشخص كيقول لجسد

الكنيسة شي حاجة بحال هاكدا: "بما أنني كنعترف بلي نتوما كجماعة كنيسة أمينة، وكتبشرو بالإنجيل، فراني كنخضع بحياتي والتلمذة ديالي لمحبتكم وإشرافكم".

من واحد الناحية راه هاد الجواب كيشبه للجواب اللي كيتقال في العرس ملي المرأة أولا الراجل كيقولو: "أه، أنا قابل". وهادشي علاش بعض المؤمنين كيهدرو على العضوية في الكنيسة بحال أنها عهد ديال الكنيسة المحلية.

اللي بغيت نقول هو أن العضوية ديال الكنيسة كاملة كتشير لأن الكنيسة ولات عندها مسؤولية محددة عليك، ونت ولات عندك مسؤولية محددة على الكنيسة. إذن واضح بلي الشيوخ أولا القُياد ديال الكنيسة كتكون عندهم مسؤولية الإشراف والرعاية ديال أعضاء الكنيسة. غاديين نهذرو على هاد الموضوع من بعد.

لاحض معايا كيفاش كيعاونًا هاد التعريف باش نفسرو الفرق بين علاقتي بصاحبي كويل اللي كينتمي لنفس الكنيسة بحالي، وعلاقتي بمايك اللي كينتمي لكنيسة خرا. أنا وكويل بجوج تحت نفس الإشراف والمُصادقة والإعتراف من نفس السفارة، أما مايك فراه كياخذ هادشي من سفارة خرا. بحال إلا قلنا أنني خديت الباسبور ديالي اللي كياكد على الهوية ديالي من سفارة أمريكا في بروكسيل، وهو خدا الباسبور ديالو من سفارة أمريكا في باريس.

صحيح أنه ضروري على المؤمن باش يختار ينضم للكنيسة، ولكن هادشي ماكيخليش الكنيسة تكون بحال شي جمعية تطوعية. في الحقيقة حنا كحتاجو نختارو كنيسة محلية كيما كحتاجو نختارو المسيح. ملي المؤمن كيختار المسيح، خاصو يختار كنيسة محلية ينضم ليها.

## 4

### لمن كتشبه الكنيسة والأعضاء ديالها؟

واش سبق ليك سمعتي بالإستعارة المكنية (أولا التشبيه المخلّط)؟  
هو التشبيه اللي فيه كنستعملو جوج صور مختلفين وماشي متوالمين في  
جملة وحدة.

متلاً جملة "عيون منورة" هي إستعارة مكنية، هنا كنشبهو العيون  
بواحد البلاصة أولا شي بيت منور، يعني مضوي مزبان وكشي واضح فيه.  
وفي هاد التشبيه مادكرناش الحاجة اللي شبهنا بيها العين، دكرنا غير الصفة  
ديال التشبيه بلا مول الصفة الأصلية.

الكوميدي ديف باري وصف الأزمة الاقتصادية اللي وقعت عام 1929  
بهاد الكلام: "راه الاقتصاد ديال الدولة، اللي كان كيبان أنه مزداهر، دابا  
كيبان بلي هو غير نمر ديال الكارطون (قوتو ماعندها تأثير) رجليه مصاوبين  
من الفخار الهشيش (ضعاف وفيهم أخطاء) وعایش في دار مبنية بالتبن  
والساس ديالها بالوراق (دار ضعيفة)، وكل نهار هاد النمر مخلوع وكيعوّت  
وكيقول: "الديب، الديب" (واخا ماكين والو)".

راه ماشي غير الكوميديين بوحدهم هما اللي كيخلطو التشبيهات  
ديالهم، ولكن الشعراء كيديرو هادشي حتى هما، والإستعارة ديالهم غالباً  
ماكتكون عميقة كتر ومصاوبة بشكل قوي. الشاعر تي. إس. إليوت فتاح  
واحد القصيدة ديالو بكلام على "الجليد اللي كينسي" (يعني كيغطي  
الدكرايات وكيجلي الإنسان مايحس بوالو). وكتب ويليام باتلر بيتس على

"العفيط على الأحلام". راه في الحقيقة مايمكنش للجليد يخلينا نساو، ومايمكنش نعطفو على الأحلام. ولكن راه هاد الخلط الغريب بين التشبيهاً كيخلينا نشوفو أمور حقيقية ونفهموها بشكل أحسن بطريقة ماكانتش ممكنة بالكلام الحر في المباشر.

تقدر تكون لاحضتي بلي الكتّاب ديال العهد الجديد عادةً كيخلطو التشبيهاً ديالهم، بشكل متعمّد وعميق بحال كيديرو الشعراء. ففكر في شنو قال الرسول بولس للمؤمنين ديال أفسس: "وَيُنَوِّزُ لِيَكُمُ عَقْلَكُمْ" (أفسس 1: 18). راه العقل ما عندوش العينين، ولكن هاد التشبيه اللي كيخلط بين جوج ديال الصُور كيعاونّا باش نشوفو واحد الحقيقة عميقة.

### تساور ديال طباسل عامرين بكل أنواع الفواكه

ملّي بداو الكتّاب ديال العهد الجديد كيهدرّو على الكنيسة والأعضاء ديالها، من البداية بداو كيستعملو هاد النوع ديال التشبيهاً. الرسول بولس عتامد على صورة المعمودية اللي كتخلينا نتولدو في جسد، كيعطينا تشبيه وصورة بحال أنّنا نقدرّو نغطسو وندخلو في جسد ديال إنسان. والرسول بطرس وصف المؤمنين على أنّهم "الحجر الحي"، وهادي إستعارة مكنية، يعني تشبيه كيخلط بين جوج صُور، كيقل الرسول: "إِيوَا كُونُو حُتَّى نُنْتَمُ بُحَالِ الْحَجَرِ الْحَيِّ الَّذِي عَيْنَتْنِي بِيَهُ بَيْتُ اللَّهِ الرَّوْحِي" (بطرس اللّولى 2: 5). ولكن كون أنا كتبت هادشي في القسم في شي إمتحان في الثانوية، كون الأستاذ ديالي غادي يضرب على هاد الجملة بستيلو حمر وغيعطيني صفر على هاد الجملة. ماكنعرفش كيفاش غادي يصحّح جملة بحال هادي، ولكن على الأقل كنعرف بلي غادي يخدم ستيلو حمر ديالو باش يصحّح كلامي.

ملّي تحل الكتاب المقدّس ديالك وتقرأ شنو كيقل الله على الكنيسة، رارك غادي تلقا راسك قدّام تشبيهاً وإستعارات كبار. غنشوفو بلي

الكنيسة كاتشبه للجسد، ولشي قطع ديال الغنم، وعروش ديال الكرمة، كتشبه لعروسة، ولشي هيكل، هي شعب، وناس متغرين، أمة مقدسة، كهنوت ملكي، ملح الأرض، إسرائيل الله، المرأة المُختارة، وزيد وزيد. غنلقاو بزّاف ديال التصاور والتشابه، واحد مورا واحد. غتحس بحال راك كتشوف في ألبوم ديال التصاور، أولا بحال إلامديتي يدك لشي طبسيل عامر بالفواكه من كل شكل ومن لون.

في الفصل اللّي داز، هدرنا على الكنيسة المحلية بصيفتها مؤسّسة: يعني هي اجتماع ديال المؤمنين اللّي أسسو المسيح لغرض واحد وعندو علاقة بالسوارت ديال المملكة السماوية، نكوّنو تلامد من خلال الوعض بالإنجيل والوصايا ديال الله. هادي هي الكنيسة المحلية. هي جسد عندو واحد الساروت، وهاد الجسد أسسو الرب يسوع من أجل الناس اللّي شراهم وفداهم بالدم ديالو.

ولكن راه إلا وقفنا عند هاد الحد فراه بحال إلاقنا بلّي الزواج هو عهد وصافي، بلا مانهدرو على كل الأمور لخرين اللّي كيخلىو الزواج يكون فريد وعجيب وحلو، بحال التأسيس ديال الشراكة والعلاقة، والعلاقة الجسدية اللّي كتجمع الراجل ومراتو. سبق لينا ودكرنا بلّي الجانب ديال مؤسّسة ضروري خاصو يتكامل ويتبني بجنب الجانب العضوي. ماخصناش ننساو بلّي القواعد ديال المؤسسة ماشي غير كتحصرننا وكتكوّونا وصافي، ولكن في نفس الوقت راها كتعطينا مسؤولية وخدمة. هي كتعطي قوة، وكتأسس واحد القاعدة اللّي كنخدمو على أساسها.

السوارت ديال المملكة اللّي من بعدو كتجي المؤمورية العضية ديال المسيح في متى 28، كيعاونو التلامد ديال المسيح باش يفهمو العجائب اللّي كنلقاو في العهد الجديد، وكيسهال علينا نطبقو هاد الحقائق بشكل عملي على الأرض. وهكذا نقدر نعيشو كل الصور والتشبيهات الكتابية

على الكنيسة: الجسد، العروسة، الهيكل، موالين الدار، وزيد وزيد. كنطبقو هادشي وكنعيشو بالحق كجسد، وكعروسة ديال المسيح، وبصيفتنا هيكل، وموالين الدار من خلال المُسائلة والمراقبة اللّي عطانا الله وکل هادشي تَعطّا للكنيسة اللّي خدمتها هي تصادق وتشرف على الأعضاء وحتّى تأدّبهم بشكل كيتوافق مع التعليم ديال الكتاب. إدن نقدرو نقولو بلّي الجانب ديال المؤسّسة ديال المملكة والسوارت ديال المملكة هما الطبسيل اللّي هاز فوقو كل الأنواع والأشكال ديال الفواكه، أولا هو الألبوم اللّي فيه كل هاد التصاور اللّي كيعاونونا نفهمو الصورة الكبيرة ديال الكنيسة.

أكيد راه المملكة ديال الرب يسوع هي ماشي غير مِتال أولا غير صورة رمزية، هي ماشي تشبيه رمزي بحال التشبيهات اللّي كيوضحو الكنيسة. راه المملكة ديال الرب يسوع هي مملكة حقيقية، هو بالحق كيملك على الشعب ديالو. ولكن الكنيسة هي ماشي جسد حقيقي بشري، و ماشي عروسة حقيقية لابسة الكسوة ديال العرس، و ماشي هيكل أولا دار ديال الصلاة مبنية بالحجر والسيمّا، و ماشي موالين دار من عائلة مولودين من أب وأم أرضيين. كل هاد التشبيهات هما غير صور مجازية ورمزية كيعاونونا نفهمو شنو هي الكنيسة وشكون هما الأعضاء ديالها. ولكن من فوق كل هادشي، خاصنا نهدرو على الكنيسة العضوية، يعني عضو حي و ماشي غير مؤسّسة مافيهاش حياة. هاد الكنيسة والأعضاء ديالها هما كيشبهو لجسد، عروسة كتوجد راسها للعريس ديالها، هي هيكل، موالين الدار، كهنوت ملوكي، وزيد وزيد.

وهادشي علاش ماكافيش نقولو بلّي الكنيسة هي غير سفارة للمواطنين الرسيميين. ملّي دخلت للسفارة ديال أمريكا في بروكسيل، الناس اللّي كانوا فيها ماقالوش لّيا خويا بحال في الكنيسة. وعلاش في الكنيسة كنعقلو حنا حوّت؟ حيت الإنتماء للكنيسة هو إنتماء لواحد العائلة خاصة وعجيبة.

في الحقيقة ماكبنة حتى حاجة خرا بحال الكنيسة هنا في الأرض، هي غير كتشبه للعائلة، وللجسد، ولقطيع ديال الغنم، فهمتي شنو بغيت نقول؟ هاد الصورة ماشي ساهل باش نرسموها، حتى أحسن الرسامين غيكون صعب عليهم يتخيلو ويرسمو الصورة ديال الكنيسة.

## الأهمية ديال التشبيهاات والصُّور الكتابية على الكنيسة

خَلْيَنِي نَزِيد نَوْضَحْ كَتْر هَادِ التَّشْبِيهَاتِ وَالصُّوْرَ، وَعَلَّاشْ هَمَّا مَهْمَتَيْنِ بَرَّافْ بَاشْ نَفْهَمُو الْعَضْوِيَّةَ دِيَالِ الْكَنِيسَةِ.

1. كل تشبيه عنده دور خاص ومحدد باش يوصف واحد الجانب من الوحدة ديالنا في الكنيسة. كل تشبيه وكل صورة كتعلمنا حاجة مختلفة على شنو هي الكنيسة وشكون هما الأعضاء ديالها. راه الوصف ديال الكنيسة على أنها عائلة أولا أعضاء وهما موالين الدار، كيعاونوا نفهمو العلاقة والمحبة اللي كتجمع بين الخوت في الكنيسة، وكتعاونوا نشوفو ديك الهوية المشتركة اللي كتجمعهم. أما إلا قلنا بلي الكنيسة هي جسد، فراه هادشي كييعني أن الأعضاء ديالنا كيعتامدو على بعضياتهم، ولكن في نفس الوقت كل واحد عندو دور مختلف. وإلا قلنا أنها هيكل ديال الروح القدس، فراه كنفولو بلي الله كيرتابط بشكل خاص مع الأعضاء ديال الكنيسة من خلال روحو اللي كيسكن معاهم. أما إلا قلنا بلي الكنيسة كتشبه للكرمة والعروش ديالها فراه كنفولو بلي الحياة ديال الكنيسة كتعتمد على الرب يسوع والكلمة ديالو. فهمتي شنو بغيت نقول؟

فَكَرْ فِي هَادِشِي مِنْ الْجَانِبِ دِيَالِ الْوَحْدَةِ. رَاهِ الْوَحْدَةُ وَالْإِتِّحَادُ دِيَالِ الْمَرَاةِ وَالرَّاجِلِ فِي الزَّوْجِ مَخْتَلَفْ عَلَى الْإِتِّحَادِ دِيَالِ جُوجِ يَاجُورَاتِ فِي الْبِنِيِّ، هَادُو جُوجِ أَنْوَاعِ مَخْتَالِفِينَ دِيَالِ الْوَحْدَةِ. وَلَكِنْ كَيْفَاشْ نَقْدُرُو نَشْبَهُو

الوحدة ديال المؤمنين في الكنيسة؟ واش هي بحال الوحدة ديال الزواج؟  
أولا بحال الإتحاد بين جوج ياجورات ملاصقين في شي بناية؟ وأخا، باش  
نوصفو الوحدة ديال المؤمنين في الكنيسة خاصنا نتسلفو شي كلام وشي  
أفكار من كل التشبيهاات لخرين باش نقدرو نوصفو العلاقات داخل  
الكنيسة المحلية. هادي حاجة عجيبة، ياك؟ وهنا شي واحد يقدر يسؤلني:  
"واش أصلاً كاينة العضوية ديال الكنيسة في الكتاب المقدس؟ أنا نقدر  
نجاوب ونقول: "لا، هي ماكيناش في الكتاب المقدس بالطريقة اللي نتا  
كتفكر بيها". الكتاب المقدس فيه رؤية معقدة وعميقة على كيفاش  
المؤمنين كيمارسو الوحدة ديالهم في الكنائس المحلية. بحال إلاكنا كتقلبو  
على التفاح عوض نقلبو على طباسل عامرين بكل أنواع الفواكه.

راه ماكيناش شي حاجة في الأرض كتشبه للكنيسة المحلية.

2. كحتاجو لكل هاد التشبيهاات باش نوصفو الكنيسة والأعضاء  
ديالها. إلا كان كل تشبيه عندو دور خاص بيه في الوصف ديال الكنيسة  
والأعضاء ديالها، فراه حنا كحتاجوهم كلهم. ماتقدرش تختار الفاكهة  
المفضلة ديالك من الطبسيل وتخلي اللي بقا، ماتقدرش تقول: "شكراً  
بزاف، غناخد غير التفاح ونخلي الليمون". لا، خاصنا ناخذو الطبسيل  
كامل.

اللي بغيت نقول هو أننا خاصنا نفكرو ميزان قبل ما نقررو شمن تشبيه  
و وصف للكنيسة هو مهم كتر من التشبيهاات لخرين. في كل التاريخ ديال  
الكنيسة، بعض المسيحيين حاولو يقولو بلي أحسن تشبيه للكنيسة هو أنها  
جسد المسيح، أولا هي شعب الله. ولكن هادشي بحال إلا قلت أنني زوج  
كتر من أنني أب، أولا أنا أب كتر من أنا زوج. ممكن ولادي أولا مراتي يقدر  
يفضلو واحد التشبيه على لآخر. ولكن راهم بجوج هوية ديالي بلا زيادة وبلا

نقصان. الوصف ديال "أب" وديال "زوج"، وبعض الأوصاف لخرين هما كلهم ضروريين باش تعرف شكون أنا بالحق.

راه الكنائس والطوائف اللي عندهم مشاكل في العقيدة والإيمان، غالبًا ما يكونون القادة ديالهم ختارو وصف مفضّل عندهم وهملو الأوصاف لخر ديال الكنيسة، وهاكدا ولآت الكنيسة كلها محبة على شكل عائلة، أولا كلها تسلسل هرمي على شكل جسد.

3. كل وصف من هاد الأوصاف كيتطبّق بشكل محلي. كل وصف كتايي للكنيسة كيتجسد وكيان في الكنيسة المحلية. كل هاد الأوصاف على كنيسة المسيح: موالين الدار (عائلة)، الجسد، هيكل الشعب، هما ماشي غير أوصاف معلقين في السما وصافي وبلا هدف ووجهة محددة. ولكن كل هاد الأوصاف هما واقع ملموس وباين في الكنيسة المحلية.

ولكن واش ماشي كل المؤمنين في كل بلاصة في العالم هما شعب الله؟ أه، أكيد. ولكن راه الله كيخلينا نعيشو التطبيق ديال هاد الهوية كشعب الله في الكنيسة المحلية، ملي كنتعاملو كعائلة مع خوتنا وخواتنا في الكنيسة المحلية ديالنا. واش الجسد ديال المسيح ماكيشملش المؤمنين من كل العالم؟ أه أكيد، ولكن كنعيشو كجزء من جسد المسيح في الكنيسة المحلية. واحد كيكون هو الفم، ولاخر هو اليد، وأخر هو الرجل، وزيد وزيد.

هادشي كييعني بلي راه كل هاد الأوصاف هما مهمين باش نوصفو كل كنيسة محلية حية. في كل كنيسة محلية كيفما كانت، راه كاين شعب الله، وهيكل الروح القدس، وجسد المسيح. وماشى غير يدين ورجلين من جسد المسيح.

الوصف ديال بولس لجسد المسيح في الإصحاح تناعش من رسالة كورنثوس الأولى كييعطينا مثال زوين كيوضح هادشي. واش كان الرسول

بولس كيهدر على الجسد المحلي في مدينة كورنتوس أولاً على جسد المسيح العالمي (العام) مَلِي هدر على الجسد والأعضاء ديال الجسد في هاد الفصل؟ لاحض معايا هاد الجملة اللّي قالها الرسول: "وَأَنْتُمْ رَاكُم دَاتُ الْمَسِيحِ، وَكُلُّ وَاحِدٍ مِنْكُمْ طَرْفٌ فِيهَا" (كورنتوس اللّولى 12: 27). هاد الكلام باين أنه كيهدر على الجماعة المحلية. ولكن قبل هاد الكلام في نفس الإصحاح قال ليهم الرسول بولس: " حَيْثُ كُنَّا نَعْمَدُنَا بَرُوحٍ وَاحِدٍ بَاشْ نُؤَلِّيُو دَاتُ وَحْدَةً" (كورنتوس اللّولى 12: 13). ماكانش الرسول بولس في مدينة كورنتوس. إدن واش كان كيهدر على الكنيسة العامة العالمية؟

اللّي كيخلي هادشي صعيب كتر هو حقيقة أن الكنيسة العالمية كايئة داخل الكنيسة المحلية. راه الكنيسة المحلية هي تعبير ومستوطنة صغيرة للكنيسة العالمية المستقبلية. هادشي كييعني أن الرسول بولس في هاد الفصل كان مرّة كيهضر على الكنيسة المحلية، ومرّة كيهضر على الكنيسة العالمية. متلاً ملي قال: "حَتَّى الطَّرَافُ دِيَالِ الدَّاتِ اللِّي كَيَبَانُو ضِعَافٌ، رَاهُمْ مُهَمِّينَ" (كورنتوس اللّولى 12: 22)، نقدر نقول بلّي كان كيهضر على الجسد المحلي. ولكن مَلِي قال: "حَيْثُ كُنَّا نَعْمَدُنَا بَرُوحٍ وَاحِدٍ بَاشْ نُؤَلِّيُو دَاتُ وَحْدَةً" (كورنتوس اللّولى 12: 13)، ضروري نقولو أنه كان كيهضر على الجسد العالمي ديال المسيح. بكل إختصار، راه الإصحاح تناعش ديال رسالة كورنتوس اللّولى هو أحسن مثال توضيحي كيورينا كيفاش خاص الكنيسة المحلية من اليوم تبدا تجسد الاجتماع السماوي ديال الكنيسة قدام المسيح نهار يرجع وياخذنا معاه.

اللّي بغيت نقول هو أن العضوية دياالك في الجسد المحلي في هاد الوقت هو كيتمثل الصورة ديال العضوية دياالك في الجسد العالمي ديال المسيح من بعد يوم الحساب. المسيح بغا من كنيستو ومن العضوية دياالك فيها باش يبانو دابا في هاد الوقت الحاضر. راه مايمكنش ليك تطيع الرب وتكمل المسؤوليات دياالك اللّي عطاك الرب تجاه المؤمنين والقادة

ديال الكنيسة إلا ماكنتيش عضو في كنيسة محلية. راه المؤمنين لخرين والقادة ديال الكنيسة مايقدروش يكملو المسؤوليات ديالهم تجاهك إلا ماكانتش الكنيسة المحلية. كتححتاج للجسد ديال المسيح باش تقدر تكون في الجسد ديال المسيح. وخاصك عائلة باش تكون في بيت الله والشعب ديالو.

وكيفاش نقدر نطيعو ونطبقو الوصية ديال الرب يسوع باش "نحبو بعضياتنا" (يوحنا 13: 24) أولا كيفاش نقدر نطبقو الوصية ديال الرسول بولس ملي قال: "هَرُو الخَمَلْ عَلَي بُعْضِيَّاتِكُمْ" (غلاطية 6: 2)؟ أولا الوصية ديال الرسول بطرس ملي قال: "وَكُلُّ وَاحِدٌ مِنْكُمْ خَاصُّهُ يَخْدُمُ الْمَوْهَبَةَ الَّتِي تُعْطَتْ لِيهِ، بَاشْ تُعَاوَنُو بُعْضِيَّاتِكُمْ وَهَكَأَ عَنَّا مَسْؤُولِينَ مُزَيَّيْنِ عَلَي النِّعْمَةِ دِيَالِ اللّهِ الْمُتَنَوِّعَةِ" (بطرس اللّولى 4: 10). نقدر نطيعو كل هاد الوصيات غير ملي نكونو أعضاء في الكنيسة المحلية.

خليني نشارك معاك طريقة خرا باش تفكر في هاد الأمور المهمة: كيفاش خاص يكون رد الفعل ديالنا مع شي واحد كيقول أنه "متبرر في المسيح" ولكن في نفس الوقت ماكيتبعش البر والتقوى كاع؟ غنقولو بلي هاد الإنسان تالف وكذاب وخاصو يتوب. راه الناس اللي تبررو بالمسيح فابور بالإيمان بوحده كيتبعو البر والتقوى في نفس الوقت (قرا رومية 6: 2، ويوحنا اللّولى 3: 7). بنفس الطريقة، كيفاش خاص يكون رد الفعل ديالنا مع شي شخص كيداعي أنه كينتامي للجسد ديال المسيح العالمي ولكن في نفس الوقت هو مامنتاميش لجسد المسيح المحلي الواقعي على الأرض؟ غنقولو بلي هاد الشخص متوهّم وكذاب وخاصو يتوب.

الجسد ديال المسيح اللي هو الشعب ديال الأب وهيكل الروح القدس غادي يجتامعو مع بعض بشكل كامل في المجد. ولكن الحاجة العجيبة هو أننا نقدر نشوفو تعبير وضل وصورة أرضية على داك الاجتماع في الكنائس

المحلية اليوم في الوقت ديالنا الحاضر، واخا راه الصورة فيها عيوب وماشي متالية.

راه حتى حاجة على هاد الأرض ماكتشبه للكنيسة المحلية.

4. هاد التشبيهات هما ماشي تشبيهات حقيقيتين، هما ضل ورموز. نقدرو نشوفو هادشي بشكل واضح في الفصل الخامس من رسالة أفسس ملي قال بولس: "هَادُشِّي عَلَاشْ عَيْخَلِي الرَّاجُلُ بَاهُ وُمُهُ وَعَيْتَاخُدْ مَعْ مَرَاتُهُ، وَعَيْوَلْيُو بَجُوجْهُمُ دَاتْ وَحَدَة. هَادُ السَّرُّ رَاهُ كَبِيرْ، وَلَكِنْ أَنَا كَنْقَصِدْ بِيَهُ الْمَسِيحُ وَالْكَنِيْسَة" (أفسس 5: 31-32). هنا كان بولس كيهدر على الزواج، ولكن من بعد دغيا بدّل الموضوع بطريقة مُفاجئة، وقال بلي الزواج في الحقيقة كيشير للمسيح والكنيسة. راه الزواج هو رمز أولاً ضل للمسيح والكنيسة. غنكونو غلطنا بشكل كبير إلا فكرنا بلي الزواج هو الحقيقة ومحبة المسيح للكنيسة هو غير رمز للزواج.

بحال أن الله قبل مايخلق العالم، قال لنفسو: "كيفاش نقدر نزرع في الخليقة ديالي واحد الرمز على المحبة ديال ولدي للكنيسة؟ كيفاش نقدر نعلم هاد الحق في العالم كامل، باش كلشي يقدر يشوف ويفهم هاد الحق الكبير والعظيم بزاف؟"

الجواب على هادشي هو أن الله أسس العهد ديال الزواج، راه هو الصورة الرمزية اللي كتشير لواحد الحقيقة أعظم: المسيح والكنيسة.

كنضن بلي نفس الحاجة كتنتطبق على كل التشبيهات والصور اللي في الكتاب المقدس على الكنيسة، كل هاد الصور هما غير ضل ديال حاجة خرا أعظم. فكر في كلام بولس على الأب ديالنا اللي في السما، قال: "مُنْهُ كُلُّ عَائِلَة فَالْسَمَا وَفَالْأَرْضُ كَتَاخُدُ الْإِسْمُ دِيَالَهَا" (أفسس 3: 15). راه الله حط

الأباء الأرضيين على الأرض باش يكونو صورة ورمز على كيفاش خاص  
علاقتنا تكون معاه.

علاش كتضمن الله كيعطينا خوت وخواتات؟ باش كل الناس يفهمو  
الواقع الحقيقي اللي كيبدا دابا في الكنيسة المحلية، ومازال كيتسنّانا بشكل  
كامل ومِتالي في المجد مع المسيح.

والصورة ديال الكرمة والعروش ديالها؟ هاد التشبيه كيورّينا كيفاش  
خاصنا نكونو كنعتامدو على الكلمة ديال المسيح. وأنا أكيد بلي الإعتقاد  
ديالنا الكامل على كلمة الله غيوضاح كتر ملي نكونو معاه في المجد. وحتى  
التشبيهات والصور على الكنيسة اللي كنشوفوهم في العهد القديم، بحال  
الصورة ديال الهيكل (يعني بيت الله)، واحّا أنه كيشير للماضي لحياة شعب  
بني إسرائيل، في نفس الوقت راه هاد الصورة كتشير لحقائق أعظم جايين  
في المستقبل.

### ماكاينة حتى حاجة بحالها

واش بديتي كتفهم دابا علاش قلت بزّاف ديال المرّات بلي ماكاينة حتى  
حاجة في هاد الأرض كتشبه للكنيسة والأعضاء ديالها؟ في الأخير راه  
غنفهمو كتر بلي العلاقات اللي كيجمعونا في الكنيسة المحلية هما قوين  
كتر ومرتابطين كتر من العلاقات في الجسد، وفيهم الأمان كتر من الحضن  
ديال الوالدين، وفيهم مُعاونة وارتباط كتر من المحبة بين الخوت ديال  
العائلة في الجسد، والقدرة ديالهم قوية متر من دار مبنية بالحجر،  
ومقدسین كتر من الكهنوت، وزيد وزيد.

بشئو نقدرو نشبهو الكنيسة المحلية والأعضاء ديالها؟ هما بحال جسد، بحال عروسة كتوجد راسها، بحال هيكل، عائلة، كهنوت ملوكي. وفي نفس الوقت هما كتر من كل هاد الصُور والتشبيهاات.

## نرجعو للواقع؟

بعد كل هادشي اللي هضرنا عليه، دابا كل عضو في الكنيسة في هاد العالم كييعرف بلي الحياة في الكنيسة المحلية ماشي ديما كتبان بهاد الطريقة: يعني ديما فيها ترابط ومحبة، فيها الأمان، فيها التعاون، الصبر والتحمل، والقداسة. في الحقيقة، غالبًا ماكنلقاو العكس ديال هادشي.

مؤخرًا واحد السيّدة قترات تخرج من كنيستنا، كانت تفاجئات وخاب الضن ديالها في الكنيسة. من بعد كتبات ليّا واحد الإيميل كتقول فيه: "العائلة ديالي سواء كانو مؤمنين أولاً، ولكن على الأقل كيديرو كل ما فجهدهم معايا، حتى كنيسة ماتقدرش تدير هادشي معايا. هادشي علاش باش نكون صريحة معاك، مابقيتش نقدر نتيق في الصورة ديال أن الكنيسة هي عائلة. راه العائلة اللي تولدت فيها والصحاب اللي كبرت معاهم حياتي كلها هما بوحدهم اللي نقدر نتيق فيهم ونعتمد عليهم حياتي كلها".

هادا كلام ديال واحد الشخص اللي تهّرس الرجا ديالو. هاد المرأة تعلمات واحد الحاجة على الكنيسة، ولكن شافت حاجة خرا في الواقع مختالفة بزّاف على شنو تعلمات. بالصح الكنيسة هي مترابطة كتر من العائلة؟ وفيها الأمان كتر من الوالدين؟ فيها التعاون كتر من الخوت؟ بالصح هادشي؟ ماشي هادشي اللي شافت هاد المرأة في الكنيسة. وممكن حتى نت أولاً نتي ماشفتيش هادشي شخصيًا.

شون نقدرو نقولو على هاد الحقائق وهاد الواقع؟ ها كيفاش جاوبت  
هاد المرأة:

"في اللول بغيت نعتادر منك. كنعتادر على الدنوب ديالنا، وعلى  
الألم اللي سببنا ليك. أنا أكيد بلي الدنوب اللي وقعو ضدك في  
الكنيسة هما بالصح وقعو والألم اللي في قلبك هو حقيقي.

كنطلب منك تسمحي لينا. كحتاجوك تغفري لينا، باش  
نقدرو نتصالحو مع بعضياتنا في المسيح، واخا مابقيناش كنتناميو  
لنفس الكنيسة.

وفي الأخير، كنطلب منك تشوفي معايا في الإنجيل، ممكن؟  
بغيت نفكر في بطرس، ديك الصخرة اللي تبنات عليها الكنيسة،  
ملي واعد الرب يسوع بلي ماعمر غينكرو، وفي نفس الليلة نكرو  
تلاتة ديال المرات. ومن بعد، بطرس رفض ياكل مع واحد  
المجموعة كبيرة من الكنيسة، حيث ماكانوش يهود. واخا  
هكداك، راه الرب يسوع مات على ود الخونة، والمُنافقين،  
والعنصريين بحال بطرس. هاد هو نفس بطرس اللي هدر من بعد  
وقال بلي الكنيسة هي "حجرة حية" و "بيت روجي". بالصح أ  
بطرس؟ واش نت كني قوي؟ وكنتي قادر تصبر؟ واش كنتي مؤمن  
حقيقي وروحي مع خوتك وخواتاتك في المسيح؟

ولكن راه الخبر الزوين هنا هو أننا مامحتاجينش نعتامدو  
على القوة والمحبة ديال الناس بحال بطرس، ماشي ضروري نتيقو  
فيهم مية في المية، ولكن خاصنا نتيقو ونعتامدو على القوة ديال  
المسيح والمحبة ديالو. راه بسباب العمل اللي دارو المسيح على  
الصليب ولينا حنا الجسد ديالو، عائلتو، الهيكل ديالو، الشعب  
ديالو، القطيع ديال الخرفان ديالو، الفرخ ديالو، والتاج ديالو. هو

اللي كيبدلنا. حنا مادرننا والو. وهو دابا كيكملنا باش نوليوشنو هو  
بغانا نكونو.

هادشي علاش كنطلب متك باش تكوني ثابتة فيه  
وماتستسلميش، بقاي معانا. جاهدي في الغفران والمحبة. غادي  
نوصلو للكمال نهار نكونو معاه، ماشي حيت حنا مزيانين، ولكن  
بالفضل ديالو هو."

خوك في المسيح  
جوناتان

## تعاشر سبب علاش العضوية ديال الكنيسة هي مهمة

1. العضوية كايئة في الكتاب الرب يسوع أسس الكنيسة المحلية، وكل الرسل خدمو الرب من خلال عضويتهم في الكنيسة المحلية. راه الحياة الروحية في العهد الجديد هي حياة الكنيسة. وخاص كل المؤمنين اليوم يفهمو هاد الحق ويعيشوه ويغيوه من قلبهم.
2. الكنيسة هي الأعضاء ديالها باش نكونو كنيسة في العهد الجديد كييعني أننا نكونو أعضاء فيها (قرا مزيان أعمال الرسل). وخاصنا نبغيو نكونو جزء من الكنيسة حيث راه الرب يسوع جا باش ينجي الكنيسة ويصالحها معاه وليه.
3. راه العضوية في الكنيسة هي شرط ضروري باش نشاركو في عشاء الرب راه العشاء ديال الرب هو عشا مخصّص للكنيسة المحلية اللي كتجتمع، يعني الأعضاء (قرا كورنثوس اللولى 11: 20-33). وخاصك تبغي تشارك في العشاء ديال الرب، حيث راه هو الراية ديال الفريق اللي كتخلي الكنيسة باينة وواضحة قدام العينين ديال الشعوب لخرين.
4. العضوية في الكنيسة هي الوسيلة اللي بيها تقدر تمثّل الرب يسوع بشكل رسمي راه العضوية ديالك في الكنيسة المحلية هي تأكيد وإعلان على أنك مواطن في مملكة المسيح، وراك كتمثّل المسيح قدام العالم، وبلي عندك الباسبور (يعني الهوية) ديال شعب الله والمملكة ديالو. وخاصك تبغي

التمثيل ديالك للرب يكون رسمي ومن الله بنفسو. والفكرة  
لخرى اللي قريبة من هاد الحق هو أن...

5. العضوية في الكنيسة هي وسيلة بيها كتعلن لمن عطيتي  
الولاء ديالك راه العضوية ديالك في الفريق كتبان ملي كتهز  
الراية ديال عشاء الرب، هادي هي شهادة علنية بلي الولاء  
والأمانة ديالوك هما غير للمسيح يسوع. يقدرو يجيو  
المشاكل والإضطهادات، ولكن الجواب ديالك الوحيد ديما  
غيكون هو: "أنا مسيحي".

6. العضوية في الكنيسة هي الوسيلة اللي بيها كتجسد  
التشبهات الكتابية وكتعيشها في أرض الواقع وسط القيادة  
ديال الكنيسة اللي عندها مسؤولية المحاسبة والمُساءلة،  
حيث هاكدا المؤمن يقدر يشوف ويعيش الترابط ديال  
جسد المسيح، والروح ديالو في الهيكل، والأمان ديال  
العائلة، والهوية المشتركة في المسيح.

7. العضوية في الكنيسة هي الوسيلة اللي بيها تقدر تخدم  
المؤمنين لخرين. العضوية كتعاونك باش تعرف دوك  
المؤمنين اللي قراب ليك في الواقع واللي الرب عطاك  
المسؤولية باش تحبهم، وتخدمهم، وتحدرهم، وتقويهم.  
العضوية هي اللي كتخليك تكمل المسؤوليات ديالك  
الكتابية مع جسد المسيح (تقدر تقرا متلاً أفسس 4: 11-  
16، 25-32).

8. العضوية في الكنيسة هي الطريقة اللي من خلالها تقدر تتبع  
وتسمع للقادة المؤمنين. العضوية كتعاوناً باش نعرفو  
شكون هما القادة المؤمنين اللي الرب بغانا نطيعوهم  
ونتبعوهم في هاد الأرض. العضوية هي اللي كتسمح ليك  
تكمل المسؤولية الكتابية اللي عطاك الله تجاه القادة ديال  
الكنيسة (قرا عبرانيين 13: 7، 17).

9. العضوية في الكنيسة كتعاون القادة المؤمنين باش يقودو. العضوية كتعطي فرصة للقادة المؤمنين باش يميزو ويتعرفو على الناس اللّي عطاهم الرب واللّي الرب غادي يحاسبهم عليهم (أعمال الرسل 20: 28، بطرس اللّولى 5: 2).

10. العضوية في الكنيسة كتعطي فرصة للتأديب ديال الكنيسة العضوية هي اللّي كتعطيك فرصة باش تشارك في التأديب ديال الكنيسة، بكل مسؤولية، وبكل حكمة ومحبة (كورنثوس اللّولى 5).

11. العضوية في الكنيسة كتعطي هيكل وساس لحياتك الروحية العضوية كتحت الطاعة ديال المؤمن والولاء ديالو في إطار وأساس واقعي وحقيقي، حيث هما كيكونو سلطة روحية حقيقية فوق الحياة ديال المؤمن (قرا يوحنا 14: 15، يوحنا اللّولى 2: 19، 4: 20-21). العضوية هي برنامج الله في التلمذة ديال المؤمن.

12. العضوية في الكنيسة هي شهادة كتجذب الأمم. العضوية كتبين الحكم ديال المسيح بصيقتو إختيار بديل قدام العالم اللّي كيشوف (قرا إنجيل متى 5: 13، يوحنا 13: 34-35، أفسس 3: 10، بطرس اللّولى 2: 9-12). راه القيود المفروضة على العضوية ديال الكنيسة هي اللّي كتعطي وكتنتج جماعة ديال الناس قادرين يجذبو الأمم لحاجة أحسن. العضوية في الكنيسة هي برنامج الله في التبشير والكراسة.

## شنو هما "المعايير" ديال العضوية في الكنيسة؟ كيفاش المؤمن يقدر يوّلي عضو في الكنيسة المحلية)

بعض الناس كيرفضو الفكرة ديال العضوية ديال الكنيسة، حيث كيفكرو بلي العضوية هي بحال أننا نطلبو من الناس باش ينقزو فوق العافية ونعطيوهم أعمال شاقة وصعبة باش تعدّ بهم. أولا كيفكرو بلي العضوية كتعني أننا نحطو معايير ديال السلوك والأخلاق باش الإنسان يقدر يوّلي عضو في الكنيسة. هاد الجوج أفكار هما غلط وكيقتناقضو مع النعمة ديال الله اللي كيعطيها فابور.

ماشي صعيب نشوفو علاش بعض الناس كيفكرو بهاد الطريقة. عادةً العضوية كياخدها الإنسان ملي كيوصل لبعض المعايير أولا خاص في اللول يدير شي حاجة. خاصك تكون غني باش تنضم للنادي ديال الأغنياء، أولا خاصك تكون دكي باش تدخل للنادي ديال المناضرات والنقاشات، أولا خاصك تكون كتجزي مزيان وكتلعب الكرة مزيان باش تكون في نادي ديال الكرة، أولا قادر تخدم وتعطي باش تكون عضو في شي جمعية خيرية.

باش تكون عضو في شي حاجة أولا في شي بلاصة كييعني أنه خاص يكون عندك أولا فيك شي حاجة كتميزك على الناس لخرين اللي هما ماشي أعضاء. وهادي فكرة كتحصّر الجماعة بشكل شوية خطير، ياك؟ إذن واش يمكن لهاد الفكرة ديال العضوية ديال الكنيسة تغوي المؤمنين بالعقيدة ديال الأخلاق كيما وقع مع الفريسيين ورجال الدين في زمان المسيح؟ راه

الإيمان المسيحي مامبنيش على المعايير، هو مؤسس على النعمة ديال الله  
اللي كي عطيتها فابور. إدن علاش كنهضرو على المعايير والأخلاق؟

بكل صراحة، في الموضوع ديال العضوية ديال الكنيسة راه ساهل  
نطبحو في الفخ ديال الأخلاق. وكيفا سبقلي قلت، راه العضو ديال الكنيسة  
كي تمثل المسيح، عندو هوية سماوية، وكناكد على هاد الكلام. ولكن لاحض  
معايا كيفاش التفكير ديانا يقدر بالزربة يخرج من الطريق الصحيح: بما أن  
الرب يسوع هو مقدس، إدن راه ضروري الناس اللي كي متلوه حتى هما يكونو  
مقدسين. يعني نقدرو نقولو بلي المعيار أولا الشرط ديال العضوية في  
الكنيسة هو القداسة. وهاكدا أنا غادي نشوف بشكل ناقص في أي شخص  
ماشي مقدس بحالي. وممكن مانخليش هاد الشخص اللي ماشي مقدس  
يدخل للكنيسة دياي. نقدر نفكر: هاد العائلة ما كي علموش ولادهم بحالي،  
وما كي يصليوش بحرارة بحالي، وما كي بشروش بحالي، و ما كي تصادوش في  
النعمة ديال الله بحالي.

فهمتي شنو بغيت نقول؟ كيبان لينا بحال أن الفكرة ديال العضوية  
ديال الكنيسة بشكل عام غير كي تنتج مواطنين من درجة ممتازة، ومن بعد  
مواطنين من الدرجة الثانية، وناس خرين اللي هما ماشي مواطنين غا، وكل  
هادشي على أساس الأعمال والأخلاق ديال البشر. هادشي راه كي تناقض مع  
النعمة ومع الإنجيل. واش هادي هي الفكرة اللي كي علم هاد الكتاب؟

شنو هما "المعايير" بالضبط ديال عضوية الكنيسة؟

**شكون يقدر يدخل؟**

وحدة من الإمتيازات اللي ستمتعت بيها ملي كنت شيخ في الكنيسة،  
كانت هي الفرصة اللي كانت عندي باش ندير المقابلات الشخصية قبل ما  
نقبلو الأعضاء الجداد. هاد العملية نقدرو نشبهوها بشي واحد واقف في

الباب ديال الكوري باش يتأكد بلي غير الخرفان اللي غيدخلو. مابغيتيش  
الدياب يدخلو للكوري مخبعين وسط الخرفان.

ملي كندير المقابلة، كنسمع للمؤمن، وكنكتب رسالة ديال توصية  
للشيوخ لخرين ديال الكنيسة، اللي حتى هما كيهدرو مع الكنيسة كاملة باش  
تقبل هاد المؤمن. وبما أن الرب يسوع عطا للكنيسة السلطان والسوارت،  
راه حنا كنأمنو بلي هاد القرار الأخير هو قرار كتاخدو الكنيسة وماشي الشيوخ  
ديال الكنيسة.

شكون يقدر يدخل؟ الجواب البسيط وبكل إختصار هو: أي مؤمن.

هادشي كييعني أن المعيار ديال العضوية في الكنيسة خاص يكون هو  
قرار الشخص باش يأمن، ماشي كتر وماشي قل. كيما سؤل الرب بطرس،  
خاصنا نسولو هاد الشخص على شكون هو يسوع بالنسبة ليه. وكيما دار  
بطرس مع الرب يسوع، خاص الشخص يجاوب ويقول بلي يسوع هو  
المسيح، ولد الله الحي، خاص يقول هاد الكلام وهو عارف شنو كييقول.  
يعني الناس خاصهم يفهمو الإنجيل ويأمنو بيه باش ينضمو للكنيسة.

ماشى كل الناس غيقدرو يشرحو شنو هو الإنجيل بالضبط، ولكن  
خاصهم يفهموه ويكونو قادرين يشرحو ولو الأساس البسيط ديالو. ضروري  
يكونو قادرين يهدرو على الهوية ديال هاداك اللي هما كيتمتّوه، قبل ما  
الكنيسة تصادق وتأكد على التمثيل ديالهم ليسوع بشكل رسمي. مازال  
عافل على واحد المقابلة درتها مع واحد المرأة ماكانتش اللغة الإنجليزية هي  
اللغة الأم ديالها. وملي سؤلتها شنو هو الإنجيل، شافت فيا وقالت:  
"الإنجيل؟" بحال ماعمرها سمعات ديك الكلمة من قبل. ولكن ملي قلت  
ليها: "خبار الخير ديال يسوع المسيح"، بتاسمات وفهمات كلاي، وتمّا  
شرحات ليّا الإنجيل بشكل واضح وصحيح. والكنيسة قبلات العضوية  
ديالها. هادشي بحال المصادقة والتأكيد على شي بيان صحفي كنعقولو فيه:

"رسالة لكل الناس: شوفو في هاد السيّدة باش تقدر و تعرفو الرب يسوع، راها كتمتلو بشكل رسمي".

بعض المرّات درت مُقابلات مع ناس ماقدروش يشرحو الإنجيل. مازال عاقل على واحد المرأة قالت ليا بلّي باش تكون مؤمن يعني خاص الإنسان يدير كل ما في جهدو. وحاولت نفهم شنو بغات تقول وسوّلتها بعض الأسئلة باش نفهم كلامها مزيان، حيث فكّرت غير أنا اللّي فهمت غلط أولاً هي ماوضّحاتش الفكرة مزيان، ولكن الجواب ديالها كان هو نفسو. وميّي في الأخير بديت كنوّضّح ليها بلّي منقدروش نصادقو على العضوية ديالها، بدات كتبكي. حتّى أنا كنت بغيت نبكي. أي واحد سمع القصة ديال حياتها كنضن غادي يبكي ويحس بيها. ولكن إلا الكنيسة قبلات العضوية ديالها راه تمّا ماغاديش تورّيها محبة حقيقية.

ولكن ماشي جرّينا عليها وسدّينا الباب، أنا عرضت عليها باش تتلاقا مع واحد الأخت من الكنيسة باش يدرسو الإنجيل ديال مرقس. و وافقات وتلاقات مع الأخت ديالنا. ومن بعد شي أسابيع عاودت تلاقيت معاها، وبدينا عوتاني من جديد. ولكن هاد المرة، شرحات مزيان الإنجيل ونضّمات للكنيسة ديالنا. وهكذا قدرنا نقولو عوتاني: "رسالة لكل الناس: شوفو، هاهو شخص آخر كيتمّل المسيح".

كنضن بلّي كاين اللّي يقدر يقول بلّي هادشي اللّي درت مع هاد المرأة هو قاسح أولاً بحال أعمال شاقة غير باش نزيرو الناس، ولكن هادي هي الرعاية اللّي وصّانا بيها الله، عاونّاها باش تعرف الإنجيل، وتقبل الإيمان الحقيقي، هادي هي الرعاية والمحبة ديال الكنيسة.

## الإيمان

سبق لي قلت بلي العضوية ديال الكنيسة كتبدا ملي الكنيسة كتصادق على القرار ديال الإيمان ديال واحد الشخص، كيما دار المسيح مع بطرس. وباش الكنائس تسهل هاد الخدمة، عادة كيستعملو واحد بيان الإيمان رسمي باش الكنيسة تأكد بلي المؤمن اللي كيدير المقابلة كيأمن بنفس الأمور ونفس العقيدة.

متلاً، الطائفة ديال المورمون، شهود يهوه، بعض البروتستانتين الليبراليين يقدرو يعلنو إيمانهم بالمسيح، كيما دار بطرس. ولكن مايقولوش بلي المسيح هو الله. شمن يسوع اللي كيأمن بيه الشخص أولاً الكنيسة؟ هنا كيعاوننا بيان الإيمان ديال الكنيسة حيت كيوضح لينا العقيدة.

في البداية ديال الكنيسة، كانو بعض الناس اللي نكرو بلي يسوع كان إنسان كامل (الناسوت ديال يسوع هو ناسوت كامل). لاحظ معايا كيفاش الرسول يوحنا شجع الكنيسة باش تتعامل مع هاد المشكل:

"آخوتي العزرا، ما تيقوش فكل واحد كيكون بالي عنده الروح القدس، ولكن جربو الأزواخ اللي عندهم باش تعرفوا واش هم من الله، غلاخقاش بزاف ذ الأنبياء الكذابين جاؤ للدنيا. وها كيفاش تعرفوا روح الله: كل روح كيغترف بلي يسوع المسيح جا فالدات زا هو من الله، وكل روح ما كيغترفش بيسوع، زا ما شي من الله" (يوحنا الأولى 4: 1-3)

كانو جاو بعض الأنبياء الكذبة اللي قالو: أه، أنا كنا من بيسوع المسيح حتى أنا، أنا بحالك". ولكن يوحنا قال ليهم: "خاصكم تجربو وتتحققو من الناس، يقدرو ما يكونوش بحالكم في الإيمان".

دازت تقريبًا ألف عام على هادشي، وتزاد التعليم الغلط بشكل كبير. وهادشي علاش الأغلبية ديال الكنائس عندهم بيان الإيمان اللي كيهضر على موضوع الله، وموضوع الكتاب المقدس، والدنوب، والخلاص، والكنيسة، والرجوع الثاني ديال المسيح.

ملّي كنتلبدو من شي شخص يصادق على بيان الإيمان، فراه الهدف ديالنا ماشي هو نلقاو لاهوتيين محتارفين وعارفين كلشي، ولكن نأكودو بلّي هاد الشخص فهم الكتاب وأمن بالمسيح بالحق. سمع للمعايير اللي عطاهاهم الرب يسوع: "وَاللّٰى تَوَاصَّعُ بِحَالٍ هَٰذَا الْوَلَدُ، رَاَهُ هُوَ الْمُخَيَّرُ فَمَمْلَكَةُ السَّمَاوَاتِ. وَاللّٰى رَحَّبَ بُولِيْدُ بِحَالٍ هَٰذَا فَأَلِيسْمُ دِيَالِي رَاَهُ كَبُرْحَبٍ بِيَّ" (متى 18: 4-5). يعني خاص الكنائس يكونو قادرين يوزيو التواضع الحقيقي قدام الله اللي المصدر ديالو هو الروح القدس. كيفاش كيبان هاد التواضع؟ يقدر يبان ملّي الشخص كيقول شي حاجة بحال هكذا: "أه، أنا مُدِنِبٌ وفاسد. أه، من حق الله يحكم عليّ. ولكن راه بالحق مات المسيح في الصليب على ود الدنوب ديالي، وهو دابا ربيّ، وأنا كنتبعو."

وكيفاش كيبان القلب المنكسر قدام الله والمتواضع لله؟ هو البدية ديال العقيدة الصحيحة، وهو قلب كيتيق في شنو كيقول الكتاب المقدس على الله.

## التوبة

المسيحية ماكتبداش غير بالإيمان بوحدو، ونفس الحاجة مع العضوية ديال الكنيسة. بجوج كيبداو بالتوبة. راه الرب يسوع بشر وقال: "هَا الْوَقْتُ كَمَلٌ وَمَمْلَكَةُ اللَّهِ قَرَبَاتٌ، إِيوَا تُوْبُوْ وَأْمُنُوْ بِالْبَشَارَةِ" (مرقس 1: 15).

راه التوبة كنتجي من العقيدة الصحيحة والإيمان الحقيقي، هي نتيجة ديال القلب المنكاسر والمتواضع بالروح القدس.

إلا كان خاصني نكتب شي كتاب كيشرح المعايير ديال الكنائس للمؤمنين اللّي كيديرو مقابلات أولا التلمدة باش يقبلو مؤمنين جداد باش يكونو أعضاء في الكنيسة، فراني غادي نرکز ميزان في البركات اللّي هضر عليهم المسيح في التعليم ديالو على الجبل في إنجيل متى. نقدر و نقرأ على هاد البركات بهاد الطريقة:

"قلبو على الناس المساكن في الروح، اللّي حزان على دنوبهم، اللّي ماكيحسبوش ريسوهم مستحقين، وما مركزينش على الأعمال والسلوك ديالهم، قلبو على الناس الضراف، على الناس اللّي كيكرهو الدنوب، الناس اللّي جيعانين وعطشانين للبر والتقوى كيما كيكونو عطشانين للما. ملّي تلقاو ناس بحال هادو، تأكّدو بلّي كيعرفو شكون هو الرب يسوع. وتأكّدو واش الرب يسوع هو اللّي معمر الروح ديالهم المسكينة، وهو اللّي غفر ليهم دنوبهم، ولّي هما عطاوه حياتهم وعبادتهم. تأكّدو من واش هما متاكلين غير على البر ديالو، وبلّي هما كيتبعو هاد البر. ملّي تلقاو ناس بحال هاكدا، طلبو منهم ينضمّو للكنيسة".

لاحض معايا أن الكمال الأخلاقي ماشي هو اللّي كياهل الشخص باش يكون عضو في الكنيسة المحلية، بالعكس. راه الحاجة اللّي كتخلي الشخص يكون مقبول في الكنيسة وفي الإيمان هو أنه خاصو يكون ناقص وضعيف وماشي كامل، ويكون عندو جوع ورغبة باش يكون كامل. ماكنقلبوش على ناس ماكيدينبوش وماكيخطّوش، ولكن الكنيسة بغات ناس اللّي كيجاهدو ضد الدنوب. راه الخدمة ديال الكنيسة ماشي هي تقبل الناس الأبرار

والتقيين، ولكن تقبل الناس المُدنيين اللّٰي عطشانين للبر ديال الله. هاد البر والتقوى اللّٰي غير الله بوحده يقدر يوهبهم من خلال المسيح.

نعاود نشرح الفكرة بطريقة خرا: راه الحاجة اللّٰي كتخلى الناس يكونو مقبولين من الكنيسة ماشي هو يكونو نقيين وكاملين في الأعمال ديالهم والأخلاق ديالهم، ولكن هو النقاوة والكمال ديال المسيح، وماشى الأمور اللّٰي كيديروها، ولكن شنو دار الله باش ينجيهم.

## المعمودية

واش الناس بالحق خاصهم يگلسو في شي مكتب في المبني ديال الكنيسة مع شيخ من شيوخ الكنيسة ويديرو مقابلة وحوار شخصي قبل ينضمّو للكنيسة؟ لا، ماشي ضروري، كاينين طُرُق مختلفة باش الكنيسة تتأكد بلي الشخص الجديد كيمتلّ الرب يسوع قبل ماتصادق الكنيسة على الإيمان والعضوية ديالو. غاديين نهذرو كتر على هاد النقطة في الفصل التامن.

اللّٰي كيهنا دابا هو أنه كاينة واحد الحاجة من غير الخلاص ضرورية على الكنيسة تطلبها من الأعضاء ديالها، هاد الحاجة هي المعمودية. شفنا في الفصل الثاني بلي الخطوة اللّولى في الحياة الروحية في العهد الجديد كانت هي المعمودية، في كل التاريخ ديال الكنيسة كنشوفو هاد الحق. في أعمال الرسل الفصل الثاني، الناس سؤلّو الرسول بطرس على شنو خصهم يديرو باش ياخذو الخلاص ديال الله، وجاوبهم الرسول وقال: "توبّو، وُحَاصُّ كُلِّ وَاحِدٍ مِنْكُمْ يُتَعَمَّدُ بِاسْمِ يَسُوعَ الْمَسِيحِ بِأَشْ تَغْفَرُ لِيَكُمْ ذُنُوبَكُمْ، وَغَايِدِي يُنْعَمَ عَلَيْكُمْ اللَّهُ بِالرُّوحِ الْقُدُسِّ" (أعمال الرسل 2: 38). وملي الرسول بولس كتب للكنيسة ديال رومية، بكل بساطة هو فتارض وعرف

واخا بلا مايشوف بلي كلهم تعمّدو (رومية 6: 4). وراه هاد الحق هو أوّل حاجة وصّى بيها الرب يسوع التلامد ديالو ملي يصنعو تلامد خرين (متى 28: 19).

راه المعمودية ماتقدرش تعطي الخلاص والنجا لأي واحد، ولكن راه الغرض ديال الرب يسوع بالمعمودية هو باش المؤمن الجديد اللي خدا الخلاص يقدر يعلن بشكل علني الإنتماء ديالو للمسيح وللشعب ديالو. وهاد العملية هي جزء من الطريقة اللي بيها المؤمنين بالمسيح كيوليّو مواطنين رسميين في مملكة الله، وبالمعمودية هاد المؤمنين كيهزّو الراهية ديال هاد المملكة السماوية.

بنفس الطريقة، راه الكنائس على طول ألفين عام تعاملو مع المعمودية على أنها شرط ضروري للعضوية في الكنيسة. واش الكتاب المقدّس كيقول: "ضروري تعمّدو قبل تنضمّو للكنيسة؟" لا، ولكن راه الكتاب كيقول: "توبو وتعمّدو". إلا بغيتو تربطو حياتكم بشعب المسيح وتتأحدو معاه، وفي نفس الوقت هاد الشعب حتّى هو يرتابط بيكم، في الأوّل خاصكم تربطو حياتكم بالمسيح وتتأحدو معاه، وراه هادا هو الغرض من المعمودية. إلا شي شخص قال هو مؤمن ولكن رفض المعمودية، راه هاد الشخص مازال ماتابش. وكيفا قال مارك دفر، راه أسهل وصية عطاها لينا الرب يسوع هي ملي قال بلي بغانا نغطسو في الما ونفركو ريوسنا بالما. الصعوبة الحقيقية كتبدا من بعد هاد الخطوة.

## خلاصة

يالاه شي سيمانان قبل، تأصل بيّا واحد الصديق ديالي هو راعي ديال واحد الكنيسة، وسوّلي على رأيي على واش مزيان يخلي واحد الزاجل يعاود

ينضم للكنيسة ديالو. كان الراجل خرج من الكنيسة شي شهر قبل، ولكن دابا بغا يرجع. وهاد الراجل كان كيدير شوية ديال المشاكل، ماشي لدرجة يزرع الإنشقاق في الكنيسة، ولكن ماكانش مؤمن ناضج وكان كيرزط القيادة ديال الكنيسة وكيقاومها. كان الصديق دياي كيغكر بلي حسن باش الكنيسة ماتخليهش ينضم عوتاني.

سوّلت الصديق دياي على واش كيغكر بلي هاد الشخص هو مؤمن بالمسيح، والجواب ديالو كان تقيل شوية ومتردد، ولكن قال: "أه".

ومن بعد سوّلتو على واش هو مستعد يوقف في بلاصة عامرة بالناس، ويقول لكل الناس بلي هاد الراجل هو مؤمن وكيتمّل المسيح. والجواب عوتاني كان متردد شوية ولكن قال: "كنضن أه".

وتما أنا قلت: "كنضن بلي خاصك تخليه ينضم للكنيسة عوتاني. خاصنا نخليو المؤمنين الضعاف واللي كيديرو التبرزيط حتى هما ينضمو للكنيسة".

الكنايس خاصهم ماشي يقلبو غير الناس اللي قوين وماكيديروش التبرزيط، ولكن راه خاصنا نقلبو الناس اللي كياعتارفو بالضعف ديالهم، واللي هما مستعدين يقاومو هاد الضعف والدنوب.

يعني خاص الكنيسة تقلب على ناس بحالي، وربما بحالك حتى نت؟

## كيفاش يقدر المؤمن يخضع للكنيسة؟ (كيفاش كتّمارس العضوية)

سبق لي قلت لبّي المؤمنين ماشي غير كينضمّو للكنائس وصافي، ولكن كيخضعو للكنيسة. راه الرب يسوع عطا للكنيسة المحلية على الأرض السلطان باش تربط وتحل، يعني أن الله بغا من المؤمنين كلهم يخضعو للكنيسة المحلية كتعبير على الخضوع ديالهم ليه هو براسو. كيما أن الولد كيكرم الله من خلال أنه يكرم الوالدين ديالو.

كلمة "خضوع" كتخلع بزّاف ديال الناس، وهادشي حيث شفنا بزّاف ديال الفساد في القيادة. حتّى في القيادة ديال الكنيسة نقدرو نشوفو فساد. ولكن وّا هكداك راه الرب كيعلن في الكتاب المقدّس كلّو لبّي راه أسّس السلطة على ود الخير ديالنا والمنفعة ديالنا. الرب ديال الخليقة ستعمل السلطان ديالو باش يخلقنا ويباركنا. وبنفس الطريقة، بغا من الوكلاء ديالو اللّي هو ختارهم باش يستعملو السلطان اللّي تَعْطاهم باش يعاونو الناس لخرين مع حياتهم (متلاً تقدر تفرا صموئيل الثاني 23: 3-4، وحتّى إشعياء 11: 2-10).

شّنو يعني أنّنا نخضعو للكنيسة، و واش هادشي بالحق هو للخير والمنفعة ديالنا؟

## ليلة عامرة بالنجوم

باش نجابو على هاد الأسئلة، أجيو معايا لواحد البلاصة بعيدة شوي من الناس.

واحد المرّة مشيت خيّمتم في لخلا بعيد من المدينة ومن الناس. في الليلة اللّولى، صاوبنا الخيام ديالنا والفراش فين غنعسو تحت النجوم. ماعمرّي شفت شي حاجة بحال هادشي، كان الهوا نقي بزّاف، والنجوم مضويين بزّاف لدرجة أنني قدرت نشوف الضل ديال يدي من الضو ديالها اللّي كيضرب فيّا.

بغيتكم تشوفو معايا هاد السماء، بغيتكم تهزّو راسكم وتشوفو لفوق باش تشوفو السما كحلا وعامرة بالألاف ديال الألباس اللّي كيضوي.

علاش؟ هادي هي الصورة اللّي الرسول بولس رسمها لينا على المؤمنين والكنايس في العالم. بولس هدر مع المؤمنين ديال فيليبي، فيليبي ديك المدينة القديمة، وقال ليهم:

"ديزو كلّشي بلا ما تشكّاو وبلا ما تخصّمو على بعضيّاتكم، باش تّكونو بلا لوم ونقيين. وتكونو ولاد الله، ما فيكم حتى عيب فوسط جيل حياتّه فاسدة، وتضويو وسط الناس بحال الضو فالدنيا"  
(فيلبي 2: 14-15)

المدينة ديال فيليبي في هاد التشبيه هي بحال سما مضلمة وكحلة، وكان خاص المؤمنين يكونو بحال النجوم اللّي كتضوي وكترين ديك السما. المدينة كانت عامرة بالفساد والدنوب، والمؤمنين كان خصاهم يكونو بلا لوم ونقيين.

فهمتي المعنى؟ بولس بغا هاد المؤمنين باش ينورو ويضويو في ديورهم، في خداميهم، في السوق، في الشارع، فين ماكانو في المدينة.

ولكن كايئة واحد الحاجة ماخاصناش نتجاهلوهها في كلام الرسول بولس. الرسول ماشي بغاهم يضويو كل واحد بوحده وصافي، ولكن بغاهم يضويو بشكل جماعي مع بعضياتهم.

بعد ما شفنا الآية اللي كتهدر على النجوم والنور، أجي نشوفو بعض الآيات اللي جاو قبل هاد الكلام، فين الرسول قال للمؤمنين: "اللي مْهُمْ دَابَا، هُوَ تَعِيشُو كَمَا كَيُوصِّيْكُمْ إِنْجِيلُ الْمَسِيحِ" (فيلبي 1: 27). شنو يعني هاد الكلام؟

الرسول بولس رسم جوج صور قدام المؤمنين ديال فيلبي باش يوربهم كيفاش يقدرو يعيشو كيما كيوصيهم إنجيل المسيح. الصورة اللولى كتبان في كيفاش بغا الكنيسة ديال فيلبي تكون، طلب منهم باش "يتبتو في روح وحدة"، وباش يكافحو "بقلب واحد" على ود الإيمان بالإنجيل، وباش "يكونو على رأي واحد"، ويكونو "متاحدين في المحبة بقلب واحد"، و"يفكرو تفكير واحد" (فيلبي 1: 27-2: 2).

هادي تصويرة فيها لون واحد ياك؟ خاص حياتهم كلهم تتوحد وتلبس لون واحد. كان خاصهم يتاحدو ويرسمو نفس الصورة بنفس اللون من خلال أنهم يخضعو لبعضياتهم. وزاد الرسول بولس وصاهم وقال: "وَعَمَّرْكُمْ مَا تُدِيرُو شَيْ حَاجَةً بِالْأَنْبِيَاءِ وَالْإِفْتِيخَارِ، وَلَكِنْ بِالْتَّوَاضُعِ، فَكْرُو دِيمَا تَفْضُلُو غَيْرَكُمْ عَلَى رَأْسِكُمْ. وَحَتَّى وَاحِدٌ مِنْكُمْ مَا يَفْكُرُ غَيْرَ فُمْضَلْحَتُهُ، وَلَكِنْ حَتَّى فُمْضَلْحَةُ النَّاسِ لُخْرِينِ" (فيلبي 2: 3-4). يعني الإتحاد كيبان ملي كل واحد كيخضع لختوتو في الكنيسة.

ولكن قبل ما يختم بولس هاد الصورة أولا الفكرة اللّولى، هو قاطع كلامو ورسم لنا صورة تانية على الخضوع، صورة خاصها تكون نموذج ومثال للصورة اللّولى. صورة ومثال على الإتحاد والخضوع والمحبة اللّية هدر عليهم. قال ليهم: "وَذَاكَتِي اللّية كَتْدِيْزُوهُ خَاصُّهُ يَكُونُ بَحَالِ دَاكَتِي اللّية دَاْرُهُ الْمَسِيْحُ يَسُوْعُ: هُوَ اللّية كَانُ فَالطَّبِيْعَةُ ذُ اللّهِ، عَمْرُهُ مَا فَكْرُ يَسْتَعْلُ الْمَسَاوِيَةِ دِيَالَهُ مَعَ اللّهِ لِمُصْلِحَتِهِ. وَلَكِنْ تَنَارُلُ عَلَيَّ الْقِيَمَةَ دِيَالَهُ، وَخَدَا الطَّبِيْعَةَ دِيَالِ عَبْدٍ، وَوَلِيَّ فُصُوْرَةَ بِنَادِمٍ، وَتُعْرَفُ بَحَالِ بِنَادِمٍ بَيْنَ النَّاسِ. تَوَاضَعُ وَطَاعُ حَتَّى لِّلْمُوْتِ، الْمُوْتِ عَلَيَّ الصُّلَيْبِ. هَادِشِيْ عَلَاشْ رَفَعُ اللّهُ مَقَامَهُ، وَعَطَاهُ إِسْمٌ فَوْقَ مَنْ كُلِّ إِسْمٌ" (فيلبي 2: 5-9).

شفتي العلاقة بين هاد الجوج التصاور؟ هاد الصورة التانية هي الصورة ديال الإنجيل، مليّ المسيح خدا الصورة ديال الإنسان، ومن بعد تصلب، وقام من الأموات. المسيح دار الحوايج اللّية غير هو بوحدو يقدر يديرهم: خلّص التمن والدين ديال الدنوب، وغلب الموت. أما الصورة اللّولى فراها هي صورة لحياة كتليق بالإنجيل. هي حياة مكرسة للمحبة اللّية كتخضع وللإتحاد اللّية كيتواضع بين شعب المسيح.

هادشي اللّية كان بغا الرسول بولس يقولو من اللّول: "واش بغيتو تعرفو كيفاش الإنسان المؤمن بالإنجيل كيعيش بين المؤمنين لخرين؟ شوفو في المسيح اللّية نجّاكم وعتعرفو كيفاش".

وفي هاد النقطة في الرسالة كيرجع الرسول بولس للصورة ديالو اللّولى، وكيشجّعهم باش يزيدو في الطاعة وباش يكملو النجا ديالهم "بِالْخَوْفِ وَالطَّاعَةِ" وقال ليهم: "دَبْرُو كَلِّشِي بَلَا مَا تُشْكَاوُ وَبَلَا مَا تُخَاصِمُو عَلَيَّ بَعْضِيَّاتِكُمْ، بَاشْ تَكُونُو بَلَا لَوْمٌ وَنَقِييْنِ. وَتَكُونُو وُلَادَ اللّهِ، مَا فِيكُمْ حَتَّى عَيْبٌ فَوْسَطَ جِيلِ حَيَاتِهِ فَاسِدَةٌ، وَنُضُوبِيُو وَسَطَ النَّاسِ بَحَالِ الضُّو فَالذَّنْبِيَا" (فيلبي 2: 12-16).

ملّي المؤمنین کیقلّبعوعلی الوحده والإتحاد فی الكنائس دیالهم،  
بالخضوع دیالهم لبعضیاتهم، راه الكنائس دیالهم غادی یتقوّاو وغادی  
ینوّرو فی الضلام.

هادی هی الحیة الّی کتلیق بالإنجیل، وهادی هی الكنيسة الّی کتلیق  
بالإنجیل.

إلانت واعي وعارف شحال دیال الضلام کاین فی هاد العالم، فراه غادی  
تفهم مزیان الجمال دیال هاد الصورة. الضلام دیال العالم کیبان فی شحال  
دیال الطلاق والعلاقات المهرسین کاینین، الضلم والعنصریة، لولاد الصغار  
الّی تخلّاو علیهم والیدیهم، الإدمان والعبودیة دیال البشر. شحال کاین  
دیال الألم، والقلق، والغضب، والکراهیة، والتکبر، وشحال دیال الخداع  
والکدوب. ممکن تكونو شفتو هادشی فی الناس لی قراب لیکم، أولا ممکن  
تكونو شفتو هادشی فیکم نتوما بریوسکم.

شحال یكون زوین کون نقدرنوعمرن کل هاد الضلام فی العالم بالنور.  
هادا هو الدور دیال الكنيسة. واش هادی هی الصورة الّی بغیتو کنیستهم  
تبان علیها؟

### تمنیة دیال الطرق باش نخضعو للكنيسة المحلية

بولس هدر نیشان مع الكنيسة دیال مدینة فلیّی وطلب منهم باش  
یخضعو لبعضیاتهم علی ود المنفعة دیال الناس لخرین، کیمما المسیح  
خضع نفسه للمنفعة دیال المؤمنین بیه.

نفس الحاجة كتنتابق علينا وعلى الكنائس ديالنا المحلية. كيما المسيح خضع حياتو كلها للخير والمنفعة ديالنا، هاكدا خاصنا نخضعو حياتنا كاملة للخير ديال بعضياتنا. ماكينش شي جانب في حياتنا خاصنا نعتابروه بلي عندو أهمية أولا قيمة كتر من الناس لخرين. راه خاص المؤمن يعطي حياتو على ود الكنيسة ديالو بشكل علي، بشكل جسدي، بشكل إجتماعي، بشكل عاطفي، بشكل مادّي، بشكل مهني، بشكل أخلاقي، بشكل روحي.

### بشكل علي

أولاً، خاص المؤمنين يخضعو للكنائس ديالهم المحلية بشكل علي، يعني بشكل رسمي وباين. خاص المؤمنين ينضمّو للكنيسة من خلال أنّهم يلتزمو تجاه جسد محلي ديال المؤمنين، فين غاديين يشاركو العشاء ديال الرب بشكل متناضم. راه الرب يسوع ربط نفسو بالكنيسة ديالو بشكل علي. وحتى حنا خاصنا نربطو نفوسنا بيه وبالشعب ديالو بشكل علي، من خلال أنّنا ننضمّو للكنيسة. (شوف الفصل التامن باش تشوف كيفاش كترتابط هاد النقطة مع الكنيسة المضطهدة).

**بشكل جسدي\جغرافي** (يعني بشكل واقعي في واحد البلاصة محددة في هاد العالم)

تانيًا، خاص المؤمنين يخضعو للكنائس المحلية بشكل جسدي، يعني بالجسد ماشي غير كفكرة عامة وصافي. بالجسد ديالنا كنخضعو من خلال أنّنا كنتجمعو في الجسد مع الكنيسة بشكل متناضم. الكاتب ديال الرسالة للبرانيين كيقول: "وَمَا نَعْيَبُوشْ عَلَى الْإِجْتِمَاعَاتِ دِيَالْنَا كَيْفْ وُلُفُو شِي وُخْدِينْ يَدِيرُو" (عبرانيين 10: 25، قرا حتّا أعمال الرسل 2: 42-47).

وكنصيحة: إلا تقدر، خاصكم تحسبو الناس لخرين حسن من نفوسكم، وخاص كل واحد يفكر في المؤمنين لخرين في الكنيسة، من خلال أنكم تحاولو تسكنو قريب من الكنيسة أولاً من الخوت ديال الكنيسة. ملى المؤمن كيسكن قريب من الكنيسة أولاً من الخوت ديال الكنيسة، فراه كيكون ساهل باش يعرض على الخوت باش ياكلو، وكيكون ساهل على الخوت يعاونو بعضياتهم في الأمور الروحية وحتّى الأمور العادية ديال الحياة. يعني أنه ملى كيكونو الخوت قراب جغرافيًا لبعضياتهم راه كيكون ساهل عليهم يعيشو مجموعين.

ملى كيكون المؤمن غادي يكري شي دار أولاً يشري شي برطمة متلاً، فراه غيكون مزيان يطرحو بعض الأسئلة المزيانين اللّي كيسولو الناس اللّي ماشي مؤمنين (بحال شحال التمن؟ واش كايينين مدارس قراب؟). ولكن راه كايينين أسئلة خرين مزيانين خاص المؤمنين يسؤلوا ريو سههم، بحال:

- واش التمن ديال الدار غيأتر على السخاوة دياالي مع الناس لخرين باش نقدر مازال نعاونهم مادياً؟
- واش البلاصة ساهلة على الخوت باش يقدر يجيوا لعندي للدار باش ناكلو أولاً نديرو دروس التلمذة؟

آخر مرّة أنا وعائلي كنا خاصنا نتحول، هاد المسئلة ديال الخضوع للكنيسة بشكل جغرافي حطّاتي قدام جوج ديور باش نختار بيناتهم، التمن دياهم بجوج كان مزيان وفي المتناول ديالنا، ولكن كانوا مختالفين في أمور خرا. الدار اللّولى كانت جديدة كتر، والتصميم دياها حسن وزوينة بزّاف. وماكانتش كتحتاج لإصلاحات. ولكن المشكل هو أن هاد الدار كانت بعيدة شوية من البناية ديال الكنيسة بـ 30 دقيقة بالطوموبيل، وماكان حتّى واحد من الكنيسة كييعيش قريب منها. أمّا الدار الثانية راه كانت شوية قديمة، وكيدخل ليها بزّاف ديال الريح والبرد، وكان خاصها الإصلاح، وبعض

المزات، السفلي كان كي عمر بالما ملي كتطيح الشتا بزّاف، والدار كانت غلا شوية من الدّار لخرّا. ولكن هاد الدار التانية قريبة بزّاف من الكنيسة، وكانو تقريبا عشرين من المؤمنين ديال الكنيسة كي عيشو حادها. وملي طلبت النصيحة من بزّاف ديال الشيوخ ديال الكنيسة، كلهم نصحوني باش نعطي أولوية للعلاقات مع الخوت في الكنيسة. يعني نصحوني نختار الدار اللي قديمة، ومازويناش بزّاف، وغالية كتر.

نشكر الله حيت ختارينا الدار التانية، هادي كانت بركة كبيرة على كنيستنا كلها. مراني كتواصل مع الأمهات ديال الكنيسة تقريبًا كل نهار. نفس الحاجة مع ولادنا، بداو كيقرّبو كتر للولاد ديال الكنيسة، تقريبًا كيتلاقوا كل نهار حتّى هما. حتّى أنا بديت كنتلاقا تقريبًا كل نهار مع شي أخ من الكنيسة في الصباح بكري قبل نمشيو للخدمة، كنا كنصليو مع بعضياتنا وكنقروا الكتاب المقدّس، ودرت هادشي تقريبًا عام ونص. وفي نفس الوقت تشجعنا كلنا حنا أعضاء الكنيسة باش نبشرو ونخدمو الجيران ديالنا اللي ماكنوش مؤمنين مازال.

واش مفروض على المؤمن يسكن قريب من الأعضاء ديال الكنيسة ديالو؟ لآ، الكتاب المقدس ماكيعطي حتّى شي وصية على هادشي. ولكن هاد الطريقة راها طريقة مزيانة باش توزي المحبة للكنيسة ديالك.

واش الرب يسوع خضع نفسو بشكل جسدي وجغرافي للخير ديالنا؟ أه، هو خلا السما وجا لعندنا للأرض.

## بشكل إجتماعي

تالئًا، خاصنا نخضعو للكنيسة بشكل إجتماعي. ماخاصش الكنيسة في حياتنا تكون بحال غير شي نادي إجتماعي، ولكن في نفس الوقت ماخاصهاش تكون قل من هادشي. راه صحابنا هما الناس اللي كنفقتاديو

بهم وكنتبوعهم. عادةً ماكنحطو فلوسنا فين هما كيحطو فلوسهم، وكترتيو ولادنا كيما هما كيرتيو ولادهم. وكنصليو كيما هما كيصليو. حنا كنشكّو بعضياتنا وكنقتاديو ببعضياتنا (قرا يعقوب 4: 4، وحتى كورنتوس اللّوي 15: 33).

خاص المجتمع ديال الكنيسة المحلية يكون هو البلاصة فين المؤمنين كيشكلو وكينيو بعضياتهم، من خلال العلاقات والصدقات الاجتماعية اللّي كتجمعهم. أكيد راه الأصدقاء المؤمنين عندهم قيمة كبيرة سواء في الكنيسة المحلية أولا حتى بزّ الجماعة ديال الكنيسة. ولكن راه داخل كنيسة محلية وحدة، الأصدقاء كيتشكلو من خلال الكلمة ديال الله والتعليم، وهاكدا كتكون عندهم فرصة باش يزيدو يوسعو الكلمة والتعليم في الحياة ديال بعضياتهم وسط السيمانة.

وفي نفس الوقت خاص الكنيسة تكون بلاصة أمنة فين نقدرود نخرجو شوية من راحتنا وقوقعتنا الاجتماعية. خاص الصدقات يتكونو بين الناس لكبار والشباب، وبين الأغنياء والفقراء، بين المتقفين واللّي ماقارينش بزّاف، بلا ما تفرّق حتى حاجة بين لخوت، لا اللغة، لا لفلوس لا لعمر لا الأصل لا الثقافة ولا حتى حاجة.

واش سبق ليك سمعتي شي صوت في عقلك كييقول: "ولكن أنا مابغيتش نكون صديق لهاد الراجل، هو ماشي بحالي، حنا مختالفين بزّاف. والإهتمامات ديالنا مختلفين بزّاف". هادشي وقع معايا أنا. ولكن لاحض معايا كيفاش كيجاوب الرسول بولس على هاد النقطة: " (الرب يسوع) اللّي كان فالتّبيعة ذ الله، عمّره ما فكّر يُستغلّ المساوية ذبّاله مع الله لمُصلّحته. وَلَكِنْ تَنَزَّلَ عَلَى الْقِيَمَةِ ذبّاله" (أفسس 2: 6-7). المسيح كان هو الله، يعني ماكانش بحالي وبحالك، ولكن ولّا إنسان: بحالنا.

وبنفس هاد التواضع، بغانا الله نحسبو الناس لخرين حسن منّا. فاش  
تقلّب على الأصدقاء والعلاقات الاجتماعية في الكنيسة، قلب على الخير  
ديال الناس لخرين في اللؤل وماشي المنفعة ديالك الشخصية.

## بشكل عاطفي

أكيد راه أهم حاجة كايينة في الصداقات أولا في العلاقات بشكل عام هي  
المشاعر والعواطف. المؤمنين خاصهم يخضعو العواطف والأحاسيس  
ديالهم لبعضياتهم. شنو اللي كيخلينا نحسو بالفرحة أولا بالحزن؟ شنو اللي  
كيخلينا نفرحو أولا شنو اللي كيخلينا نبكيو ونشكيو؟

سمع لشنو قال الرسول بولس للكنيسة ديال كورنتوس: "بَاش مَا  
يُكُونُش التَّفْرِيقُ فَالِدَاتْ، وَلِكِنْ يُكُونُ نَفْسُ الإِهْتِمَامِ عِنْدَ الطَّرَافِ  
لِبَعْضِيَّائِهِمْ. وَإِلَّا كَانَ طَرْفٌ وَاحِدٌ كَيْتَعَدُّبْ، رَاهُ كَاعُ الطَّرَافِ لُخْرِينِ كَيْتَعَدُّبُو  
مَعَاهُ. وَإِلَّا طَرْفٌ وَاحِدٌ تُعْطَاةُ الْقِيَمَةِ، رَاهُ كَاعُ الطَّرَافِ لُخْرِينِ كَيْفَرْحُو مَعَاهُ"  
(كورنتوس اللولى 12: 25ب-26).

وقال الرسول للكنيسة ديال رومية: "بُعْيُو بُعْضِيَّائِكُمْ مِنْ قَلْبِكُمْ بَحَالِ  
الْخُوثِ. وَحْتَرْمُو غَيْرِكُمْ كَثَرُ مِنْ رَاسِكُمْ" (رومية 12: 10).

الرسول كيوصينا باش نفرحو مع الأخ ديالنا في الكنيسة ملي كينجح في  
حياتو، ملي كيترقى في الخدمة وكتزاد الخصلة ديالو، وملي الله كيباركو بأي  
طريقة، خاصنا نفرحو معاه. واش نقدرود نديرو هادشي؟ الله بغا باش المرأة  
اللي مازال مامزوجة وعمرها فاي 30 عام تفرح مع المرأة اللي يالاه  
تزوجات وفي عمرها غير عشرين عام. واش هادشي ممكن؟ واش الراجل  
الفقير يقدر يحزن مع خوه الغني اللي يالاه جزاو عليه من الخدمة؟ الجواب  
ديالنا على هاد الأسئلة خاص يكون هو "أه" بطريقة حساسة عامرة

بالمشاعر والعواطف، وبعيد من الطمع والتكبر، وهادشي كيحتاج تغيير في القلب بالإنجيل والروح القدس.

راه باش نقدرو نطيعو الوصية ديال بولس ملي قال: "كُونُو مَتَّاحِدِينَ فَأَلْمَحَبَّةَ بَقَلْبٍ وَاحِدٍ ... وَعَمَزْكُمْ مَا نُدِيرُو شِي حَاجَةَ بَالْأَنَانِيَّةِ وَالْإِفْتِيحَارِ، وَلَكِنْ بَالْتَوَاضُعِ، فَكَّرُو دِيمَا تَقْضُلُو غَيْرَكُمْ عَلَى رَاسِكُمْ" (فيلبي 2: 2-3) خاصنا نعرفو المحبة ديال هاداك الشخص اللي عطا كلشي على ود الخير ديالنا، باش نقدرو نتعلمو متو كيفاش نحبو.

## بشكل مادي

خاص المؤمنين يخضعو للكنايس ديالهم المحلية من الناحية المادية حتى هي. هاد النقطة تقدر تختلف من بلاصة لبلاصة خرا. ولكن بغض النظر على كيفاش خاص كل كنيسة تطبقها، راه بشكل عام خاص المؤمنين يقبلو على طُزُق باش يكملو الوصايا ديال كتاب الله. بغيت نشارك معاك جوج طُرق من الكتاب المقدس:

- "عاوَنُو الْمُؤْمِنِينَ الْمُحْتَاجِينَ، وَدِيمَا صَافِيُو الْبَرَانِيِّينَ" (رومية 12: 13، وحتى في غلاطية 2: 10، ويوحنا الأولى 3: 17)
- "أَمَّا مَنْ جَهَّةَ الْجُمُيعِ دِيَالِ التَّبَرُّعَاتِ لِلْخُوتِ الْمُقَدَّسِينَ، دِيرُو حَتَّى نُنَمَّ كَيْفَ وَصِيَّتِ الْكُنَائِسِ ذُ غَلَاطِيَّةِ. فَالْتَهَازِ اللُّوْلُ فُكْلُ سِيمَانَةِ، كُلُّ وَاحِدٍ مِنْكُمْ خَاصُّهُ يَحَبِّي عِنْدَهُ دَاكْسِي اللَّي وَفَرُّ مِنْ الرِّبْحِ دِيَالِهِ، بَاشْ مَلِّي نَجِي لِعِنْدِكُمْ مَا نُحْتَا جُوشِ عَادُ تَجْمَعُو التَّبَرُّعَاتِ" (كورنتوس الأولى 16: 1-2، رومية 15: 26)

- "إِيوَا رَاهَ هَكَأَ أَمْرُ الرَّبِّ بَاشْ حَتَّى اللَّي كِيخَبَّرُو بَالْإِنْجِيلِ يَعِيشُو مِنْ الْإِنْجِيلِ" (كورنتوس الأولى 9: 14، وحتى 9: 11-13،

ومتى 10:10، لوقا 7:10، غلاطية 6:6، وتيموتاوس الأولى  
5:17-18).

## بشكل مهني

خاص المؤمنين يخضعو للكنيسة المحلية من جبهة الخدمة دياهم. هادشي يقدر يعني بلي بعض المؤمنين غيخصهم يخدمو في الكنيسة ويتخلصو على ديك الخدمة إلا كانت الكنيسة قادرة مادياً. أما بالنسبة للمؤمنين لخرين، فراه هادشي كييعني أننا خاصنا نفهمو بلي الحياة ديال أعضاء الكنيسة غتدوم للأبد، أما الخدمة الأرضية فراها وقتية وفانية.

كنعرف رجال وعيالات كيخدمو في خدامي عاديين ديال هاد العالم، اللي رفضو فلوس وترقيات، وتخلأو على شركات كبار باش يخدمو في خدامي صغار كلشي هادشي على ود الكنائس المحلية دياهم. وكنعرف ناس رفضو يتحولو من المدون دياهم. في كل هاد الحالات، هاد المؤمنين رفضو هاد الفرص المهنية دياهم حيث كانو عارفين بلي إلا قبلو هاد الفرص فراه هادشي غادي يوقف في طريقهم باش يخدمو كنيستهم وعائلتهم الروحية. عرفت ناس خرين كانو رفضو يخدمو في نهارات الحد، أولاً خرجو من خداميهم حيث كان مفروض عليهم يخدمو بنهار الحد، ماشي كانو بغاو يرتاحو في الويكاند، ولكن حيث الكنيسة كتجتمع بنهار الحد.

المؤمنين خاصهم يكونو مستعدين يخدمو ويغيو الكنيسة كتر من الخدامي دياهم الأرضية.

## بشكل أخلاقي

خاص المؤمنين يخضعو للكنائس دياهم بالأخلاق دياهم. هادشي ماكيعنيش نخليو الكنيسة المحلية تكون هي السلطة العليا، كيما الولد

الصغير خاصو يحتارم والديه وماشي يعتبرهم أعلى سلطة في حياتو كتر من الله براسو. ولكن راه خاص المؤمن يمشي للكنيسة باش ترشدو أخلاقياً، وتحاسبو على حياتو الروحية، وتأدبو على المسائل اللي كتهدر عليها الكلمة ديال الله.

الرسول بولس قال: "آ الْخُوتْ، إِلا دَا زِ شِي وَا حَدْ شِي دَنْبْ، رَاه وَا حُجْبْ عَلِيكُمْ نْتُمْ اللِّي كْتَعِيشُو بَحَسْبِ الرُّوحِ الْقُدُسْ تَرْدُوهُ لِّلطَّرِيقِ بُرُوحِ الصَّرَافَةِ. وَكُلُّ وَا حَدْ مَنَّكُمْ خَاصُّهُ يَرْدُ الْبَالِ بَاشْ مَا يُطِيحْشِنْ حَتَّى هُوَ فَالْتَّجْرِبَةِ" (غلاطية 6: 1). وكيقول يهودا: " وَغَثُّو وَحْدِينْ خَرِينْ، وَبَعْدُوهُمْ مِنْ الْعَافِيَةِ" (رسالة يهودا الآية 23). راه الكنيسة المحلية هي البلاصة الرئيسية اللي فيها خاصنا نعاونو المؤمنين لخرين باش يجاهدو ضد الدنوب ديالهم، وهي البلاصة اللي فيها خاصنا حتى حنا نكونو منفاتحين باش خوتنا يقدرو يعاونونا.

"إِلا دَنْبْ حُوكْ فَحَقِّكْ، سِيرْ عَنْدُهُ وَخَاصُّمْ عَلَيْهِ غَيْرِ بَيْنِكَ وَبَيْنُهُ" (متى 18: 15). "إِلا سَمِعْ لِيكَ عَنَّا كُونْ رِيحِي حُوكْ، وَإِلا مَا بُعَاشْ يُسَمِعْ، دِّي مَعَاكْ وَا حَدْ وَا جُوجْ بَاشْ كُلُّ كَلِمَةِ تَبَّتْ بِالشُّهَادَةِ دِيَالِ جُوجْ وَا ثَلَاثَةِ ذُ الشُّهُودِ. وَإِلا مَا بُعَاشْ يُسَمِعْ لِيهِمْ، كُولَهَا لِلنَّاسِ ذُ الْكُنَيْسَةِ" (متى 18: 15-17).

كل هادشي راه هو جزء من الخضوع ديال كل مؤمن للكنيسة المحلية من جبهة الأخلاق.

## بشكل روجي

وفي الأخير، راه خاص المؤمنين يخضعو للكنيسة المحلية بالروح. وهادشي كييعني ثلاثة ديال الحوايج:

أولاً، هاد الجماعة هي البلاصة اللي فيها خاصنا نبغيو نمارسو المواهب الروحية ديالنا. كيقول الرسول بولس: "لِكِنْ كُلُّ وَاحِدٍ كَيْتَعُظَاهُ الرُّوحُ الْقُدُسُ بَاشْ يُبَيِّنُ الْمُوهَبَةَ الَّتِي كَتَنَفَعُ" (كورنتوس اللولى 12: 7).

تانياً، الكنيسة المحلية هي الجماعة اللي فيها خاص المؤمنين يبنو ويقويو بعضياتهم في الإيمان من خلال كلمة الله. كيما كتب يهودا في الرسالة ديالو: "وَلَكِنْ نُنْتُمْ آخُوْتُ الْعَزَازِ، قُوِيُو حَيَاتِكُمْ فِيمَانِكُمْ الْمُقَدَّسِ، وَصَلِّيُو فَالرُّوحُ الْقُدُسُ. تُبْتُو فَمُحَبَّةَ اللَّهِ، وَنُنْتُمْ كَتُسْنَاو رَحْمَةً رَبَّنَا يَسُوعَ الْمَسِيحِ بَاشْ يُعْطِيَكُمْ الْحَيَاةَ الدَّائِمَةَ" (يهودا 20-21، وحتى أفسس 4: 11-32، وعبرانيين 10: 25).

تالتاً، راه الكنيسة هي الناس اللي خاص ديما نصليو من أجلهم.

## الخضوع للحاجة اللي ماكتبانش زوينة لينا

بكل صراحة، راه الناس ماكيخافوش من الخضوع، ولكن المشكل هو أن الناس كيفضلو يخضعو للحوايج اللي كيبانو زوينين قدام عينيهم، بحال داك البطل القوي اللي كيخضع نفسو للأميرة الزوينة الجميلة وكيدير كل ما في جهدهو باش ينقدها.

الحاجة العجيبة في المسيحية، هو أن البطل ماكيخاطرش بكل شي على ود بنت زوينة، ولكن من أجل واحد المرأة اللي الكتاب كيشببها بالمرأة اللي كتبان خايبة. ومن بعد الله كيطلب من كل واحد نجاه باش يخضع لهاد المرأة، العروسة اللي مازال كتوجد راسها للعريس، الكنيسة.

بالحق راه الخضوع للحاجة اللّٰي كتبان خايبة في عينين الإنسان هي حاجة كتخلعنا. وهادا هو الواقع مع الكنيسة المحلية. راه الكنائس هما عامرين بناس مُدنيين بحالنا. ولكن المسيح أمرنا باش نحَبّو بعضياتنا: "وَرَانِي كَنُوصِيَّكُمْ وَصِيَّةَ جَدِيدَةَ: بَغِيؤُ بَعْضِيَّاتُكُمْ. وَكَمَا بَغِيئْتُكُمْ أَنَا، بَغِيؤُ حَتَّى نُنْمَ بَعْضِيَّاتُكُمْ" (يوحنا 13: 34).

راه المحبة ديال المسيح كتغيّر القباحة للجمال بطريقة عجيبة (قرا أفسس 5: 22-31). وخاص المحبة ديانا لبعضياتنا تدير نفس الحاجة. خاصها تعاون القبيح يوّلي زوين.

شكون يقدر يحب هاكدا؟ غير هادوك اللّٰي عينيهم تفتحو وقلوبهم تحرّرو من العبودية ديال محبة هاد العالم: "وَأِلَّا حَرَّزْكُمْ الْوَلَدُ، غَادِي تَحْرُزُّو بِالصَّبْحِ" (يوحنا 8: 36).

## كيفاش خاص تكون العلاقة ديال الأعضاء بالرعاة؟

كل عضو في الكنيسة غادي يوقف قدام العرش ديال الله باش يتحاسب على كيفاش خدم وجاهد باش يقوي الإنجيل في الحياة ديال خوتو لخرين في الكنيسة اللي حتا هما أعضاء في نفس الكنيسة (قرا غلاطية 1). واخا هكداك، راه الروح القدس كيحط الرعاة والشيوخ كمُشرفين على الكنيسة ومسؤولين عليها (أعمال الرسل 20: 28، تيطس 1: 7، بطرس اللولى 5: 2). هادشي كييعني أن الله عطا للرعاة والشيوخ دور المشرفين والمُرشدين في الحياة اليومية ديال الأعضاء ديال الكنيسة. هادشي علاش عادة راه الخضوع للكنيسة المحلية كييعني الخضوع لهاد المسؤولين. ولكن بشكل عام، كيفاش خاص تكون العلاقة بين الأعضاء ديال الكنيسة والرعاة؟

1. خاص الأعضاء يختارو ويصادقو على الرعاة ديالهم بشكل رسمي. بزاف ديال التقاليد كيخالفو شوية في التطبيق ديال هاد النقطة، ولكن كنضن بلّي راه بما أن المؤمنين هما اللي عندهم المسؤولية الكاملة قدام الله على التعليم في الكنيسة (قرا غلاطية 1)، فراه الأعضاء ديال الكنيسة عندهم المسؤولية باش يختارو القادة ديال الكنيسة ديالهم.

2. خاص الأعضاء ديال الكنيسة يكرموا الرعاة ديالهم. كييان بلّي المجتمعات ديالنا غاديين وكيزيدو يفهمو التكريم بشكل غلط. ولكن راه الكتاب المقدس ديما كيوصي باش

لولاذ يكرموا والديهم، وبنفس الطريقة خاصنا نكرموا الرعاة ديالنا. في الحقيقة الكتاب المقدس كيعلّمنّا بلي خصنا نعطيوا كرامة زائدة للرعاة ديالنا. كييقول الرسول بولس: " رَاهُ الْمُسْؤُولِينَ ذُ الْكُنَيْسَةِ الِّي كَيْدِيرُو خُدْمَتُهُمْ مُزْيَانُ، كَيْسْتَاهَلُو يَتْعَظَاهُمْ كَثْرَ، خُصُوصًا الِّي عِنْدَهُمْ مَسْؤُولِيَّةٌ كَبِيرَةٌ فَالْوَعْظُ وَالتَّعْلِيمُ... الِّي كَيُخَدِّمُ كَيْسْتَاهَلُ الْخُلَاصَ ذِيَالَهُ " (تيموتاوس اللّولى 5: 17-18).

3. خاص الأعضاء يخضعوا للرعاة ديالهم. خاصنا نزرعو هاد الجوج آيات من الرسالة ديال العبرانيين في الفهم ديالنا للحياة الروحية: "تَفَكَّرُوا الْمُسْؤُولِينَ ذِيَالِكُمْ الِّي خَبَّرُوكُمْ بِكَلَامِ اللَّهِ، وَشُوفُوا مُزْيَانَ كَيْفَاشْ كَمَلَاتْ حَيَاتُهُمْ، كُونُوا بِحَالِهِمْ فَأَلِيْمَانُ" (عبرانيين 13: 7). "طِيعُوا الْمُسْؤُولِينَ ذِيَالِكُمْ وَدِيرُوا بِكَلَامِهِمْ، حَيْثُ كَيَرُدُّو لِيَكُمُ الْبَانَ بِحَالٍ إِلَّا عَيْتَحَاسِبُوا عَلَيَّ هَادِشِي، بَاشْ يَدِيرُوا خُدْمَتَهُمْ بِالْفَرَحَةِ مَاشِي بِالْجَمِيلِ حَيْثُ هَادِشِي مَا عِنْدَكُمْ فِيهِ رِبْحٌ" (عبرانيين 13: 17).

4. الأعضاء ديال الكنيسة خاصهم يصلّيو من أجل الرعاة ديالهم. راه الرعاة هما اللي بحياتهم والتعليم ديالهم كيعاونوا وكيقويوا الكنيسة المحلية. واش ماغيكونش نافع نصليوا من أجلهم بالخصوص؟

5. خاص الأعضاء ديال الكنيسة يواجهوا الرعاة اللي ماشي مؤهلين باش يخدموا الرب. بما أن القادة ديال الكنائس ديما كيكونوا في المقدمة راهم كيكونوا معرّضين لهجومات ديال الشرير والعالم، وهادشي علاش الرسول بولس قال بلي ضروري أي كلام أولا إتهام ضد شي قائد خاصو يكون على فم جوج ديال الشهود أولا ثلاثة (تيموتاوس اللّولى 5: 19). ولكن واحّا هكداك راه المؤمنين الأعضاء ديال

الكنيسة ماخصهم يخلّيو شي راغي أولا شيخ أولا أي  
مسؤول في الكنيسة ماشي مؤهل لديك الخدمة.  
6. الأعضاء ديال الكنيسة خاصهم يعزلو ويخرّجو من الكنيسة  
الرّعاة اللي كينكرو الإنجيل. ملّي دخلو المعلمين الكدّابين  
للكنيسة ديال غلاطية، بولس ماخاصمش على الشيوخ  
والمسؤولين ديال الكنيسة، هو هدر قاسح مع الكنيسة  
كاملة. وإلا الرّعاة بداو ينكرو الإنجيل ديال المسيح، أولا  
بداو كيعلّمو هرطقات ضد كلام الله، فراه الله كيوصّي  
أعضاء الكنيسة باش يحدوهم من المسؤولية ويخرجوهم  
من الكنيسة.

## شنو كيوقع ملى أعضاء الكنيسة ماكيملتوش الرب يسوع؟

واحد النهار زرت المكتبة الوطنية في مدينتي، ولقيت العدد اللؤلؤ الرسمي ديال واحد الجريدة معروفة ديال الأخبار سميتها "أخبار أمريكا والعالم"، العدد اللؤلؤ خرج من بعد الهجوم اللي وقع في نيويورك في شهر تسعود ديال عام 2001. في هاد العدد كينة واحد التصويرة ديال واحد الراجل كالس فوق الدروج ديال الكونغرس الأمريكي وهاز الراية ديال أمريكا. هاد الراجل سميتو هيرمونو. وماكانتش عندو كنية. في البطاقة الوطنية ديالنا مكتوب "مجهول الكنية". هيرمونو كان مواطن من أصل إندونيسي، ولكن كان كيحب أمريكا بزّاف وحتىّ البلاد ديالو.

هيرمونو كان مستقر في أمريكا شي سنين ملى واحد النهار تلاقا مع واحد المؤمن بالمسيح سميتو دوج في واحد المركز تجاري في العاصمة واشنطن. هادشي وقع في ربعة من شهر ستة عام 2001. دوج شارك الإنجيل مع هيرمونو. وهيرمونو سمع وأمن بالمسيح، وتمّا تولد من الروح.

ومن بعد شي شهور، هيرمونو تعمد في الكنيسة ديالي، وأنا اللي ديرت معاه المقابلة باش يولي عضو في كنيستنا. الكنيسة قبلاتو وعلنات بلي مواطن جديد دخل للمملكة ديال الله.

الكنيسة فرحات ملى شافت الحماس ديال هيرمونو، الضرافة ديالو والسخاوة ديالو. واحد المرة مشا شرا بزّاف ديال الطباسل ولمعالق وكيسان غير باش يقدر يضايف كل الرجال ديال الكنيسة، حيث كلهم كان عندهم

تأثير في التلمذة ديالو وعلاقتو بالمسيح. عرض عليهم كلهم باش ياكلو في دارو، هو كان كيحب الكنيسة بزّاف، والكنيسة كانت كتحبّو.

شي شهر من بعد هيرمونو انضم للكنيسة، الشيوخ ديال الكنيسة عرفو بلّي هيرمونو كان كيخدم بشكل غير قانوني في البلاد. كان كدب عليهم من جيهة خدمتو، وكان مازال كيكدب على الشاف ديالو في الخدمة اللّي كان كيضن بلّي عندو لوراق وكلشي قانوني معاه. ختالفو الخوت في الأراء ديالهم على الحريك والكدوب والحالة الغير قانونية ديال هيرمونو، هادشي حيت حتّى الحكومة الأمريكية ماكانتش كتطبّق القوانين ديال الهجرة. ولكن كانت واحد الحاجة واضحة: راه ماخاصش المؤمن يكذب على المدير ديالو في الخدمة وماخاصش المؤمن يدير التزوير كيف ماكان. الرب يسوع ماكيكدبش، والمؤمنين اللّي كيتمتلوه حتّى هما ماخاصهومش يزيديو في الكدوب.

لواحد المدة بقات الكنيسة كتشجّع هيرمونو باش يعترف بالحقيقة ويصحّح الوضعية القانونية ديالو، وحاولات الكنيسة تعاونو مادّيًا، ولكن رفض. بعض المرات كيبان بحال بدا كيسمع وكيرطاب، ولكن من بعد كيقسّح قلبو كتر، كان باغي يبقا في أمريكا واخًا يوقع اللّي وقع. بان بحال كان كيغطي قيمة لأمریکا كتر من كلمة الله.

وفي الأخير، واخًا كان صعيب هادشي على الكنيسة، ولكن قرّرات الكنيسة كاملة باش تادّبو وتعزلو من الجماعة حيت رفض يقول الحق. وقالو ليه بلّي مايقدرش مازال يقولو بلّي هو مؤمن أولاً يعترفو بلّي هو مواطن في مملكة الله. و وضاوه باش مايقاش يشارك في عشاء الرب، وجمدو العضوية ديالو في الكنيسة.

النهار اللّي قرّرات الكنيسة هادشي كان كل واحد حزين بزّاف.

## شنو هو التأديب ديال الكنيسة؟

شنو هو التأديب ديال الكنيسة؟ بشكل عام، التأديب ديال الكنيسة هو جزء من العملية ديال التلمذة. هو فين الكنيسة كتصحح الدنوب ديال المؤمن وكترشدو للطريق الصحيح. التلمذة ديال المؤمن كتعني بزّاف ديال الحوايج، ومن بين هاد الحوايج كتعني أن المؤمن يتأدّب وينضابط. المؤمن كيتأدّب وكينضابط من خلال التعليم والتصحيح. بحال في المدرسة، المعلم كيغطي الدرس، ومن بعد كيخلي التلامد يديرو التمرين ومن بعد المعلم كيصحح الخدمة ديال التلامد وكيرشدهم. إذن، راه التأديب ديال الكنيسة كيبدا بشكل غير رسمي، يعني بشكل شخصي وسري ملي الراعي أولا شي أخ في الكنيسة كيهضر مع الأخ أولا الأخت اللي كيديرو الدنوب ومباغاش يتوبو.

أما الشكل الرسمي ديال التأديب ديال الكنيسة، هو ملي الكنيسة كتعزل وكتخّج داك الشخص من العضوية ديال الكنيسة وماكتسمحش ليه يشارك في العشاء ديال الرب. الكنيسة ماتطلبش من هاد الشخص باش مايبقاش يجي للإجتماعات العامة ديال الكنيسة، بالعكس الكنيسة بغات هاد الشخص يسمع للوعظ ويتعلّم من الكلمة ديال الله. الفرق هو أن الكنيسة دابا كتقول لهاد الشخص بلي مايمكنش تأكّد على الإيمان ديالو، وهاكدا كترفض المشاركة ديالو في العشاء ديال الرب. وهاكدا كتعزلو، أولا كتخرجو من الشركة الخاصة بين الأعضاء ديال الكنيسة.

أشهر بلاصة في الكتاب المقدّس كتهدر على التأديب ديال الكنيسة كاينة في إنجيل متى الفصل تمنطاش، ولكن كاين بلاصة خرا في الكتاب حتّى هي معروفة ومهمة. كاينة رسالة كورنتوس اللولى الفصل خمسة، في هاد الفصل الرسول بولس كيوّبّخ الكنيسة ديال كورنتوس حيت كانو "مُتَكَبِّرِينَ"

مَلِي تَسَاهَلُو وَقَبَلُو وَاحِدَ الرَّاجِلِ فِي الْكَنِيسَةِ كَانَتْ "عَنْدَهُ عِلَاقَةٌ مَعَ مَرَاةٍ بَاهٍ"، وَقَالَ لِيَهُمُ الرَّسُولُ بُولَسُ: "رَاهُ كَانُ خَاصِّكُمْ تُحَزُّنُو حَتَّى يُخْرَجُ مِنْ بَيْنَاتِكُمْ هَذَاكَ اللَّيِّ دَاژُ هَذَا الْفُعْلَةَ!" (كُورِنْتُوسُ اللَّوْلَى 5: 2)، بَاشُ يَقْدَرُو "يَحَاسِبُوهُ" (كُورِنْتُوسُ اللَّوْلَى 5: 12)، وَبَاشُ "يَعْزَلُوهُ وَيُخْرِجُوهُ" (كُورِنْتُوسُ اللَّوْلَى 5: 13)، وَبَاشُ "يَتَّعْطَى لِّلشَّيْطَانِ" (كُورِنْتُوسُ اللَّوْلَى 5: 5)، يَعْنِي لِّلْمَمْلَكَةِ إِبْلِيسِ، اللَّيِّ هِيَ الْعَالَمُ. مَا بَقَاشُ مُمْكِنٌ لِّلْكَنِيسَةِ تَقُولُ بَلِي هَادُ الشَّخْصُ هُوَ مُوَاطِنٌ فِي مَمْلَكَةِ اللَّهِ، حَيْثُ الْوَاحِدُ الْمُوَاطِنُ دِيَالُ مَمْلَكَةِ السَّمَاءِ مَا يُمْكِنُشُ يَزِيدُ يَدِيرُ دُنُوبَ بَحَالُ هَادُو.

مَاتَنَسَاشُ بَلِي بَاشُ يَكُونُ الْمُؤْمِنُ عَضُو فِي الْكَنِيسَةِ رَاهُ هَادُشِي كِيَعْنِي أَنَّهُ يَكُونُ كِيَمْتَلُّ الرَّبُّ يَسُوعُ. إِذِنْ رَاهُ التَّأْدِيبُ هُوَ الْخَطْوَةُ الصَّحِيحَةُ اللَّيِّ خَاصَّ الْكَنِيسَةِ تَاخُدُ مَلِي شَيْ شَخْصٌ كِيَقُولُ هُوَ مُؤْمِنٌ كِيَجِيبُ الْعَارَ وَالتَّجْدِيفَ لِاسْمِ الرَّبِّ يَسُوعُ.

## شَنُو هُوَ الْهَدْفُ دِيَالُ التَّأْدِيبِ دِيَالُ الْكَنِيسَةِ؟

التَّأْدِيبُ دِيَالُ الْكَنِيسَةِ عِنْدُو عَلَى الْأَقْلِ خَمْسَةُ دِيَالِ الْأَهْدَافِ:

أَوَّلًا، الْهَدْفُ دِيَالُ التَّأْدِيبِ هُوَ الْكَشْفُ، يَعْنِي يُخْرَجُ كَلْشِي لِلضُّو دِيَالِ النَّهَارِ. رَاهُ الدُّنُوبُ هُمَا بَحَالُ شَيْ سِرْطَانِ، كِيَعْجَبُهُمْ يَتَّخِبُو وَمَا يَبَانُوشُ. وَلَكِنْ التَّأْدِيبُ كِيَخْرَجُ هَادُ الْمَرَضُ لِلضُّو بَاشُ نَشُوفُوهُ وَنَحِيدُوهُ بِالزَّرْبَةِ مِنْ حَيَاتِنَا (قَرَا كُورِنْتُوسُ اللَّوْلَى 5: 2).

تَانِيًا، الْهَدْفُ دِيَالُ التَّأْدِيبِ هُوَ التَّحْدِيرُ أَوَّلًا الْإِنْدَارِ. رَاهُ الْكَنِيسَةُ مَا كَتَبَتْ بَقَشُ الْحُكْمِ أَوَّلًا الدِّينُونَةَ دِيَالِ اللَّهِ مِنْ خِلَالِ التَّأْدِيبِ، يَعْنِي مَا كَتَحْكَمُشُ عَلَى الشَّخْصِ بِصِفَةِ نَهَائِيَّةٍ. وَلَكِنْ هِيَ غَيْرُ كَتَعْطِي صُورَةَ

صغيرة كترمز للحكم والدينونة العظيمة ديال الله اللي غتجي في آخر الزمان (كورنتوس اللّولى 5: 5).

تالّئاً، الهدف ديال التّأديب هو باش الشخص ينجا. الكنيسة كتأخذ خطوة التّأديب ملي كتشوف بلي شي عضو غادي في طريق الموت، وكيكونو هدرو معاه قبل وعلموه ووزاوه ولكن مازال مابغاش يغيّر طريقو. في هاد الحالة كيحي التّأديب ديال الكنيسة بصيفتو آخر خطوة وفرصة قدام هاد العضو (كورنتوس اللّولى 5: 5).

رابعاً، الهدف ديال التّأديب هو الحماية. كيما السرطان كينتشر من بلاصة لبلاصة في الجسم ديال الإنسان، هاكك الدنوب كيدوزو من شخص لشخص آخر (كورنتوس اللّولى 6: 5).

خامساً، الهدف ديال التّأديب هو يعطي شهادة مزيانة على الرب يسوع المسيح. التّأديب ديال الكنيسة كينفع المؤمن وحتّى الناس اللي مازال ماشي مؤمنين. حيث هو كيعاون الشعب ديال الله باش يبقاو متميزين وجدّابين في عينين الناس اللي كيشوفو فيهم (قرا كورنتوس اللّولى 5: 1). ماخصناش ننساو بلي الكنائس خاصهم يكونو ملح ونور في هاد العالم، راه الرب يسوع قال: "نُتَمُّ المُلْحَةِ دِيَالِ الأَرْضِ، وَإِلَّا مُسَّاسْتُ المُلْحَةَ أَشْنُو اللِّي غَيْرُجُعَ لِيهَا المُلُوحِيَّةُ دِيَالِهَا؟ رَاهَا مَا بَقَاتْ صَالِحَةٌ لُوَالُو، مِنْ غَيْرِ تُلَاخِ عَلَيَّ بُرًّا وَنِعْفَسُو عَلِيَّهَا النَّاسُ" (متى 5: 13).

هيرمونو ختبع الدنوب ديالو، ماكانش باغيهم يبانو ويخرجو للضو. ولكن ملي الله خرّجهم للعلن، هو ماكانش باغي يتعامل معاهم وماعتابره مش دنوب، وكان كيشوف فيهم على أنهم "شي حاجة ضرورية كان خاصو يديرها" أولاً "ماشى شي حاجة خطيرة". ولكن خدعو وكذب عليه القلب ديالو اللي كان كيجب حاجة خرا من غير الرب يسوع.

وحيث الكنيسة كانت كتحب هيرمونو، ماكانتش بغاتو يبقا مخدوع وعايش في الضلام. مايمكنش الكنيسة تبغي هاد الحالة لأي واحد. الكنيسة بغات تحدرو وتنجيه، الكنيسة كتبغي تحمي المؤمنين الجداد اللي يقدرو يطيحو في الفخ ديال أنهم يدافعو على الكدوب والدنوب ويقللو من الخطورة ديالهم، وفي نفس الوقت، راه الهدف ديال الكنيسة هو تحافض على الإيمان والحياة اللي كيميزوها.

وهاكدا راه الكنيسة من خلال التأديب ديالها لهيرمونو، كشفات على المحبة ديالو الحقيقية اللي كانت للعالم وماشي للمسيح والكلمة ديالو، وسلماتو للإختيارات ديالو. في الأخير راه الكنيسة قالت شي حاجة بحال هاكدا: "راك ماختاريتيش الرب يسوع، وهادشي علاش ماتقدرش تكون مع الرب يسوع".

الهدف ديال كل تأديب كتديرو الكنيسة خاص يكون الدافع ديالو والهدف ديالو هو المحبة: محبة للشخص اللي الكنيسة كتأدبو، محبة للكنيسة براسها، ومحبة للناس ديال العالم اللي كيشوفو فينا، ومحبة للمسيح.

كيقول لينا الكتاب في عبرانيين 12: 6: "حيث اللي كينبغيه الرب كيربي، وكينضرب كاع وولده اللي كيقبلهم". وإلا ماطبقتناش التأديب في الكنيسة، راه بحال إلا قلنا بلي المحبة ديالنا هي حسن من المحبة ديال الله.

الله كي يعرف بلي بالمحبة ديالو كتأدبنا، وبلي التأديب كي عطي الحياة، والنضج، والصحة الروحية المزيانة، كيقول الكتاب: "الله كيربينا على ودم المنفعة ديالنا باش نكونو مقدسين بحاله" (عبرانيين 12: 10). بالصح راه التأديب يقدر يكون مؤلم ومُحزن، ولكن راه نافع: "كل تربية فاللؤلؤ كتقلق، وما كتبانسش باللي هي شي حاجة اللي كتفرح، ولكن من بعد رها كتعطي الغلة ذالها والتقوى فهادوك اللي ترباوا" (عبرانيين 12: 11).

## فوقاش خاص الكنيسة تطبّق التأديب؟

بكل إختصار، الكنيسة خاصها تطبّق التأديب ملّي شي واحد كيدنب. خاص الأعضاء ديال الكنيسة يتعلّمو كيفاش يواجهو الذنوب بشكل شخصي وبكل حنان مع بعضياتنا. التأديب ماكيعنيش أننا نهزو السمطة ونضربو الأخ ديالنا بلا رحمة كل مرة كيدير شي ذنب. كايينين أوقات فين حسن مانقولو والو. وملّي كيكون خاصنا نهذرو ونواجهو المشكل، أحسن حاجة نقدرو نديرو في اللؤل هو نطرحو الأسئلة، باش نتأكدو من الأحداث، وخاصنا نعتابرو الأخ أولا الأخت بريء حتّى يبان الحق. هادشي علاش خاص الكنيسة تقوي العلاقات بين الأعضاء باش يكونو قادرين يقبلو التصحيح والتحذير الشخصي السري من بعضياتهم، وباش الأعضاء يشوفو هاد الحق على أنه دليل على المحبة وماشي شي حاجة خرا.

أما التأديب الرسمي اللّي كتديرو الكنيسة كاملة، فراه حسن نخليوه غير للذنوب الكبار اللّي كيكون عندهم تأثير كبير على العضو وعلى الكنيسة، ملّي الكنيسة كلها ماكتبقاش قادرة تقول بلّي هاد العضو هو مؤمن بالمسيح وكيمتّل الرب يسوع ومملكنتو. ممكن هاد العضو مازال غادي يقول بلّي هو مؤمن بالمسيح، ومازال غيشوف راسو بلّي كيمتّل المسيح، ولكن في هاد الحالة كيولّي صعيب على الكنيسة تيق وتقبل كلامو بسباب الذنوب الكبار اللّي كيدير.

خّليني نشرح هاد النقطة شوية كتر: راه كايين فرق كبير بين الذنوب اللّي كنتوقعو من المؤمنين يديروهم حيت المؤمنين مازال مُدنيين، وبين الذنوب اللّي كتخلّينا نفكرو بلّي الشخص اللّي كيديروهم هو ماشي مؤمن كاع. نقدرو نقولو بلّي التأديب ديال الكنيسة الرسمي خاصو يتدار في الحالة الثانية. التأديب الرسمي ديال الكنيسة ماخاصوش يكون على الذنوب

الصغار الّتي غير يقدرؤ يبرزطو بعض المؤمنين في الكنيسة، ولكن خاصو يكون مّلي الجماعة كاملة ديال المؤمنين في الكنيسة كيشوفو بّلي هاد العضو مابقاش كيبان بّلي هو مؤمن بالمسيح. مّلي كيوتّي صعبب أولا مستحيل الكنيسة تيق في كلام داك الشخص، هكدا كيفقد المصادقية ديالو. يقدر هاد الشخص يدّاعي بّلي هو "تايب" أولا يقدر يقول بّلي كلشي بخير وكل حاجة في حياتو مقادّة ومزيانة، ولكن مازال الكنيسة ماتقدرش تيق بكلامو. هنا الكنيسة كتحدّد متو المصادقة ديالها والتأكيد ديالها على الإيمان ديالو. كتحدّد متو "الباسبور ديالو" وكتعلن بّلي مابقاتش كتأكد على أن هاد الشخص هو مواطن في مملكة الله.

متلاً نقدرؤ نقولو بّلي كاين فرق بين الكدوب الّتي الإنسان كيتوب منهم، والكدوب الّتي الشخص كيبني عليهم حياتو وكيرفض يتوب منهم. هاد النوع الثاني هو النوع الّتي كان في حياة هيرمونو.

واش هادشي كييعني أن الكنائس خاصهم يعرفو شنو كاين في القلوب ديال البشر؟ أكيد لا. الله معطانا ش عينين فيهم سكانير باش نشوفو أفكار الناس وشنو كاين في قلوبهم. ولكن الله بغا من الكنائس باش يشوفو الغلة والتّمار الروحية في الحياة ديال المؤمنين، وهاكدا الكنيسة تقدر تشوف وتأكد على الإيمان ديال الشخص، وتما تحاسبو (هادي هي الكلمة الّتي ستعمل الرسول بولس في كورنتوس اللّولى 5: 12، وقارنها مع متّى 3: 8، 7: 16-20، 12: 33، و 21: 43).

وكاينة شي طريقة خرا ملموسة وواضحة نقدرؤ نشرحو بيها الفرق بين النوع اللّول ديال الدنوب والنوع الثاني الخطير؟ كنضن بّلي نقدرؤ نقولو بّلي التّاديب ديال الكنيسة الرسمي ضروري في حالة الكنيسة شافت الدنوب بشكل واضح، وخطير وبلا ماتكون توبة. أوّلاً، الدنوب ضروري يكونو باينين وواضحين. ماخاصش الكنيسة تخرّج البطاقة الحمراء ديال الطرد كل مرّة

غير كتضن بلي كايين دنوب ديال الطمع أولا التكبّر في القلب ديال شي عضو في الكنيسة. ضروري خاص يكون دليل والدنوب يكونوا واضحين وبايين.

تانيًا، خاص هاد الدنوب يكونو دنوب خطيرين. ماخصناش نعاقبو أي دنوب بأقصى العقوبات. في الكنيسة خاصنا نعطيوا فرص للمحبة اللي كتستر الدنوب (بطرس اللّولى 4: 8). كيما الله ماكيا دبناش بشكل كبير وعلني كل مرة كنديرو شي دنوب أولا غلط.

وفي الأخير، قبل ما الكنيسة تطبق التأديب، خاصها تشوف بلي هاد العضو مابغاش يتوب من الدنوب أولا الدنوب ديالو. يعني خاص الكنيسة تكون واجهات هاد الشخص بالوصايا ديال الكتاب المقدّس، ولكن رفض يتوب من دنوبو. وتمّا الكنيسة غتكون شافت بلي داك الشخص كيحب الدنوب كتر من الرب يسوع.

بعض المرّات نقدرو نشوفو بلي الشخص اللي رتاكب الدنوب قدّم إعتدار وطلب السماحة وقال بلي تاب، ولكن واخّا هكداك الكنيسة تقدر تقررّ تزيد تطبق التأديب. هادشي يقدر يوقع إلا الكنيسة ماتاقتش مية في المية بكلام الشخص والتوبة ديالو. ربّما الكنيسة كتعرف بلي داك الشخص كيكذب بزّاف ومافيهش الثقة. أولا ممكن الدنوب اللي دار الشخص كانو دنوب متعمّدين بشكل قبيح وخطير بحال القتل العمد أولا الإغتصاب متلاً، في حالة بحال هكدا واخّا الشخص يقول بلي تاب راه الكنيسة مازال تقدر تقررّ تطبق التأديب حيث صعيب نيق بالكلام. هادشي ماكيغنيش أن هاد النوع ديال الدنوب اللي يالاه دكرت مايمكنش نغفرو لمولاهم، ولكن بعض المرّات كحتاجو الوقت باش نقدرو نشوفو التّمار ديال التوبة قبل الكنيسة تغفر لداك الشخص بشكل رسمي (قرا أعمال الرسل 8: 17-24). من ناحية خرا، ملي الكنيسة كتكون مقتانعة بلي الشخص اللي دار داك

الدنب الكبير تاب توبة حقيقية، فراه مفروض عليها باش ماتزيدش تطبّق التأديب الرسمي والعلني.

## كيفاش خاص الكنيسة تطبّق التأديب؟

الفصل 8 من إنجيل متى كيوصّح لنا العملية الأساسية في التأديب ديال الكنيسة، كيفاش كيبدا التأديب بين جوج ديال المؤمنين وصافي، ومن بعد كيتزاد مؤمن آخر أولا جوج مؤمنين في العملية ديال التأديب، ومن بعد الكنيسة كاملة كتدخل في العملية. الرب يسوع علّم هادشي حيت هو عارف بلّي من الأحسن العملية ديال التأديب توصل للمُصالحة والتوبة مع أقل عدد ممكن ديال الناس داخلين في الموضوع.

بعض المرات، خاص التأديب يمشي بشوية. مثلاً، ملّي الشخص المؤمن كيوّرّي بلّي عندو رغبة باش يتدابز مع الدنوب اللّي في حياتو، راه خاصنا ننقلو التأديب ومانزربوش. ولكن كينين أوقات فين خاص الكنيسة تطبّق التأديب بالزربة وتزرب في العملية، بحال في الحالة ديال المشكل اللّي هدر عليه الرسول بولس في كورنتوس اللّولى الفصل 5، حيت الدنب ديال داك الراجل كان دنب كبير وقوي وماكانش كيبان بلّي عندو رغبة باش يتوب.

راه خاص الكنيسة تاخذ في عين الإعتبار ماشي غير النوع ديال الدنب، ولكن الطبيعة والنوع ديال المُدنب حتّى هو. حيت بكل صراحة، راه الإستراتيجية كتختلف حتى من جبهة النوع ديال الدنب والطبيعة ديال المُدنب (تسالونيكّي اللّولى 5: 14).

غالبًا ما كيتسألوا الأعضاء ديال الكنيسة على كيفاش خاصهم يتعاملو مع المؤمن اللّي تحت التأديب ديال الكنيسة. العهد الجديد هدر على هاد

النقطة في مجموعة ديال البلايص، بحال في كورنتوس اللّولى 5: 9 و 11، تسالونيكى الثانية 3: 6 و 14-15، تيموتاوس اللّولى 3: 5، تيطس 3: 10، يوحنا الثانية 10). راه المشورة أولا النصيحة الرئيسية اللّي كينصحو بيها الشيوخ ديال كنيسي هي أن الأساس ديال العلاقة ديالنا مع الشخص اللّي تحت التأديب ديال الكنيسة خاصو يتبدّل بشكل واضح وباين. ماشي خصنا نوقفو نتعاملو مع هاد الشخص في مرّة، وماشي خاصنا نتجاهلوه، ولكن ملّي نهدرو معاه خاصنا ديمنا نهدرو على التوبة وعلى كلمة الله. راه مفروض على الأفراد ديال العائلة يزيدو يكونو أوفياء للإلتزامات ديالهم للعائلة (قرا أفسس 6: 1-3، وتيموتاوس اللّولى 5: 8، بطرس اللّولى 3: 1-2)

فوقاش الشخص اللّي تحت التأديب يقدر يرجع لحياة الشركة الروحية في الكنيسة؟ ملّي يتوب ويرجع للمسيح. بعض المرّات التوبة كتكون باينة وما فيها شك. متلاً، في حالة شي راجل تخلى على مراتو. التوبة كتكون باينة ملّي هاد الراجل كيرجع لمراتو. وكاينين حالات فين التوبة ماكتكونش باينة وواضحة، متلاً في حالة الكنيسة كتاشفات الإدمان ديال واحد العضو، هنا الكنيسة خاصها تمشي بشوية وبكل حكمة.

ملّي الكنيسة كتاخذ القرار باش تقبل التوبة والرجوع ديال واحد العضو للشركة الروحية ولعشاء الرب، صافي ماخاصش يدوز شي وقت طويل باش الكنيسة تجرّب هاد العضو. في ديك اللحضة خاص الكنيسة تعلن الغفران الكامل لهاد العضو التايب (يوحنا 20: 23)، وكتحبو كتقبلو بشكل كامل (كورنتوس الثانية 2: 8)، وكتفرح بيه أولاً بيها (لوقا 15: 24).

## أحكم من الحكمة ديال الإنسان

ملّي الكنيسة كتبدا في التطبيق ديال التأديب، رaha عادةً كتلقا راسها كتواجه مواقف معقدة وماكينش بحالها في الكتاب المقدّس باش تقدر ترجع للكتاب وتتعلم منو على هاد الحالة بالضبط. في أي حالة، راه الأولوية ديال الكنيسة هي تحمي السمعة ديال المسيح. والكنيسة كتدير هادشي من خلال أنها كتفكر مزيان في قرارها باش تأكد وتصادق على قرار الإيمان ديال الشخص الّي حياتو ماكتمتّش المسيح بشكل باين وكتجيب العار للشهادة ديال المسيح. في الحقيقة، حماية السمعة ديال المسيح هي أعظم طريقة كتوزي المحبة للإنسان المُدنب، وللكنيسة، ولكل الناس لخرين ديال العالم.

كان واضح بلّي هادي هي أحسن طريقة باش الكنيسة توزي محبتها لهيرمونو، وللدولة ديالو أندونيسيا. راه بعد ما عزلاتو الكنيسة من الشركة الروحية وعشاء الرب لشي وقت، هيرمونو حس بالروح كيأنبو على الدنوب ديالو، وشرا تيكيت ديال الطيارة، ورجع لبلادو. ومن بعد عام تقريبًا، كتب واحد الرسالة لواحد من الرعاة ديال كنيستنا، قال في الرسالة:

"أندي، كنشكرك على الرسالة المشجعة الّي كتبتي ليّا. وحتّي بغيت نشكركم حيت الكنيسة ديما كتفكرني، وديما كتصلّيو من أجلي. ضروري نعتارف بلّي ملّي خرجت من الكنيسة خرجت وأنا هاز معايا دنوب الّي ماكنتش باغي نتعامل معاهم ونحاربهم، والمشكل لكبير هو أنّي ماقدرتش نشوف الخطورة ديال دنوبي. كان خاصني نتعلّم كيفاش نتواضع، ونطلب المُصالحة منكم. واش حنا عديان؟ لّا، حنا حوّت في الإيمان. كنت متكبّر وراسي قاسح بزّاف. وهاد التكبّر دياي والقسوحية ديال الراس خلّاني نفكر بلّي غير الله الّي خاصو يخدم ويصاوب هاد المشكل، بلا

ماندير أنا والو. وهادشي علاش مشيت في طريق غالط وتلفت. وشنو كانت النتيجة؟ مالقيتش السلام... ودابا راني عارف علاش الله رجّعي لبلادي، حيث الله كان موجّد ليا واحد البركة أبدية. صعيب بالكلام نشرح ليك العلاقة اللي كتجمعني بالله اليوم. هاد العلاقة زوينة وعميقة وصعيب نشرحها... أندي، كنت كنصلي بزّاف باش الله يصالحني معاه، ولكن عافاك علمني كيفاش نوصل ليه. بغيت نجتامع عوتاني مع عائلي، الكنيسة. وفي الأخير، عافاك بلّغ سلامي والشكر ديالي لكل الكنيسة ولكل الشيوخ ديال الكنيسة. توخّشتكم بزّاف.

مع كل محبتي،  
هيرمونو"

والكنيسة فرحات بزّاف وجاوباتو من خلال الراعي:

"هيرمونو...

شحال فرحنا نتواصلو معاك عوتاني. بغيت نعلمك بلي الكنيسة جتماعات البارح وشاركنا الرسالة ديالك الأخيرة مع كل الأعضاء... كلنا تعزّينا وتشجّعنا بكلامك وبشنو درتي.

والأعضاء ديال الكنيسة كلهم وافقو على هاد الإقتراح ديال شيوخ الكنيسة، الشيوخ قالو قتارحو علينا وقالو: حنا فرحانين وبغينا بصيفتنا شيوخ الكنيسة نوّصيو الأعضاء ديال الكنيسة باش يعترفو ويقبلو التوبة ديال خونا في المسيح هيرمينو، وبشكل رسمي نمّدو ليه يد الغفران على كلشي اللي دار، ونعاودو نعلنو ونجددو الشركة الروحية ديال الكنيسة معاه، ونوزّي كل المحبة ديالنا ليه بصيفتو أخ ديالنا في المسيح. ونشكرو الله على الأمانة

ديالو للكلمة ديال الله، وعلى كل المؤمنين اللي كيطيحوا كلام الله.  
ومن بعد صلينا من أجلك، طلبنا الله باش يباركك ويبارك كل  
حياتك وخدمتك.

كنصليو باش الرب يزيد يشجعك، ويحفضك وننا كتزيد تطيعو  
وتبعو.

خوك في المسيح،  
أندي"

دابا هيرمونو كيخدم الرب وكيبشّر بالمسيح في إندونيسيا في بلايص فين  
الناس ماعمر سمعو بالمسيح وبالإنجيل ديالو.

هاكدا الكنيسة ستعملات التأديب، وهاكدا تاب هيرمونو، وهاكدا الله  
تمجد، ودابا شعب جديد كيستمع على المسيح وكيبارك بالمعرفة ديال الله  
من خلال التبشير بالإنجيل.

شحال الله حكيم كتر من أي إنسان على الأرض، ياك؟

راه الرب يسوع ديما هو اللي كيملك، هو سامي فوق كلشي.

## فوقاش ماخاصش المؤمن يخضع؟

كاينين أوقات فين غيخصنا بكل تواضع نصبرو ونتحملو الأخطاء أولاً الدنوب ديال شي قائد. ولكن إلا شي مؤمن لقا راسو في شي كنيسة فين القائد أولاً الراعي ماكيصرفش ميزان في جسد الرب بشكل واضح و مستمر، كمنصح هاد المؤمن باش يهرب من تما. هرب باش تحمي التعليم ديالك، والعائلة ديالك، وباش تكون قدوة ومثال ميزان للأعضاء لخرين ديال الكنيسة، وباش تكون قادر تخدم الناس اللي ماشي مؤمنين اللي الرب كيحط في حياتك، ماخاصكش تصادق وتقبل كنيسة أولاً قياد بحال هاكدا.

كيفاش تقدر تعرف بلي القيادة ديال الكنيسة فاسدة أولاً ماشي ميزانة؟ الرسول بولس كيطلب جوج شهود على الأقل باش تكون شي شكاية ضد شيخ في الكنيسة مقبولة (تيموتاس اللولى 5: 19)، كنضن بلي بولس طلب هادشي حيت هو كيصرف بلي ديما غيكونو ناس اللي كيشكيو، وغالباً هاد الشكايات كيكونو غير ضلم وماشي حق. خليني نشرك معاكم بعض الأفكار اللي الكنائس الفاسدة والقائد الفاسدين عادة كيديروهم بشكل باين ومستمر:

- ديما كيختارعو وكيعلمو عقائد في مواضيع ماعمر هدر عليها الكتاب المقدس.
- كيتمادو على الدكاء ديالهم الشخصي، أولاً الشخصية الجداية، أولاً كيخليو الناس ديما يحسو بالدنب، أولاً كيتمادو على المشاعر، أولاً التهديدات، وماشي على كلمة الله والصلاة (أعمال الرسل 6: 4).
- الوجهيات.

- كيعاقبو أي واحد كيختالف معاهم في الرأي.
- كيستعملو طُرُق متعصبة في التواصل (إلا بغاوا يعاقبو شي واحد غير كيقطعو مع هاد الشخص الهدرة والتواصل، أولا كيغضبوا وكيغوتوا فاش ماكتعجبهمش شي حاجة).
- كيشكر راسو وأي حاجة كيديرها أولا كيفكر أن كل حاجة كيديرها هي أحسن حاجة كتر من أي إنسان أولا عمل آخر.
- كيهدر بزّاف وكيزرب.
- ماكيديرش أعمال الخير في السر.
- ماكيشجعش الكنيسة.
- إلا كيشك في شي واحد، ماكيعطيهاش فرصة باش يدافع على راسو ويورّي برائتو.
- الوعض ديالو، والمشورة والتلمذة وخدمتو في الكنيسة كلهم غير بالكلام والحكمة البشرية بلا ما يعطي مجد لله، وبلا ما يبني كلشي على عمل المسيح.

## واش العضوية خاصها تكون متشابهة في كل بلاصة؟

كاينين كنائس اللي ماعندهمش إسم، وماعندهمش بناية، ومامسجلينش بشكل رسمي في المدينة أولا الدولة، يعني ماشي كنيسة كتعترف بيها الدولة. إلا الدولة عرفات بكنيسة بحال هاكدا راها غادي تضطاهدها وتسدها.

بحال هاد الكنائس كيجتامعو في الديور ديال أعضاء الكنيسة، وهاد الكنائس كيكونو في بلدان فين الأغلبية ديال الناس عندهم دين أولا فكر مختلف كلياً. وعادةً كيكونو كنائس صغار، يعني كيكون فيهم متلاً بين تمنية وعشرة ديال الأعضاء، وإلا كبرات الكنيسة تقدر توصل لعشرين. إلا الكنيسة كتفوت عشرين، كيكون مفروض عليها تقسم. حيت الديور عادة كيكونو صغار، وفوق هادشي، المؤمنين كيكون مفروض عليهم يتحركو بلا ما يتيرو الإنتباه ديال الناس والبوليس.

نعطيكم مثال ديال واحد الكنيسة بحال هاكدا. هاد الكنيسة كتجتامع كل نهار الحد مع جوج شيوخ سميتهم "فرانك" و "هانز"، كيجتامعو باش يصلبو ويسبحو الله، وباش يتعلمو من الكتاب المقدس. هاد الجوج الرجال بجوج آمنو بالمسيح تقريبا شي عشر سنين قبل، وتعلمو كل حاجة كي عرفوها من الكتاب المقدس من جوج ديال المرسلين أولا ثلاثة.

والسؤال اللي بغينا نطرحوه في هاد الفصل هو: واش الطريقة اللي كتمارس بيها هاد الكنيسة العضوية خاصها تكون هي نفس الطريقة اللي في

أي كنيسة خرا في الغرب، مثلًا في عاصمة أمريكا واشنطن؟ واش خاص العضوية ديال الكنيسة تمارس بنفس الطريقة في كل بلاصة في هاد العالم؟

### كيفاش تقدر تكون العضوية متشابهة في كل بلاصة؟

الجواب الأساسي على هاد السؤال هو: أه ولا في نفس الوقت. خَلينا نبدأو بالجواب ديال "أه". أه، راه العضوية كتبان متشابهة وهي نفسها في كل بلاصة، حيت الكنيسة المحلية أسسها الرب يسوع، وهو اللي أسس العضوية حتى هي. والرب يسوع عطى لكل كنيسة في كل بلاصة نفس الأدوات باش يكملو نفس المهمة.

- المهمة: أننا نكونو شعب متميز وباين. راه الله كيبارك كل العالم من خلال هاد التميز، وهاد التميز كيجيب المجد والحمد للأب ديالنا اللي في السما (متى 5: 3-16).
- الأدوات: هما السلطة اللي عطا الرب للكنيسة باش تحمي الإنجيل، وتؤكد بشكل رسمي على قرار كل إنسان كيقول بلي أمن بالمسيح والإنجيل، وعطا سلطة للكنيسة باش تتلمذ، وتعلم التلامد كل الوصيات اللي عطاها الرب يسوع، وفي نفس الوقت خاص الكنيسة تبعد المؤمنين اللي ماشي حقيقيين (متى 16: 13-19، 18: 15-20، 28: 18-20).

وزيد على على هادشي راه العضوية هي متشابهة في كل بلاصة حيت كل الكنائس كاينين في نفس الأرض: أرض العدو (يعني الشيطان). ماتنساش بلي راه الكنائس المحلية هما في الحقيقة سفارات ديال مملكة الله. ولكن راه هاد السفارات ماكاينينش في دول صديقة أولا مُحادية، بالعكس، راه هاد السفارات كاينين في أرض العدو. هادشي علاش ملي الرسول بولس هدر في

رسالة كورنتوس اللّولى الفصل 5 على الراجل اللّى كان كيزني، قال بلّي إلا خرجاتو الكنيسة على بزّ راه بحال إلا سلّماتو للشيطان. راه الشيطان هو الرئيس ديال هاد العالم، وهو اللّى حاكم على كل المملكات في هاد الأرض بشكل وقتي حتّى نهار يرجع الرب يسوع (يوحنا 12: 31، 14: 30، متى 4: 9-8).

إبليس كيستعمل بزّاف ديال الأدوات والمكايد بطرق مختلفة وفي كل بلاصة في العالم بطريقة مختلفة باش يحاول يوقّف الإنتشار ديال مملكة الله. في الدولة الغربية، المكيدة المفضلة ديالو هي المسيحية الإسمية (يعني الإيمان المسيحي اللّى ماشي حقيقي، إيمان سطحي غير حيت العائلة مسيحية أولا كتقافة وصافي). كتولّي المسيحية في هاد الحالة هي ناس كبار في السن كيعطيو الحلوة للدراري والشباب باش يبانو ناس ضريفين. كيكون الإنسان أمن بالمسيح غير حيت والديه داوه للكنيسة وضغطو عليه باش يهز يدو ويقبل المسيح في قلبو ملّي الراعي ميسوّل على شكون بغا يأمن بالمسيح.

في هاد الحالات بحال هادو، الشيطان كيزرع أفكار ضد شنو كيعلّمنا الكتاب المقدّس في القلوب ديال هاد الناس. كيولّي مستحيل تقدر تشارك الإنجيل مع ناس بحال هكدا، حيت كيكون كيتبع غير المضاهر وكيرفض حياة الإيمان الحقيقي. كيقول: "أه، أنا كئامن"، ولكن ماكيناش توبة من الذنوب في حياتو. بحال غير كيصبغ راسو بالإيمان المسيحي فوق الإنسان لقديم وفوق الذنوب.

الخطر الكبير ديال هاد المسيحية الإسمية المزورة هو أنها كتخدع الكنائس وكتخلّيهم يفكرو بلّي الكنيسة ماكيناش في أرض العدو. الكنائس كيحسّو بحال هما عايشين في الأرض ديالهم، وهما في أمان.

من جبهة خرا، الشيطان كيستعمل مكاييد خرين مختلفين في بلاييص خرين في العالم. متلاً في ولاية أوديشا في الهند، الشيطان كيستعمل الخوف من الهندوسيين اللّي كيحرقو الكنائس. أمّا في واحد المدينة في أسيا، فين كان فرانك وهامز كيخدمو الرب في كنيستهم، الشيطان كيستعمل البوليس والسلطات ديال الدولة اللّي كيتسللو للإجتماعات ديال الكنيسة، وكيحيدو منهم الكتوب، وكيديو الرّعاة والقُياد للحبس. وفي بعض البلاييص في إفريقيا، الشيطان كيغجو يخدع الناس باش يخلطو بين الإيمان المسيحي والديانات القدام ديال جدودهم، وهاكدا بحال كيصاوبو دين جديد مخلّط بين المسيحية وعبادة الأصنام.

وبما أن البشر كيغيشو في هاد العالم بأجساد مادية، راه عيون البشر كتميل باش تركّز على الإختلافات والفوارق السطحية. ولكن راه الأمور اللّي مهمّة كتر من كل حاجة خرا ماكتشافش. في الحقيقة راه أهم حاجة خاصنا نركّزو عليها هي أن كل كنيسة في كل بلاصة في هاد الأرض كاينة في أرض العدو. ماعمر شي جماعة ديال المؤمنين في هاد العالم ماغتكون مقدسة بشكل كامل حتّى نهار يرجع الرب يسوع.

كيف ما كانت البلاصة اللّي ننا فيها، وفي أي وقت في التاريخ، راه الكنيسة المحلية كتحمي الإنجيل ضد أي هجوم، الكنيسة كتدير هادشي من خلال المسؤولية اللّي عاطاها الرب باش ترد البال مع الناس اللّي كتقبلهم كأعضاء فيها وكتصادق على الإيمان ديالهم. كل كنيسة خاصها تسوّل هاد الأسئلة الأساسية لكل شخص كيقول بلّي أمن بالمسيح: "شنو هو المسيح بالنسبة ليك؟ واش نت متأكّد بلّي مستعد تهز الصليب ديالك، وتعطي كلشي باش ترتابط بالمسيح والجسد ديالو؟".

## كيفاش العضوية ديال الكنيسة مختلفة كل بلاصة في هاد العالم؟

في نفس الوقت، خاصنا نفهمو مزيان أن الكنائس كيواجهو تحديات وصعوبات مختلفين حسب المنطقة. المهمة الرئيسية و الأدوات ديال الكنيسة هما نفسهم، ولكن الإجراءات يقدر و يختلفو شوية.

### *التعقيد ديال المجتمع*

في البداية، خاصنا نفهمو أنه كلما و لا المجتمع كبر و معقد كتر، كلما زادت الصعوبة قدام الكنيسة باش تصادق و تتابع الإيمان ديال الناس. الصعوبة كترت بسباب ساعات طوال ديال الخدمة في البلاد، السرعة ديال تغير المجتمع، التعدد ديال الديانات في المجتمع، كثرة الطوائف، و كترت الهرطقات، و الكنائس المزورين، و الثقافة حتى هي، و زيد و زيد. كلما زاد كبر المجتمع و كلما زاد تعقد، كلما و لي صعب على الكنيسة تعرف شكون كيتبع الرب يسوع و شكون كيتبع حوايج خرا.

واش نت مع الرب يسوع؟ مانقدروش نأكدو على هاد القرار ديالك، كتبان عند الكنيسة غير نهار الحد، و نت ساكن بعيد من الكنيسة. و حنا ماكنعرفوش كيفاش كتعيش حياتك وسط الأسبوع، بغينا نعرفو شكون هو يسوع بالنسبة ليك؟

### *القبول أولا الرفض ديال المجتمع*

حتى الموقف ديال المجتمع من المسيحية كياتر على القدرة ديال الكنيسة باش تصادق و تتعامل مع قرارات الناس من جبهة إيمانهم بالمسيح. قبول و إعلان الكنيسة لإيمان واحد الشخص بالمسيح صعب يكون علني و باين قدام الناس في واحد المجتمع كيرفض و كيتعارض مع الإنجيل. فكر معايا في فلسطين في القرن اللول، أولا الدول اللي فيهم

المسيحيين كأقلية صغيرة. في بحال هاد البلايص، كايين واحد العائق ماكيخليش الكنيسة تعلن الإنضمام ديال المؤمنين ليها بشكل علني.

ولكن دابا فُكر في المجتمعات اللي عامرين بالمسيحيين الإسميين. كايين واحد الحافز باش الناس يتعمدو وينضمو للكنيسة. راه لولاد إلا أمنو كيفرحو بيهم والديهم، وحتى المجتمع كيزيد يقبلهم ويفرح بيهم.

كنضن أن هاد الجوج أنواع ديال الاختلافات غيأترو على الخدمة الهيكلية والمنهج ديال الكنيسة باش تكمل المهمة ديالها من خلال الأدوات اللي عطاها المسيح. في هاد العالم الكنيسة كتخدم بكل حدّ وبالعقل، وهادا ماشي شي علم مضبوط عندو نفس الطرق في كل مرة، بشكل عام كنضن بلي كلما كانت المسيحية مقبولة في المجتمع، وكلما كان المجتمع معقد، راه الكنيسة غتحتاج لإجراءات كتر باش تنضم راسها.

في مجتمع معقد ومركب، متلاً الدروس ديال العضوية يقدرو يعاونو الكنيسة باش توضّح شكون هو المسيح اللي كتأمن بيه وكتبغو. والمقابلات الرسمية باش الكنيسة تقبل الطلب ديال العضوية ديال شي مؤمن جديد. كيعاونو الكنيسة تعرف شكون هو المسيح بالنسبة للشخص الجديد. وهاكدا التوقعات ديال الكنيسة والناس كيكونو باينين وواضحين.

وزيد على هادشي، راه في مجتمع معقد ومركب، كيعاون بزّاف باش الكنيسة يكون عندها ملف أولاً واحد السجل فين كتسجل الأحوال ديال كل الأعضاء ديال الكنيسة. هاكدا الكنيسة كتعاون القيّاد والجماعة ديال المؤمنين كلهم باش يميّزو ويعرفو شكون هما الناس اللي تحت المسؤولية ديال الكنيسة.

أما في المجتمعات البسيطة اللي كترفض المسيحية، كنضن بلي الدروس على العضوية والملفات ديال أحوال الأعضاء هما ماشي ضروريين.

في الحقيقة، المعلومات التي كَيْتَسَجَلُو في المَلَقَات على كل الأعضاء يقدرُو يكونو خطر إلى طاحو في اليد ديال ناس ضد الإيمان المسيحي. ولكن وَاخًا هكداك راه الرب يسوع عطا حتّى لهاد الكنائس نفس الأدوات باش الكنيسة تقدر تكون متميزة من المجتمع التي ضاير بيها. بغيت نحاول نعطي مثال على هادشي من خلال خوتنا لعزاز في وسط أسيا.

## الأساس الكِتَابِي

في الكنيسة ديال فرانك وهانز، المؤمن كيولي عضو في الكنيسة مباشرة من بعد المعمودية. ولكن ديما المعمودية كتجي من بعد أسابيع ديال المُقابلات ودروس التلمذة مع الشيوخ والكنيسة. المقابلات ماكيكونوش في شي مكتب في البناية ديال الكنيسة، حيث ما عندهمش بناية، كيجتامعو غير فالديور. ممكن المقابلة تكون في الزنقة ملي كيكونو كيتمشاو وكيهدرو، أولا كالسين كياكلو. المقابلة كتبان بحال غير شي حوار عادي بين جوج حوت مؤمنين، ولكن الهدف ديما هو نفسو: بغات الكنيسة تتأكد بلي هاد المؤمن الجديد كيفهم الإنجيل وبلي تاب.

من بعد الشيوخ كيطلبو من المؤمن يعلن الإيمان ديالو قدام الكنيسة كلها، وفي ديك الحالة أعضاء الكنيسة يقدرُو يسؤلُو المؤمن الجديد. الشيوخ ديال الكنيسة كيكودو الحوار، وكيجشعو كل المؤمنين باش يشاركو في هاد الخطوة التي كتعاون المؤمنين كلهم.

في هاد الحالة، الكنيسة ماكتصوتش، ولكن في الأخير خاصهم كلهم يتأفقو ويقبلو قرار الشخص بالإيمان، أولا كيقررو بلي مازال خاصو شوية ديال الوقت باش يفهم كتر ويوري بلي الإيمان ديالو هو حقيقي. في مجتمع بحال هادا فين الأغلبية ماشي مسيحية، الكنيسة كتقلب على براهين بلي

حياة الشخص تغيّرات بالإيمان بالمسيح. ماشي كيتستأو حتى يشوفو بلي هاد الشخص هو كامل وبلا دنوب، ولكن بغاو يشوفو توبة حقيقية، وخصوصًا بغاو يشوفو هاد الشخص كيعلن على الإيمان ديالوقدام الكنيسة وكيعلن بلي هو تلميذ كيتبع المسيح.

وكخطوة أخيرة، الكنيسة كتقبل الإيمان ديال المؤمن الجديد من خلال أنّها كتعمدو، وهاكدا كترحب بيه بشكل رسمي في جسد المسيح. المعمودية كتكون صعبة باش تدار في بلدان بحال هاكدا. بعض المرات كتدار في شي ضاية، بعض المرات في شي واد بزا المدينة. والله باركني وعطاني فرصة واحد النهار باش نشوف معمودية في لابسين ديال واحد الراجل من الكنيسة.

كنضن بلي هاد الكنيسة الصغيرة في أسيا عطاتنا واحد الأساس كتابي، هاد الكنيسة ما عندهاش كل الأمور اللوجيستكية والتنظيم اللي عند كنيسة في أمريكا، ولكن هي طاعت كل المعايير والوصايا ديال العهد الجديد من جبهة العضوية ديال الكنيسة.

- واضح شكون هما الأعضاء ديال الكنيسة واخا ماكاينينش ملقات ومعلومات رسمية. الكنيسة كتعرف شكون تاب وأمن وشكون مازال. حيث الكنيسة كلها كتكون حاضرة في المعمودية ديال كل واحد ولي عضو. وهاكدا الكنيسة كتحمي عشاء الرب والشركة الروحية من خلال أنها كتكون قادرة تشوف الخط اللي كيفصل بين الكنيسة والعالم.
- الكنيسة كترد البال مزيان في القرار ديال شخص كيقول أمن باش تضمن الأمانة، واخا عادةً ماكيكونوش شي دروس رسمية على العضوية ديال الكنيسة، وماكيكونوش مقابلات رسمية على ود قبول العضوية.

- كل عضو في الكنيسة، وحتىّ الشيوخ، كيخضعوا للإشراف ديال الكنيسة كلها، واخًا ما كينش شي تصويت ديال الكنيسة. الكنيسة ساهل عليها تعرف واش كل الأعضاء موافقين أولاً لآ حيث المجموعة ك تكون صغيرة عادةً.
- الكنيسة ك تمارس التأديب باش تحافض على الطهارة والنقاوة ديالها، وحتىّ باش توّزي المحبة للشخص الّلي ك يدنب.

من خلال كل هادشي راه الكنيسة كتحمي إسم المسيح والسمعة ديالو، وفي نفس الوقت كتزّين الإيمان في أحسن صورة باش تجبد الإنتباه ديال الناس الّلي بزّا الكنيسة.

### مِتال مختلف بزّاف؟

في اللّول تقدر تبان العملية ديال إنضمام المؤمنين للكنيسة ديالي في واشنطن مختلفة بشكل كامل. حيث في اللّول المؤمن الجديد كيخصّو يحضر لسته ديال الدروس على العضوية ديال الكنيسة، في هاد الدروس كيتعلّم المؤمن الجديد بيان الإيمان ديال كنيستنا، والعهد الّلي كيجمعها، التاريخ ديالها، والبرامج ديال التبشير ديالها، وأمور خرين عندهم علاقة بالحياة ديال الكنيسة.

إلا كان الشخص من بعد هاد الدروس القوية مازال باغي ينضم للكنيسة، تمّا كيطلب مقابلة شخصية مع واحد من الشيوخ ديال الكنيسة، باش يشارك معاه الإختبار الشخصي ديالو مع المسيح، ويشرح الإنجيل الّلي كيامن بيه. كايّن واحد الراعي كيطلب من الناس يشرحو ليه المعنى ديال الإنجيل في دقيقة وحدة أولاً قل. ومليّ تسالي المقابلة، كيخصّ المؤمن يوقّع على بيان الإيمان ديال الكنيسة والعهد ديالها.

ومن بعد، الشيخ الّبي دار المقابلة وكيكون عمّر الطلب ديال العضوية، كيطبع الطلب وكيوزعو على الشيوخ ديال الكنيسة قبل الاجتماع ديالهم. الشيوخ كيقرأو الطلب ديال العضوية مع بعضياتهم، ومن بعد كيصوّتو. ومن بعد كيشاركو الطلب مع أعضاء الكنيسة في الاجتماع الرسمي ديال الأعضاء الّبي كيتدار مّرة كل خمسطاشر يوم. وتّمّا واحد من الشيوخ كيقدّمك للكنيسة ومن بعد كيصوّتو عليك الأعضاء بشكل شفّاف وديمقراطي.

إلا الكنيسة صوّتات وقبلات الإنضمام ديالك، راه كيكتبو سميتك في اللائحة ديال الأعضاء، وكتولّي عضو في الكنيسة وكيعطوك واحد الصاك ديال العضوية، كيكون في الصاك بعض الكتب وأمور خرا ماشي مهمة بزّاف.

هاد العملية كتبان بيروقراطية ياك؟ هادي طريقة ماجايش من الكتاب المقدّس. أنا أكيد بلي الكنيسة اللّولى ماكانتش كتمارس الديموقراطية بهذا الطريقة في التصويت على العضوية.

في الحقيقة كنضن بلي الكنيسة الّبي في مدينة علمانية كبيرة صعيب عليها في هاد الزمان تطيع الوصايا ديال الكتاب المقدّس باش تراقب وتصادق على الإيمان ديال الناس بلا أدوات بحال هاكدا. ماشي بالضرورة هاد الأدوات، ولكن أي وسائل كيشبهو لهاد الأدوات. متلّا الكنيسة تقدر تطلب من المؤمن الجديد الّبي بغا ينضم ليها باش يتمسّي شي ربعة ديال السوايع مع شي شيخ من الكنيسة ومع بعض الأعضاء باش يهدرو ويناقشو كل المسائل الّبي كاينين في الدروس ديال العضوية أولا في المقابلة الشخصية. تقدر شي كنيسة خرا ماتسجّلش الأسماء في شي دفتر أولا سيجّل ولكن غير تطلب من الأعضاء يحفضو كل إسم جديد تزداد للكنيسة.

أهم حاجة هو أنه ضروري يكون شي حوار قبل ما المؤمن الجديد والكنيسة يقدرو يقولو: "أه، قبلت"، حيث هاد العلاقة هي كتكون مبنية على العهد، وهي اللي كتسمى بالعضوية ديال الكنيسة. وضروري على الكنيسة تعرف بالضبط شكون هما الأعضاء ديالها. حيث في الأخير راه الرب بغا منّا باش نردّو البال مع كيفاش كنتعاملو مع الخرفان ديالو.

بكل إختصار، كنضن بلي الفرق بين النموذج ديال أسيا والنموذج الأمريكي هو في الأساس فرق غير في الشكل وماشي في الجوهر والأساس. هاد الجوج كنايس عندهم نفس الأهداف، التبشير بالإنجيل، الإعلان ديال الإنجيل بشكل علني، وكيجميو الإنجيل من خلال التأكيد والإشراف على الحياة الروحية ديال أعضاء الكنيسة الرسميين.

### أمور خاصة بالعضوية- أمور خاصة بالحياة الروحية

في الكنيسة ديال فرانك وهانز، المجتمع هو اللي خلّى المنهج ديال خدمة الكنيسة والإجراءات ديال العضوية يكونو بساط. وكيفا قال واحد الشخص: "ساهل نعرفو شكون معانا وشكون من برّا". حتى ملي كيجيو المشاكل وكيجيو لبوليس لكنائس بحال هكدا، كيكون ساهل يبان شكون هما الأعضاء ديال الكنيسة واخا ماكينش شي سجلات أولا دفاتر ديال العضوية.

أكبر تحدّي كتواجهو الكنيسة ديال فرانك وهامز هو باش الأعضاء ديال الكنيسة الجداد يتعلمو يكونو جديين في الإلتزامات ديالهم مع الكنيسة، ويفهمو الهدف الرئيسي ديال التأديب ديال الكنيسة. ولكن بالنسبة ليهم راه هاد الدروس ما عندهمش علاقة بالعضوية ديال الكنيسة ولكن عندهم علاقة مع الحياة الروحية. في أغلبية الأوقات، الحياة الروحية والعضوية ديال الكنيسة كيتخلطو وكيوّليو حاجة وحدة بالنسبة لهاد الخوت المقدسين المباركين.

هادشي خاصو يكون حق في حياتنا كلنا. العضوية في الكنيسة والحياة  
الروحانية هما نفس الحاجة.

## الخاتمة:

# كيفاش العضوية ديال الكنيسة هي تعريف للمحبة؟

راه الكنيسة كتوزي المحبة لكل العالم من خلال حياة أعضاء الكنيسة المحلية.

هادا هو خبار زوين، حيث راه العالم اليوم كيغاني من التشويش والحيرة من جبهة المحبة، ماكي عرفش شنو هي المحبة الحقيقية. العالم كيضن بلي المحبة هي بحال شي حلوة أولا بحال شي كاس ديال الفلان، ماغدوش شي مركز ولا أجزاء ولا شي قاعدة قوية. العالم كيضن بلي هي إحساس متحرر من كل الشروط، والتوقعات، والمعايير والأحكام. وحتى وسط الإيمان المسيحي، بزاف ديال المرات كنفكرو بلي المحبة هي ضد الناموس والحق، وهكذا المسيحيين كيتقسمو على جوج، واحد النوع اللي كيفضل الحق، ونوع أخير اللي كيفضل المحبة.

المشكل الوحيد هو أن المحبة ديال الرب يسوع هي ماشي بحال هكدا. المحبة ديال الرب يسوع كتبدا بالرحمة، ومن بعد هاد الناس اللي خداو الرحمة كيعرض عليهم الرب للحرية ديال الطاعة.

- أولًا، المحبة هي عمل ديال الرحمة. قال الرب يسوع: "رَاه مَا كَايْنَأَشْ شَيْ مَحَبَّةَ كَبْرَ مِنْ هَاذِ الْمَحَبَّةِ الْكُبْرَى: يُوهَبُ الْوَاحِدُ حَيَاتُهُ عَلَى وَدِّ الْبَنِيِّ كَيْبَغِيهِمْ" (يوحنا 15: 13).
- المحبة هي دعوة للطاعة: "نَنْتُمْ رَاكُمُ حُبَابِي إِلَّا ذَرْتُو دَاكْشِي الْبَنِيِّ كَنْوَصِيكُمُ بَيْةً" (يوحنا 14: 15).

هادي واحد التخليطة مايقدرش العالم يفهمها، ولكن راه هادي هي محبة الله، راه المحبة والقداسة ماكيتعارضوش مع بعضياتهم، بالعكس، هما كيتخلطو وكخدمو مع بعضياتهم باش يجذبو الناس لعند الله.

وهاكدا كنشوفو أن الملك ديانا، الرب يسوع كيطلب من الكنائس باش تورّي لكل العالم المحبة ديانو اللي كتعطي الرحمة وكتعلم الطاعة: "زاني كَنُوصِيكُمْ وَصِيَّةَ جَدِيدَةَ: بُغِيوْ بُعْضِيَّاتِكُمْ. وَكَمَا بُغِيْتُمْ أَنَا، بُغِيوْ حَتَّى نُنْتُمْ بُعْضِيَّاتِكُمْ. بُهَادْسِي عَيَّرَفُو النَّاسَ كُلَّهُمْ بَلِي رَاكُمْ تَلَامِيدي: إِلا كُنْتُمْ كُنْتُمْ بُعْضِيَّاتِكُمْ" (يوحنا 13: 34-35). وهادشي علاش كخدمو بعضياتنا وكجاهدو مع بعضياتنا على ود الحرية ديانو الطاعة اللي عطانا الله. وملي كنديرو هادشي راه كنبكونو كنعلمو محبة المسيح قدام كل العالم، وكنخليو الأمم تحمد الله وتمجدو.

## موارد إضافية

1. الكتاب ديالي "التأديب ديال الكنيسة: كيفاش الكنيسة كتحمي اسم يسوع" (دار نشر كروسواي، 2012) هو الكتاب اللي كيمشي مع هاد الجزء من السلسلة، واللي كيشرح كيفاش نتعاملو مع مختلف السيناريوهات اللي تقدر تتطلب من الكنيسة تطبّق التأديب الروحي. وهاد الكتاب كزيد يتوسع في الموضوع ديال الفصل 7 ديال هاد الكتاب.

2. تقدر تتعمّق في معالجة كتابية ولاهوتية لمواضيع هاد الكتاب في كتاب آخر ديالي سميتو "الكنيسة والجريمة المفاجئة ديال محبة الله: إعادة تقديم عقائد العضوية والتأديب ديال الكنيسة" (دار نشر كروسواي، 2010).

3. تابيتي أنيابويل كيفدّم تأمل رائع على كيفاش نطبقو عضوية هادفة في الكتاب ديالو اللي سميتو "شكون هو عضو الكنيسة السليم؟" (دار نشر كروسواي، 2008).

4. إلا ماقريتيش كتاب مارك ديفر اللي سميتو "شكون هي الكنيسة السليمة؟" (كروسواي، 2008)، غتكون ضيّعتي واحد الفرصة باش تفهم شنو خاص نهدفو ليه باش تكون عندنا كنيسة سليمة.

5. تقدر تلقا مجموعة من المقالات، ومراجعات ديال كتّوب، ومقابلات صوتية، وأسئلة وأجوبة قصار على المواضيع ديال العضوية والتأديب في الموقع [www.9Marks.org](http://www.9Marks.org).

## شُكر خاص

بغيت عوتاني نعبر على الشكر ديالي الكبير لمارك ديفر، مات شموكر، ورايان تاونسند على دعمهم لهاد العمل. بوي جاميسون كان هو أول واحد قراه وعطاني اقتراحات مزيانين. شكرا ليكم خوتي العزاز. كنبغي الخدمة ديالي بسباب هاد الرجال وكل الفريق ديال خدمة 9Marks.

خدمة كروسواي هي دار نشر رائعة باش نخدم معاها. شكرا ليك خويا آل فيشر وكل الفريق.

من بين القراء الإضافيين للنسخة اللّولى، وكل واحد منهم دار إضافات مهمة، بيغت نذكر كندريك كو، جيف جيرهارت، بيل وجين إنجلوند، روبرت كلاين، وجيرامي رين. شكرا بزاف أصدقائي.

كيما ديما، زوجتي الرائعة، شانون، كانت مصدر دعم ومصدر نقاش مفيد على كل محتويات هاد الكتاب. أنا شاكر ليك بزاف آحبيتي.

وأخيرا، شكرو الله معايا، حيث صيفط الإبن ديالو باش يشري كنيسة لي فيها متمردين بحالي.

## تقديم للسلسلة

واش كعتقاد بلي مسؤوليتك هي تعاون فبناء كنيسة صحيحة؟ إلا كنتي مسيحي، كنعقادو بلي هادشي صحيح.

المسيح كيأمرك باش تصنع تلاميذ (متى 28: 18-20). يهوذا كيقول بنيو روحكم فالإيمان (يهوذا 20-21). بطرس كيدعيك باش تستخدم المواهب ديالك لخدمة الآخرين (1 بطرس 4: 10). بولس كيقول ليك قول الحق فالمحبة باش الكنيسة ديالك توصل للنضج (أفسس 4: 13، 15). واش كتشوف منين جينا هادشي؟

سواء كنتي عضو ولا قائد فالكنيسة، سلسلة كتب "بناء كنائس سليمة" كتهدف لمساعدتك باش تنفذ هاد الأوامر الكتابية وتلعب الدور ديالك فبناء كنيسة صحيحة. طريقة أخرى نقولو بيها، كتنماو هاد الكتب تساعدك باش تنمي المحبة ديالك للكنيسة ديالك كيفما المسيح كيحب الكنيسة ديالك.

9Marks كتخطط لإنتاج كتاب قصير وسهل القراءة عن كل ما أسماه مارك العلامات التسع للكنيسة الصحية، بالإضافة إلى واحد آخر عن العقيدة السليمة. ترقبوا كتبًا عن الوعظ التفسيري، واللاهوت الكتابي، والإنجيل، والتحول، والتبشير، وعضوية الكنيسة، وتأديب الكنيسة، والتلمذة والنمو، وقيادة الكنيسة.

الكنائس المحلية موجودة لإظهار مجد الله للأمم. نفعل ذلك بتثبيت أنظارنا على إنجيل يسوع المسيح، والثقة به للخلاص، ومن ثم محبة بعضنا البعض بقداسة الله ووحدته ومحبته. نصلي أن يساعدكم الكتاب الذي بين أيديكم.

بكل رجاء،

مارك ديفر وجوناتان ليمان

المحررين ديال السلسلة

# IX 9Marks

## واش كنيستك صحية؟

خدمة "تسعود ديال العلامات" (9Marks) موجودة باش تجهز القادة ديال الكنايس برؤية كتابية وموارد عملية باش يضره مجد الله للأمم من خلال كنائس سليمة وصحية.

على هاد الغرض، بغينا نعاونو الكنائس يكبرو فتسعود ديال العلامات ديال الصحة اللي غالباً ما كنتجاهلوهم:

1. الوعض التفسيري.
2. عقيدة الإنجيل.
3. فهم كتابي للإيمان والتبشير.
4. العضوية الكتابية في الكنيسة.
5. التأديب الكتابي في الكنيسة.
6. اهتمام كتابي بالتلمذة والنمو.
7. قيادة كتابية في الكنيسة.
8. فهم كتابي لممارسة الصلاة.
9. فهم وممارسة كتابية للإرساليات.

فخدمة "تسعود ديال العلامات" كنكتبو مقالات وكتوب ومراجعات ديال الكتوب وفي مجلة على الأنترنت. كنضمنو مؤتمرات وكنسجلو مقابلات وكنتنجو موارد خرين كيعاونو في تجهيز الكنايس باش مجد الله بيان.

زور موقعنا على الأنترنت وغلقي المحتوى بكثر من 40 لغة وتسجل باش توصلك مجلتنا على الأنترنت فابور. غادي تلقا القائمة الكاملة ديال مواقعنا لخرين باللغات الأجنبية هنا: [9marks.org/international](http://9marks.org/international)

9Marks.org

## علاش خاصك تنضم للكنيسة؟

الانضمام للكنيسة هو جزء مهم من الحياة المسيحية، وغالبا ما كنتجاهلوه. ولكن وَاخًا هكداك راه التوجه ديال الناس هاد الأيام هو تجنب ممارسة الدين المُتَطَّم وإظهار كراهية أولا خوف من الالتزام، خصوصا تجاه المؤسسات.

جوناتان ليمان كيتطرق لهاد القضايا من خلال شرح مباشر لشنو هي عضوية الكنيسة وعلاش هي مهمة. ليمان عطا للكنيسة المحلية حقها، وهاكدا عطا حجة مقنعة للالتزام بهاد الجسد المحلية.

"هاد الكتاب عامر بأفكار عملية وحُجَج مفيدة غادي يعاونونا نعالجو المسيحيين فالثقافة ديالنا اليوم من الحساسية اللي عندهم ضد عضوية الكنيسة، والسلطة ديال الراعي، والمساءلة فالحياة، وأي قيود على حريتهم الشخصية"  
تيم كيلر، الراعي اللؤل في كنيسة ريديمر المشيخية، مدينة نيويورك

"كتاب مُوجَز، جديد، ممتع، وفوق كلشي، كِتَابِي. هادا هو الشرح والدفاع على عضوية الكنيسة اللي كنتي كتقلب عليه"  
مارك ديفر، الراعي اللؤل في كنيسة كابيتول هيل المعمدانية، واشنطن العاصمة

"ليمان كيفكرنا بلي عضوية الكنيسة ماشي إختيار ولكن راها مطلوبة. الكتاب قوي وكيلخينا نفكرو، ولكن فنفس الوقت، عامر بإنجيل النعمة"  
توماس شراينر، أستاذ جيمس بوكانان هاريسون لتفسير العهد الجديد، الكلية اللاهوتية المعمدانية الجنوبية

\* هاد الكتاب هو جزء من سلسلة "9 ديال العلامات: بناء كنائس سليمة".